

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ՀՐԱԺԱՐՈՒՄՆ

Հրաժարիմք ի սատանայէ եւ յամենայն խաբէութենէ նորա, ի պատրանաց նորա, ի խորհրդոց նորա, ի գնացից նորա, ի չար կամաց նորա, ի չար հրեշտակաց նորա, ի չար պաշտօնէից նորա, ի չար կամարարաց նորա, եւ յամենայն չար զօրութենէ նորա հրաժարելով հրաժարիմք:

*Ձայս երիցս կրկնէ՝ զերեսս յարեւմուտս եւ ձեռս ի կոր ունելով՝
եւ ապա դառնայ յարեւելս եւ ասէ բացազուխ եւ ձեռնամած կերպի:*

ԴԱԻԱՆՈՒԹԻՒՆ ՀԱԻԱՏՈՅ

Խոստովանիմք եւ հաւատամք ամենակատար սրտիւ զՀայրն Աստուած անեղ, անծին, եւ անսկիզբն, այլ եւ ծնող Որդւոյ եւ բղիտող Հոգւոյն սրբոյ:

Հաւատամք զԲանն Աստուած անեղ, ծնեալ եւ սկսեալ ի Հօրէ նախ քան զյաւիտեանս. ո՛չ յետոյ եւ ո՛չ կրտսեր, այլ որքա՛ն Հայրն Հայր՝ ընդ նմին եւ Որդին Որդի:

Հաւատամք զսուրբ Հոգին Աստուած անեղ, անժամանակ, ո՛չ ծնեալ, այլ բղիտեալ ի Հօրէ, ԷակիցՀօր եւ փառակից Որդւոյ:

Հաւատամք զԵրրորդութիւնն սուրբ մի բնութիւն, մի Աստուածութիւն, ո՛չ երեք աստուածք, այլ մի Աստուած, մի կամք, մի թագաւորութիւն, մի իշխանութիւն, արարիչ երեւելեաց եւ աներեւութից:

Հաւատամք յԵկեղեցի սուրբ, զթողութիւն մեղաց հաղորդութեամբ սրբոց:

Հաւատամք զմինն յերից անձանց զԲանն Աստուած ծնեալ ի Հօրէ նախ քան զյաւիտեանս, ի ժամանակի իջեալ յԱստուածածին կոյսն Մարիամ, առեալ յարենէ նորա՝ միաւորեաց ընդ իւրում Աստուածութեանն, իննամսեայ ժուժկալեալ յարգանդի անարատ կուսին եւ եղև Աստուածն կատարեալ մարդ կատարեալ հոգւով եւ մտօք եւ մարմնով. մի անձն, մի դէմ եւ միաւորեալ մի բնութիւն: Աստուածն մարդացեալ առանց փոփոխման եւ առանց այլայլութեան, անսերմն յղութիւն եւ անապական ծնունդ. որպէս ո՛չ է սկիզբն Աստուածութեան նորա, եւ ո՛չ վախճան մարդկութեան նորա. (զի Յիսուս Քրիստոս երէկ եւ այսօր՝ նոյն եւ յաւիտեան:)

Հաւատամք զՏէրն մեր Յիսուս Քրիստոս շրջալ ի վերայ երկրի, յետ երեսուն ամաց եկեալ ի մկրտութիւն. Հայր ի վերուստ վկայեալ՝ դա՛ է Որդի իմ սիրելի. եւ Հոգին սուրբ աղանակերպ իջեալ ի վերայ նորա. փորձեալ ի սատանայէ եւ յաղթեալ նմա. քարոզեալ մարդկան զփրկութիւն. աշխատեալ մարմնով, վաստակեալ, քաղցեալ եւ ծարաւեալ. յետոյ եկեալ կամաւ ի չարչարանս. իսպեալ եւ մեռեալ մարմնովն, եւ կենդանի Աստուածութեամբն. մարմինն եղեալ ի գերեզմանի միաւորեալ Աստուածութեամբն եւ Հոգւովն իջեալ ի դժոխս անբաժանելի Աստուածութեամբն, քարոզեալ հոգւոցն, աւերեալ զդժոխս եւ ազատեալ զհոգիսն. յետ երից աւուրց յարուցեալ ի մեռելոց եւ երեւեալ աշակերտացն:

Հաւատամք զՏէրն մեր Յիսուս Քրիստոս նովին մարմնովն համբարձեալ յերկինս եւ նստեալ ընդ աջմէ Հօր: Այլ եւ գալոց է նովին մարմնովն եւ փառօք Հօր ի դատել զկենդանիս եւ զմեռեալս: Որ եւ յարութիւն ամենայն մարդկան:

ՈՐ ԿԱՏԱՐԻ Ի ՄԵՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Հաւատամք եւ զհատուցումն գործոց, արդարոցն՝ կեանք յաւիտենական, եւ մեղաւորացն՝ տանջանք յաւիտենական:

ԶՂՋՈՒՄՆ

Մեղայ ամենասուրբ Երրորդութեանն՝ Հօր եւ Որդոյ եւ Հոգւոյն սրբոյ: Մեղուցեալ եմ Աստուծոյ: Խոստովանիմ առաջի Աստուծոյ, եւ սրբուհոյ Աստուածածնին, եւ առաջի քո, հայր սուրբ, զամենայն մեղս, զոր գործեալ եմ: Քանզի մեղայ խորհրդով, բանիւ եւ գործով, կամայ եւ ակամայ, զիտութեամբ եւ անզիտութեամբ. մեղայ Աստուծոյ:

Մեղայ հոգւովս եւ զօրութեամբ սորա, մտօքս եւ շարժմամբ սորա, մարմնովս եւ զգայութեամբ սորա: Մեղայ զօրութեամբ հոգւոյս, խորամանկութեամբ, անզգամութեամբ, յանդգնութեամբ եւ երկչոտութեամբ, շռայլութեամբ եւ ժլատութեամբ, զեղիտութեամբ եւ անիրաւութեամբ, չարահաւանութեամբ, յուսահատութեամբ եւ թերամտութեամբ. մեղայ Աստուծոյ:

Մեղայ չար խորհրդով մտացս, նենգութեամբ, ատելութեամբ, խեթիւ, մախանօք, յաչաղանօք, թուլութեամբ, պոռնկական խորհրդով. մեղայ Աստուծոյ:

Մեղայ ցանկութեամբ մարմնոյս, հեշտութեամբ, պղերգութեամբ, հեշտալրութեամբ լսելեացս, արատութեամբ աչացս, ցանկութեամբ սրտիս, իգութեամբ ռնգացս, պազշոտութեամբ բերանոյս, անժուժկալութեամբ, շուայտութեամբ եւ արբեցութեամբ. մեղայ Աստուծոյ:

Մեղայ չարութեամբ լեզուիս, ստախօսութեամբ, սուտ երդմամբ, երդմնազանցութեամբ, հակառակութեամբ, վիճաբանութեամբ, բանսարկութեամբ, շոգմոգութեամբ, քսու, դատարկաբանութեամբ եւ ծաղու, զրախօսութեամբ, հերձախօսութեամբ եւ անիճաբանութեամբ, տրտնջելով, դժգոհելով, բամբասելով եւ հայհոյելով. մեղայ Աստուծոյ:

Մեղայ գողութեամբ ձեռացս, ազահելով, զրկելով, հարկանելով, սպանանելով եւ ընդ գարշս ածելով. մեղայ Աստուծոյ:

Մեղայ ամենայն յօդուածովք շինուածոյս եւ ամենայն անդամօք մարմնոյս, եօթնեակ զգայարանօքս եւ վեցեկի շարժմամբս, վերամբարձ ոտնահարութեամբ եւ վայրաքարշ մեղկութեամբ, յաջ եւ յահեակ խոտորելով, զառաջնոցն մեղանչելով եւ վերջնոցն չար նշաւակ գոլով. մեղայ Աստուծոյ:

Այլ եւ մեղայ եօթնիցս յանցանօք, մահացու մեղօք՝ հպարտութեամբ եւ մասամբք նորին, նախանձու եւ մասամբք նորին, բարկութեամբ եւ մասամբք նորին, ծուլութեամբ եւ մասամբք

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

նորին, ազահութեամբ եւ մասամբք նորին, որկրամոլութեամբ եւ մասամբք նորին, բղջախոհութեամբ եւ մասամբք նորին. մեղայ Աստուծոյ:

Այլ եւ մեղայ ամենայն պատուիրանացն Աստուծոյ, յանձնառնլեացն եւ հրաժարելեացն, զի ո՛չ զյանձնառականսն կատարեցի եւ ո՛չ ի հրաժարելեացն հեռա-ցայ: Զօրէնս առի՛ եւ յօրինացն հեղգացայ, ի կարգս Քրիստոնէութեան հրաւիրեցայ՝ եւ գործովս անարժան գտայ. զիտելով զչարն՝ կամաւ կորացայ եւ ի բարեաց գործոց ինձէն հեռացայ. վայ՛ ինձ, վայ՛ ինձ, վայ՛ ինձ: Զո՞րն ասեմ, կամ զո՞րն խոստովանիմ, զի անթիւ են յանցանք իմ, անասելի են անօրէնութիւնք իմ, աններելի են ցաւք իմ. մեղայ Աստուծոյ:

Հայր սուրբ, զքեզ ունիմ միջնորդ հաշտութեան եւ բարեխօս առ միածին Որդին Աստուծոյ, զի իշխանութեամբդ, զոր տուեալ է քեզ՝ արձակեցես զիս ի կապից մեղաց իմոց, աղաչեմ զքեզ:

ԱՐՁԱԿՈՒՄՆ

Ողորմեցի քեզ մարդասէրն Աստուած եւ թողութիւն շնորհեցէ ամենայն յանցանաց քոց, խոստովանացելոցն եւ մոռացելոցն: Եւ ես կարգաւս քահանայական իշխանութեան եւ հրամանաւն Աստուածային՝ թէ Զոր արձակիցէք յերկրի, եղեցի արձակեալ յերկինս, նովին բանին արձակեմ զքեզ յամենայն մասնակցութենէ մեղաց քոց, ի խորհրդոց, ի բանից, եւ ի գործոց, յանուն Հօր եւ Որդւոյ եւ Հոգւոյն Սրբոյ: Եւ դարձեալ տամ զքեզ ի խորհուրդս սուրբ եկեղեցւոյ, զի զոր ինչ գործիցես բարիս, եղիցի քեզ ի բարեգործութիւն եւ ի փառս հանդերձեալ կենացն. Ամէն:

ՈՐ ԿԱՏԱՐԻ Ի ՄԷՋ ԳԻՇԵՐՐԻ ԴԷՄՍ ՀՕՐ ԱՍՏՈՒԾՈՅ

ՕՐՀՆԵԱԼ ՏԷՐ ՄԵՐ ՅԻՍՈՒՄ ՔՐԻՍՏՈՍ.

ԱՄԷՆ:

Հայր մեր, որ յերկինս ես, սուրբ եղիցի անուն քո: Եկեցե՛ք արքայութիւն քո. եղիցին կամք քո՝ որպէս յերկինս եւ յերկրի: Ձեռք մեր հանապազորդ տո՛ւր մեզ այսօր: Եւ թո՛ղ մեզ զպարտիս մեր, որպէս եւ մեք թողումք մերոց պարտապանաց: Եւ մի՛ տանիր զմեզ ի փորձութիւն, այլ փրկեա՛ զմեզ ի չարէ: Ձի քո է արքայութիւն եւ զօրութիւն եւ փառք յաւիտեանս.

Ամէն:

Տէ՛ր, եթէ զշրթունս իմ բանաս, բերան իմ երգեսցե՛ զօրհնութիւնս քո:
Տէ՛ր, եթէ զշրթունս իմ բանաս, բերան իմ երգեսցե՛ զօրհնութիւնս քո:

Օրհնեալ համագոյ եւ միասնական անբաժանելի սուրբ Երրորդութիւնն՝ Հայր եւ Որդի եւ Հոգի սուրբ, այժմ եւ միշտ եւ յաւիտեանս յաւիտենից. Ամէն:

ՍԱՂՄՈՍ Գ.

Տէ՛ր, զի՞ բազում եղեն նեղիչք իմ եւ բազումք յարեան ի վերայ իմ:

Բազումք ասէին զանձնէ իմմէ՝ թէ չիք փրկութիւն սորա առ Աստուած իւր:

Այլ դու, Տէ՛ր, օգնականս իմ ես, փառք իմ եւ բարձրացուցիչ զլիտյ իմոյ:

Ձայնիւ իմով ես առ Տէր կարդացի, եւ լուաւ ինձ ի լեռնէ սրբոյ իւրմէ:

Ես ննջեցի եւ ի քուն եղէ, զարթեայ, եւ Տէր ընդունող իմ է:

Ոչ երկեայց ես ի բիրաւոր զօրաց նոցա, ոյք շուրջանակի պատեալ, պաշարեալ պահէին զիս:

Արի՛ Տէր, եւ փրկեա՛ զիս, Աստուած իմ, զի դու հարեր զամենեսեան՝ ոյք էին ընդ իս թշնամութեամբ ի տարապարտուց, եւ զատամունս մեղաւորաց փշրեսցես:

Տեառնդ է փրկութիւն, ի վերայ ժողովրդեան քո՝ օրհնութիւն քո:

ՍԱՂՄՈՍ ԶԷ.

Տէր Աստուած փրկութեան իմոյ, ի տուէ կարդացի եւ ի գիշերի առաջի քո:

Մտցեն աղօթք իմ առաջի քո, Տէր, խոնարհեսցի ունկն քո ի խնդրուածս իմ:

Ձի լցաւ չարչարանօք անձն իմ, եւ կեանք իմ ի դժոխս մերձեցան, եւ համարեցայ ես ընդ այնոսիկ՝ որք իջանեն ի գուր:

Եղէ ես որպէս մարդ առանց օգնականի, եւ ի մեռեալս ազատ,

Որպէս վիրաւորս, որք ննջեն ի գերեզմանի.

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ձորս դու ո՛չ յիշեցեր, նորա ի ձեռանէ քումմէ մերժեցան:

Եդին զիս ի գրի ներքնումն, ի խաւարի եւ ի ստուերս մահու:

Յիս հաստատեցաւ սրտմտութիւն քո, զամենայն զբօսանս քո ածեր ի վերայ իմ:

Հեռի արարեր յինէն զծանօթս իմ, եւ եդին զիս նշաւակ իւրեանց:

Մատնեցոյ եւ ոչ ելանէի, աչք իմ տկարացան յաղքատութենէ:

Աղաղակեցի առ Տէր զօր հանապազ եւ համբարձի առ քեզ զձեռս իմ:

Միթէ մեռելոց առնիցէ՞ս զսքանչելիս քո, կամ բժիշկք յարուցանիցեն՝ խոստովան առնիցի՞ն առ քեզ:

Միթէ պատմեցէ՞ ոք երբէք ի գերեզմանի գողորմութիւնս քո, կամ զճմարտութիւնս քո ի կորստեան:

Միթէ ճանաչիցի՞ն ի խաւարի սքանչելիք քո, կամ արդարութիւն քո յերկիր մոռացեալ:

Ես առ քեզ, Տէր, աղաղակեցի, առաւօտու աղօթք իմ ժամանեցեն առ քեզ:

Ընդէ՞ր, Տէր, մերժես զանձն իմ, կամ դարձուցանես զերեսս քո յինէն:

Տնանկ եւ վաստակաւոր եմ ես ի մանկութենէ իմմէ, ի բարձրութենէ խոնարհեցայ եւ ապշեցայ:

Յիս հաստատեցաւ բարկութիւն քո, արհաւիրք քո խոռվեցուցին զիս:

Շրջեցան զինեւ որպէս ջուր, զօր ամենայն պաշարեցին զիս ի միասին:

Հեռի արարեր յինէն զբարեկամս իմ եւ զծանօթս իմ, վասն թշուառութեան իմոյ:

ՍԱՂՄՈՍ ՃԲ.

Օրհնեա՛, անձն իմ, զՏէր, եւ ամենայն ոսկերք իմ, զանուն սուրբ նորա:

Օրհնեա՛, անձն իմ, զՏէր, եւ մի՛ մոռանար զամենայն տուրս նորա:

Ո քաւէ զմեղս քո, բժշկէ զամենայն հիւանդութիւնս քո:

Ո փրկէ յապականութենէ զկեանս քո, պսակէ զքեզ ողորմութեամբ եւ զթութեամբ:

Ո լնու ի բարութենէ զցանկութիւն քո, նորոզեցի որպէս արծույ մանկութիւն քո:

Առնէ ողորմութիւնս Տէր, եւ իրաւունս ամենայն զրկելոց:

Եցոյց Տէր զճանապարհս իւր Մովսիսի, եւ որդոցն Իսրայելի զկամս իւր:

Գթած, ողորմած է Տէր, երկայնամիտ եւ բազումողորմ:

Ո՛չ իսպառ բարկանայ մեզ Տէր, եւ ո՛չ յաւիտեան պահէ ոխս:

Ո՛չ ըստ մեղաց մերոց արար մեզ Տէր, եւ ո՛չ ըստ անօրէնութեան մերում հասոյց մեզ:

Այլ որպէս բարձր են երկինք յերկրէ, այնպէս զօրացոյց Տէր ողորմութիւն իւր ի վերայ երկիւղածաց իւրոց:

Որչափ հեռի են արեւելք յարեւմտից, այնչափ հեռի արար ի մենջ զանօրէնութիւնս մեր:

Որպէս գթայ հայր ի վերայ որդւոց իւրոց, այնպէս գթասցի Տէր յերկիւղածս իւր:

Զի նա գիտաց զստեղծուածս մեր, եւ յիշեաց թէ հող եմք:

Մարդոյ որպէս խոտոյ են աւուրք իւր, որպէս ծաղիկ վայրի՝ այնպէս ծաղկի:

Շնչէ ի նմա հողմ, եւ ո՛չ է, եւ ո՛չ եւս երեւի տեղի նորա:

Բայց ողորմութիւն Տեառն մնայ յաւիտեանս յաւիտենից ի վերայ երկիւղածաց իւրոց եւ արդարութիւն նորա յորդոց մինչեւ յորդիս:

Ոյք պահեն զուխտս նորա, յիշեն զպատուիրանս նորա եւ առնեն զնա:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Տէր յերկինս պատրաստեաց զաթոռ իւր, արքայութիւն նորա ամենեցուն տիրէ:

Օրհնեցէք զՏէր, ամենայն հրեշտակք նորա՝ հօրք զօրութեամբ, ոյք առնէք զբան նորա ի լսել ձայնի պատգամաց նորա:

Օրհնեցէք զՏէր, ամենայն զօրութիւնք նորա, պաշտօնեայք եւ արարողք կամաց նորա:

Օրհնեցէք զՏէր, ամենայն գործք նորա, զի ընդ ամենայն տեղիս է տէրութիւն նորա.

օրհնեա՛, անձն իմ, զՏէր:

ՄԱՂՍՈՍ ՃԽԲ.

Տէր, լո՛ւր աղօթից իմոց, ունկն դիր խնդրուածաց իմոց ճշմարտութեամբ քով:

Լո՛ւր ինձ արդարութեամբ քով, եւ մի՛ մտաներ ի դատաստան ընդ ծառայի քում, զի ո՛չ արդարանայ առաջի քո ամենայն կենդանի:

Հալածեաց թշնամին զանձն իմ, խոնարհ արար յերկիր զկեանս իմ եւ նստոյց զիս ի խաւարի, որպէս մեռեալ յաւիտենից:

Չանձնացաւ յիս հոգի իմ, եւ սիրտ իմ խռովեցաւ յիս:

Յիշեցի զաւուրսն զառաջինս, խորհեցայ յամենայն գործս քո. յարարածս ձեռաց քոց խորհեցայ, եւ համբարձի առ քեզ զձեռս իմ:

Անձն իմ որպէս երկիր ծարաւի է առ քեզ, վաղվաղակի լո՛ւր ինձ, Տէր, զի նուաղեցաւ յինէն հոգի իմ:

Մի՛ դարձուցաներ զերեսս քո յինէն, նմանիցիմ այնոցիկ, ոյք իջանեն ի գուր:

Լսելի արա ինձ առաւօտուց զողորմութիւնս քո, զի ես ի քեզ, Տէր, յուսացայ:

Յոյց ինձ ճանապարհ՝ յոր եւ գնացից, զի առ քեզ, Տէր, համբարձի զանձն իմ:

Փրկեա զիս ի թշնամեաց իմոց, Տէր, զի զքեզ ապաւեն ինձ արարի:

Ուսո՛ ինձ առնել զկամս քո, զի դու ես Աստուած իմ:

Հոգի քո բարի առաջնորդեցէ ինձ ի յերկիր ուղիդ:

Վասն անուան քո, Տէր, կեցուցես զիս, արդարութեամբ քով հանցես ի նեղութենէ զանձն իմ:

Ողորմութեամբ քով սատակեա՛, Աստուած, զթշնամիս իմ եւ կորո՛ զամենայն նեղիչս անձին իմոյ, զի ես ծառայ քո եմ:

Փառք Հօր եւ Որդւոյ եւ Հոգւոյն սրբոյ: Այժմ եւ միշտ եւ յաւիտեանս յաւիտենից. Ամէն:

**ԵՐԳ ՆՏԵԱՌՆ ՆԵՐՄԻՄԻ ՇՆՈՐՀԱԼԻՈՅ ԿԱԹՈՂԻԿՈՍԻ ՀԱՅՈՅ
ԱՍՍՑԵԱԼ Ի ՊԱՇՏԱՄԱՆ ԳԻՇԵՐԻ.**

(Աւգ.) Յիշեցուք ի զիշերի զանուն քո, Տէր:

Բղիսեցեն սիրտք մեր զբան բարի, եւ լեզուք մեր պատմեցեն զգործս երկնաւոր թագաւորիդ:

Ի մէջ զիշերի յարուցեալ խոստովանեցուք զքեզ, Տէր:

Զաղօթս մեր տացուք քեզ, Տէր, ի գաւիթս քո ի մէջ նոր Երուսաղէմի:

Ի զիշերի համբարձցուք զձեռս մեր սրբութեամբ առ քեզ, Տէր:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ի ձայն գոհութեան, ամենայն հոգիք, օրհնեցէք զՏէր:

Վիւ. Զարթի՛ք, փա՛ռք իմ, զարթի՛ք եւ ես զարթեայց առաւօտուց. ալէլուիա:

Զարթի՛ք ընդ զուարթունս, մանկունք վերինն Սիովնի. ալէլուիա:

Զարթի՛ք, որդիք լուսոյ, ի յօրնութիւն Հօրն լուսոյ. ալէլուիա:

Զարթի՛ք, փրկեալք արեամբ, եւ տուք զփառս փրկողին. ալէլուիա:

Զարթի՛ք, նոր ժողովուրդք, նոր երգս առեալ նորոգողին. ալէլուիա:

Զարթի՛ք, հարսունք հոգուով սպասեալք գալոյ սուրբ փեսային. ալէլուիա:

Զարթի՛ք, վառեալք լուսով ըստ իմաստուն սուրբ կուսանացն. ալէլուիա:

Զարթի՛ք, պատրաստեցէք իւղ լապտերաց զջերմ արտասուս. ալէլուիա:

Զարթի՛ք, եւ մի՛ ննջէք, նման յիմար կուսից նիրհէք. ալէլուիա:

Զարթի՛ք, երկիրպագցուք եւ արտասուօք զայս ասասցուք. ալէլուիա:

Վիւ. Զարթի՛ր, ընդէ՞ր ննջես, Տէ՛ր, մի՛ մերժեր զմեզ իսպառ:

Արի՛, Տէ՛ր, օգնեա՛ մեզ, տացուք անուանդ քում զփառս:

Այժմ եւ յաւէտ Հօր եւ Որդւոյ, եւ սուրբ Հոգւոյն.

Ամէն:

Վիւ. Զարթուցեալքս ի զբաղմանէ գիշերային հանգստենէ:

Շնորհեսցէ մեզ մարդասէր Տէր մխիթարութիւն եւ ի սփոփանս եկեղեցւոյ:

Ահիւ եւ դողութեամբ կացցուք ի յաղօթս:

Եկեալ խոստովանեսցուք զյանցանս:

Եւ գտցուք ի Քրիստոսէ զքաւութիւն եւ զմեծ գողորմութիւն:

Ամէն. ալէլուիա, ալէլ. ալէլ.

Կց. Անբաժանելի եւ համագոյ Երրորդութեանդ՝ համաձայնեալք ընդ զօրս երկնից, փառս մատուցանեմք:

Փառք քեզ:

Որ յանարուեստ յաթոռ բարձրացեալ հանգչիս, սուրբ Աստուած, հզօր եւ սքանչելագործ:

Փառք քեզ:

Որ յանէից գոյացուցեր զամենայն արարածս, սուրբ Աստուած, անճառ Հօր անեղ Որդի:

Փառք քեզ:

Որ տեսչութեամբ ինամես զամենայն արարածս, սուրբ Աստուած, բիխումն անսպառ աղբեր:

Տէ՛ր, ժողովրդապետք Եկեղեցւոյ ի քէն հայցեն ասելով. Հովիւ բարի, ողորմեա՛ բանաւոր հօտի:

Ամէն. ալէլուիա, ալէլուիա, ալէ.

Ամէն, ալէլուիա, ալէլուիա, ալէլ.

ՔԱՐՈՋ

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

(Աշկ.) Ձարթուցեալքս ամենեքեան ի հանգստենէ քնոյ, զոր շնորհեաց մեզ մարդասերն Աստուած ի մխիթարութիւն եւ ի սփոփանս տկարութեան մերում, եւ եկեալքս միաբան հոգեւոր երգով ի փառաբանութիւն եւ ի պատիւ ամենասուրբ Տեառն մերոյ եւ փրկչին Յիսուսի Քրիստոսի, ահիւ եւ դողութեամբ կացցուք յաղօթս առաջի նորա, եւ գոհացարուք զմանէ ի զիշերային ժամուս յայսմիկ վասն իրաւանց եւ արդարութեան նորա, որ ընտրեաց զմեզ ողորմութեամբն իւրով, եւ շնորհեաց մեզ բերել զմանութիւն երկնային հրեշտակացն ի փառաբանիչս Տեառն Աստուծոյ ամենեցուն եւ մեզ լինել: Եւ մեք այսուհետեւ սրբելով զանձինս մեր ի խղճէ եւ ի չար գործոց, համբարձցուք զձեռս մեր ի սրբութիւն՝ առանց բարկութեան եւ երկմտութեան. հաւատով խնդրեսցուք ի նմանէ զքաւութիւն եւ զթողութիւն յանցանաց մերոց, խոստովան լինելով զգաղտնիս սրտից մերոց ծածկագիտին Աստուծոյ, որպէս զի ընդունելով զպաղատանս մեր աղօթիւք եւ բարեխօսութեամբ ամենայն սրբոց, շնորհեացէ մեզ մարդասերն Աստուած կեալ առաքինութեամբ եւ անարատ վարուք ըստ կամաց նորա յայսմ աշխարհիս, եւ արժանաւոր լինելով յաւիտենական եւ երկնային խորանացն, զոր խոստացաւ սիրելեաց իւրոց ճշմարիտն Աստուած, Յիսուս Քրիստոս. Տէր մեր, կեցո՛, եւ ողորմեա:

Կեցո՛, Տէր:

Զմնացուած զիշերիս խաղաղութեամբ անցուցանել՝ հաւատով ի Տեառնէ խնդրեսցուք:

Շնորհեա՛, Տէր:

Ջիրեշտակ խաղաղութեան պահապան անձանց մերոց ի Տեառնէ խնդրեսցուք:

Շնորհեա՛, Տէր:

Ջքաւութիւն եւ զթողութիւն յանցանաց մերոց ի Տեառնէ խնդրեսցուք:

Շնորհեա՛, Տէր:

Զսրբոյ խաչին մեծ եւ կարող զօրութիւնն յօգնութիւն անձանց մերոց ի Տեառնէ խնդրեսցուք:

Շնորհեա՛, Տէր:

Եւ եւս միաբան վասն ճշմարիտ եւ սուրբ հաւատոյս մերոյ զՏէր աղաչեսցուք:

Տէր, ողորմեա՛:

Զանձինս մեր եւ զմիմեանս Տեառն Աստուծոյ ամենակալին յանձն արասցուք:

Քեզ Տեառնդ յանձն եղիցուք:

Ողորմեաց մեզ, Տէր Աստուած մեր, ըստ մեծի ողորմութեան քում. ասասցուք ամենեքեան միաբանութեամբ.

Տէր, ողորմեա՛. Տէր, ողորմեա՛. Տէր, ողորմեա՛:

ԵՐԳՏԵԱՌՆ ՆԵՐՄԻՄԻ ՇՆՈՐՀԱԼԻՈՅ ՀԱՅՈՑ ԿԱԹՈՒՂԻԿՈՍԻ ՈՂԲԵՐԳՈՒԹԻՒՆ ԱՆՁԻՆ ԶՂՋԱՅԵԼՈՅ ԵՒ ԲՈՂՈՔ ԻՒՐԱՔԱՆՉԻՒՐՈՅ ԴԻՄԻ ԽՈՍՏՈՎԱՆԱԲԱՐ.

Աշխարհ ամենայն,
Առ իս նայեցեալ,

Ախտակից լերո՛ւք:
Բանամ զշրթունս,

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Բարբառիմ լեզուաւ,
Բողոքեմ զանձնէս:
Տէր, ողորմեա՛. Տէր, ողորմեա՛.
Տէր, ողորմեա՛:
Գող եղէ մեղաց,
Գըտող կորստեան,
Գուբ ինձ փորեցի:
Դաւեցի զանձն իմ,
Դաւաճանեցի,
Դարան գործեցի:
Տէր, ողոր. Տէր, ողոր. Տէր, ողոր:
Երբեմն էի լոյս
Եւ այժմ եմ խաւար
Եւ ստուեր մահու:
Զիա՞րդ պատմեցից
Զթիւ մեղաց իմոց,
Զի բազում են յոյժ:
Տէր, ողոր. Տէր, ողոր. Տէր, ողոր.
Էրկինք եւ երկիր,
Եկայք, ողբացէք
Եղկելի զանձն իմ:
Ընտրեցի զչարն,
Ընկալայ կամաւ
Ըզհոյս մեղաց:
Տէր, ողոր. Տէր, ողոր. Տէր, ողոր.
Թաթաւիմ տղմով,
Թաւալիմ ի մեղս,
Թօթափիլ չկարեմ:
Ժանդ ախտիւ լըցեալ,
Ժահահոտ եղէ
Ժամանակս բազումս:
Տէր, ողոր. Տէր, ողոր. Տէր, ողոր.
Ի բաց մեկնեցայ
Ի սուրբ խորհրդոց,
Ի բարեաց գործոց:
Լաւ վարկաւ անձն իմ,
Լուսոյն հեռանալ,
Լինիլ ընդ խաւար:
Տէր, ողոր. Տէր, ողոր. Տէր, ողոր.

Խորհուրդք չարին
Խարեն զհոգիս,
Խորասոյգ առնեն:
Ծածկեն անդրնոք,
Ծիծաղին զլորմամբս,
Ծանակ զիս առնեն:
Տէր, ողոր. Տէր, ողոր. Տէր, ողոր.
Կամաւ կորացայ,
Կարկամեալ անձամբ,
Կանգնիլ ո՛չ կարեմ:
Հուր մեղաց կիզող,
Հրդեհեաց որ յիս,
Հոգետր բարիս:
Տէր, ողոր. Տէր, ողոր. Տէր, ողոր.
Չաղկեցայ մեղօք,
Չաղեցին տեսողքն,
Չանձրացաւ հոգիս:
Ղեղի դառնութեան
Ղօղեալ ի սիրտ իմ,
Ղամպար իմ շիջաւ:
Տէր, ողոր. Տէր, ողոր. Տէր, ողոր.
Ճաշակմամբ մեղաց
Ճաշեցի զմահ,
Ճոխս աղքատացայ:
Մեռեալ եմ հոգւովս,
Մոլորեալ մտօքս,
Միայն կամ մարմնովս:
Տէր, ողոր. Տէր, ողոր. Տէր, ողոր.
Յորոգայթ մահու
Յորսողին անկայ,
Յաղթեցայ յախտից:
Նետից թշնամւոյն
Նշաւակ եղէ,
Նոր միշտ խոցոտիմ:
Տէր, ողոր. Տէր, ողոր. Տէր, ողոր.
Շուրջ պատեալ զինէւ
Շունք բազումք եղեն,
Շաղախին արեամբս:
Որս եղէ չարին,

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ուռկանաւ մեղաց
Որսացաւ անձն իմ:
Տէր, ողոր. Տէր, ողոր. Տէր, ողոր.
Չարաչար վշտօք
Չարչարի անձն իմ,
Չունիմ դադարումն:
Պարտապան գտայ
Պարտուց յանցանաց,
Պարտեալս ի մեղաց:
Տէր, ողոր. Տէր, ողոր. Տէր, ողոր.
Ջանամ գղջանալ,
Ջեռանիմ դարձեալ,
Ջեռնում հրով մեղաց:
Ռաբբի կոչեցայ,
Ռակայ անուանիմ
Ռամկական վարուքս:
Տէր, ողոր. Տէր, ողոր. Տէր, ողոր.
Սիրով ցանկութեան,
Սաստիկ բարկութեան,
Սիրտ իմ խոցեալ է:
Վիրօք յանցանաց
Վշտանայ հոգիս,
Վարանեալ շրջիմ:

Տէր, ողոր. Տէր, ողոր. Տէր, ողոր.
Տիրեցին ինձ չարք,
Տարագիր հանին
Տիրական գրկացն:
Դաբունւոյն բարւոյ
Դախճական ձայնին
Դոտինս ո՛չ լուայ:
Տէր, ողոր. Տէր, ողոր. Տէր, ողոր.
Ցանկութիւն չարեաց
Ցանկալի դիմօք:
Ցաւեցոյց զաչս իմ:
Իիւրաքանչիւրոց
Իիւսմամբ խուռն ախտից,
Իիւծեալ է հոգիս:
Տէր, ողոր. Տէր, ողոր. Տէր, ողոր.
Փութացի՛ր, անձն իմ,
Փախչիլ ի չարեաց,
Փափագիլ բարեաց:
Քեզ միշտ մերձ ծանիր,
Քուն մահու եկեալ,
Քըննող դատաւոր:
Տէր, ողոր. Տէր, ողոր. Տէր, ողոր.

*Սուրբ Աստուածածնին բարեխօսութեամբ.
Յիշեա՛, Տէր, եւ ողորմեա՛:*

**ԵՐԳ ԱՂՕԹԱԿԱՆՏԵԱՌՆ ՆԵՐՄԻՄԻ ՇՆՈՐՀԱԼԻՈՅ ՀԱՅՈՑ ԿԱԹՈՒՂԻԿՈՍԻ Ի ԴԷՄՍ
ՍՐԲՈՅ ԵՐՐՈՐԴՈՒԹԵԱՆՆ ՆԱԵՒ ԻԻՐԱՔԱՆՉԻՐՈՅ ԴԻՄԻ ԵՐՐՈՐԴՈՒԹԵԱՆՆ
ԱՌԱՆՁՆԱԿԻ.**

Առաւօտ լուսոյ,
Արեգակն արդար,
Առ իս լոյս ծագեա՛:
Բըղիսումն ի Հօրէ,
Բըղիսեա՛ ի հոգւոյս,
Բան քեզ ի հաճոյս:
Գանձո՞ղ ողորմութեան,
Գանձի՞ղ ծածկելոյ
Գըտող զիս արա՛:

Դուռն ողորմութեան,
Դաւանողիս բա՛ց,
Դասեցո՛ վերնոցն:
Երբեակ միութիւն,
Եղելոց ինձամող,
Եւ ինձ ողորմեա՛:
Զարթիր, Տէր, յօգնել,
Զարթո՛ ըզթմրեալս,
Զուարթնոց նըմանիլ:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Էդ Հայր անսկիզբն,
Էակից Որդի,
Է միշտ սուրբ Հոգի:
Ընկալ՛ զիս, գրթած,
Ընկալ՛, ողորմած,
Ընկալ՛, մարդասեր:
Թագաւո՛ր փառաց,
Թողութեանց տուող,
Թո՛ղ ինձ զյանցանս:
Ժողովող բարեաց,
Ժողովեա՛ եւ զիս
Ժողովս անդրանկաց:
Ի քէն, Տէր, հայցեմ,
Ի մարդասիրէդ,
Ինձ բժշկութիւն:
Լէ՛ր կեանք մեռելոյս,
Լոյս խաւարելոյս,
Լուծանող ցաւոյս:
Խորհրդոց գիտող,
Խաւարիս շնորհեա՛
Խորհուրդ լուսաւոր:
Ծնունդ Հօր ծոցոյ,
Ծածկելոյս ստուերաւ
Ծագեա՛ զլոյս փառաց:
Կենարար փրկիչ,
Կեցո՛ զմեռեալս,
Կանգնեա՛ զզորեալս:
Հաստեա՛ հաւատով,
Հաստատեա՛ յուսով,
Հիմնեցո՛ սիրով:
Ձայնիւս աղաչեմ,
Ձեռօքս պաղատիմ,
Ձիր բարեաց շնորհեա՛:
Ղամպարամբ լուսոյ,
Ղեկավար ճարտար,
Ղօղեալս ամրացո՛:
Ճառագայթ փառաց,
Ճանապարհ ինձ ցոյց,
Ճեպել ի յերկինս:

Միածինդ Հօր,
Մոյժ զիս յառագաստ
Մաքուր հարսանեացդ:
Յորժամ գաս փառօք
Յահագին աւուրն,
Յիշեա՛ զիս, Քրիստոս:
Նորոգող հնութեանց,
Նորոգեա՛ եւ զիս,
Նորոգ զարդարեա՛:
Շնորհատու բարեաց,
Շնորհեա՛ զքաւութիւն,
Շնորհեա՛ զթողութիւն:
Ուրախացո՛, Տէր,
Ոգւոյս փրկութեամբ,
Ոյր վասն եմ ի սուգ:
Չար մշակողին,
Չար սերմանց նորին
Չորացո՛ զպըտուղն:
Պարգեւիչ բարեաց,
Պարգեւեա՛ իմոց
Պարտեացս թողութիւն:
Ջուր շնորհեա՛ աչացս,
Ջերմ հեղուլ արտօսք,
Ջընջել ըզյանցանս:
Ռետիներդ քաղցու,
Ռամ հոգւոյս արբո՛,
Ռա՛հ ցոյց ինձ լուսոյ:
Սէր անուն Յիսուս,
Սիրով քով ճըմլեա՛,
Սիրտ իմ քարեղէն:
Վասըն գրթութեանդ
Վասն ողորմութեանդ,
Վերստին կոցո՛:
Տենչալոյդ տեսլեամբ
Տո՛ւր ինձ յագենալ,
Տէր Յիսուս Քրիստոս:
Բարունդ երկնաւոր,
Բոտեա՛ զաշակերտս
Բամից երկնայնոց:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Յօղ արեան քո, Տէր,
Յօղեա՛ ի հոգիս,
Յընծասցէ անձն իմ:
Իիծեալքս մեղօք,
Իիծեալ աղաչեմ,
Իիսել ինձ բարիս:

Փրկիչ բոլորից,
Փութա՛ զիս փրկել
Փորձութեանց մեղաց:
Քաւիչ յանցանաց,
Քաւեա՛ զօրհնաբանս,
Քեզ երգել զփառս:

*Սուրբ Աստուածածնին բարեխօսութեամբ.
Յիշեա՛, Տէր, եւ ողորմեա՛:*

ԱՂՕԹՔ

Զքէն գոհանամք, Տէր Աստուած մեր, որ շնորհեցեր մեզ հանգիստ քնոյ խաղաղութեամբ, եւ զարթուցեալ ժամանեցուցեր զմեզ կանխել յերկրպագութիւն ահաւոր եւ փառաւորեալ անուանդ քում սրբոյ: Տո՛ւր մեզ, Տէր, աղաչեմք զքեզ, զմնացուած գիշերիս խաղաղութեամբ անցուցանել, եւ զամենայն ժամանակս կենաց պանդխտութեան մերոյ երկիւղիւղ քով ամրացո՛ւ եւ պահեա՛, որպէս զի զգուշութեամբ եւ անարատ վարուք կրօնաւորեալք յայսմ աշխարհիս, ժամանեցուք յանքոյ՞ եւ ի խաղաղ նաւահանգիստ յաւիտենական ի կեանսդ, շնորհօք եւ մարդասիրութեամբ Տեառն մերոյ եւ Փրկչին Յիսուսի Քրիստոսի, ընդ որում քեզ Հօր եւ Հոգւոյդ սրբոյ վայել է փառք, իշխանութիւն եւ պատիւ, այժմ եւ միշտ եւ յաւիտեանս յաւիտենից. Ամէն:

*Խաղաղութիւն ամենեցուն.
Աստուծոյ երկրպագեցուք.*

Նայեա՛ց, Տէր բարերար, ողորմութեամբ քով յերկրպագուս եւ ի փառաբանիչս անուանդ քում սրբոյ: Տէր զօրութեանց, խաղաղացո՛ւ զանձինս մեր յամենայն սատանայական խռովութեանց եւ յաշխարհական զբօսանաց. զհրեշտակ խաղաղութեան քո առաքեա՛ առ մեզ, որ եկեալ պահեսցէ զմեզ անխռովս ի տուէ եւ ի գիշերի, յարթութեան եւ ի հանգստեան մերում, որպէս զի բարեպաշտութեամբ եւ արժանաւորապէս քեզ Տեառնդ ծառայելով ի կեանս յայտոսիկ, ժամանեցուք յաւիտենական երկնից արքայութեան քո, զոր պատրաստեցեր ի սկզբանէ աշխարհի սրբոց քոց: Եւ ընդ նոսին գոհանալով փառաւորեցուք զՀայր եւ զՈրդի եւ զսուրբ Հոգիդ. այժմ եւ միշտ եւ յաւիտեանս յաւիտենից:
Օրհնեալ Տէր մեր Յիսուս Քրիստոս. Ամէն.

ԿԱՆՈՆԱԳԼՈՒԽՔ ԿԱՐԳԱԻ ԸՍՏ ՈՒԹ ԶԱՅՆԻՑՆ

ԱՁ.

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ՄԱՂՍՈՍ ԼԴ.

Ալելուիա, ալելուիա.

Դատեա, Տէր, զայնոսիկ, ոյք դատեն զիս. ալելուիա:

Մարտիր ընդ այնոսիկ՝ ոյք մարտնչին ընդ իս. ալելուիա:

Ա՛ն զգէն եւ զասպար քո, եւ արի՛ յօգնել ինձ. հան՝ զուր քո ընդդէմ հալածչաց իմոց, արգել՛ զնոսա. եւ ասա՛ դու ցանձն իմ, թէ փրկութիւն քո ես եմ:

Ամաչեացեն եւ յամօթ լիցին՝ ոյք խնդրէին զանձն իմ. դարձցին յետս եւ ամաչեացեն, ոյք խորհէին ինձ չար:

Եղիցին նոքա որպէս փոշի առաջի հողմոյ. եւ հրեշտակ Տեառն նեղեցլէ զնոսա:

Եղիցին ճանապարհք նոցա ի խաւար եւ ի գայթակղութիւն, եւ հրեշտակ Աստուծոյ հալածեցլէ զնոսա:

Ի նանիր թագուցին ինձ որոգայթ յապականութեան իւրեանց, եւ ի նանիր նախատեցին զանձն իմ:

ՄԱՂՍՈՍ ԼԵ.

Վիս. Տէր, յերկինս է ողորմութիւն քո. ճշմարտութիւն քո մինչեւ յամպս. ալելուիա, ալելուիա:

Արդարութիւն քո որպէս լերինք, Աստուած. իրաւունք քո որպէս խորք բազումք.

զմարդիկ եւ զանասունս կեցուցանես դու, Տէր:

Որպէս զի բազում արարեր զողորմութիւն քո, Աստուած, այլ որդիք մարդկան ի հովանի թելոց քոց յուսացին:

Արբեացին նոքա ի պարարտութենէ տան քո, եւ զուղիս փափկութեան քո տացես ըմպել նոցա:

Ի քէն է, Տէր, աղբիւր կենաց, եւ լուսով երեսաց քոց տեսանենք զլոյս:

Ծագեա՛ զողորմութիւնս քո՝ ոյք ճանաչեն զքեզ, զարդարութիւնս քո՝ ոյք ուղիղ են սրտիւք:

Մի՛ եկեացեն ի վերայ մեր ոտք ամբարտաւանից, եւ ձեռք մեղաւորաց մի՛ դողացուցեն զմեզ:

Անդ անկցին ամենեքեան՝ ոյք գործեն զանօրէնութիւն. մերժեցին եւ այլ մի՛ կարացեն հաստատիլ:

*Փառք Հօր եւ Որդւոյ եւ Հոգւոյն Սրբոյ. Այժմ եւ միշտ եւ յաւիտեանս յաւիտենից. Ամէն:
Ալելուիա, ալելուիա:*

ԱԿ.

ՄԱՂՍՈՍ ԺԳ.

Ասաց անբզգամն ի սրբոսի իւրում՝ թէ ոչ գոյ Աստուած. ալելուիա:

Ապականեցան եւ պղծեցան յանօրէնութեան իւրեանց, եւ ո՛չ ոք է որ առնէ զքաղցրութիւն. ալելուիա:

Աստուած յերկնից նայեցաւ յամենայն որդիս մարդկան, տեսանել թէ իցէ ոք իմաստուն, որ խնդրիցէ զԱստուած:

Ամենեքեան խոտորեցան ի միասին եւ անպիտանացան:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ոչ ոք է, որ առնէ զբարի, եւ չէ՛ ոք մինչեւ ի մի:

Որպէս ո՛չ ծանիցեն ամենեքեան ոյք գործեն զանօրէնութիւն:

Ոյք ուտէին զժողովուրդ իմ որպէս կերակուր հացի, եւ առ Աստուած ո՛չ կարդացին:

ՍԱՂՄՈՍ ԾԳ.

ՎԻ. Զի ոչ գոյր նոցա փոխանակ, եւ ո՛չ երկեան յԱստուծոյ. ալէլուիա, ալէլուիա:

Զգեաց զձեռն իւր ի հատուցանել նոցա, եւ նոքա պղծեցին զօրէնս նորա:

Բաժանեցան ի սրտմտութենէ երեսաց նորա, եւ եհաս ի սիրտս նոցա:

Կակուղ էին բանք նոցա քան զձեթ, եւ ինքեանք որպէս սլաք:

Ընկեա՛ ի Տէր զհոգս քո՛ եւ նա՛ կերակրէ զքեզ, եւ ո՛չ տայ յաւիտեան սասանութիւն արդարոյ:

Դու Աստուած իջուցես զնոսա ի գուրս ապականութեան. արք արինահեղք եւ նենգաւորք մի՛ հասարակեցեն զաւուրս իւրեանց. այլ ես ի քեզ, Տէր, յուսացայ:

Փառք Հօր եւ Որդւոյ. Այժմ եւ՛ ”. ալէլուիա, ալէլուիա:

ԲԶ.

ՍԱՂՄՈՍ Հ.

Ի քեզ, Տէր, յուսացայ, մի՛ ամաչեցից յաւիտեան. ալէլուիա:

Յարդարութեան քում փրկեա զիս եւ ապրեցո՛ զիս. ալէլուիա:

Խոնարհեցո՛ առ իս զունկն քո, եւ կեցո՛ զիս:

Լէ՛ր իմ, Աստուած, ապաւեն եւ տեղի ամուր կեցուցանել զիս. զի հաստատութիւն եւ ապաւեն իմ դու ես:

Աստուած իմ, փրկեա՛ զիս ի ձեռաց մեղաւորի, ի ձեռաց անօրինի եւ անիրաւի:

Դու ես համբերութիւն իմ, Տէր, Տէր, յոյս իմ ի մանկութենէ իմմէ:

Ի քեզ հաստատեցայ ես յարգանդէ, յորովայնէ մօր իմոյ դու ես ապաւեն իմ, եւ առ ի քէն է օգնութիւն իմ յամենայն ժամ:

ՍԱՂՄՈՍ ՀԱ.

ՎԻ. Երկիրպագցեն նմա ամենայն թագաւորք երկրի, եւ ամենայն ազգք ծառայեցեն նմա. ալէլուիա, ալէլուիա:

Զի փրկեաց զաղքատն ի ձեռաց հզորի, զաղքատն եւ զունանկն որոյ ո՛չ է իւր օգնական:

Անխայեցէ նա յաղքատն եւ ի տնանկն եւ զանձինս տնանկաց կեցուցէ. ի վաշխից չարաց փրկեցէ զանձինս նոցա:

Պատուական է անուն նորա առաջի նոցա. կեցցէ եւ տացի նմա յոսկոյն Արաբացոց:

Յաղօթս կացցեն առ նա յամենայն ժամ, եւ զօրինապազ օրհնեցեն զնա:

Եղիցի հաստատութիւն ընդ ամենայն երկիր, եւ ի վերայ գլխոց լերանց:

Բարձրացի քան զԼիբանան պտուղ նորա, ծաղկեցեն ի քաղաքի Տեառն որպէս խոտ երկրի:

Եղիցի անուն Տեառն օրհնեալ յաւիտեան, զի յառաջ քան զարեւ է անուն նորա:

Ի նա օրհնեցին ամենայն ազգք երկրի, եւ ամենայն ազինք երանիցեն նմա:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Օրհնեալ Տէր Աստուած Իսրայէլի, որ առնէ զսքանչելիս միայն. եւ օրհնեալ է անուն սուրբ փառաց նորա յաւիտեան. լցցի փառօք նորա ամենայն երկիր. Եղիցի, եղիցի:

*Փառք Հօր եւ Որդւոյ եւ Հոգւոյն սրբոյ. Այժմ եւ միշտ եւ յաւիտեանս յաւիտենից. Ամէն:
Ալէլուիա, ալէլուիա:*

ԲԿ.

ՍԱՂՄՈՍ ԶԸ.

Ձողորմութիւնս քո, Տէր, յաւիտեան օրհնեցից. ալէլուիա.

Յազգէ յազգ պատմեցից զճշմարտութիւնս քո բերանով իմով. ալէլուիա:

Ասացեր՝ թէ աշխարհս ողորմութեամբ շինեսցի, յերկինս պատրաստ եղիցի ճշմարտութիւն քո:

Եդի ուխտ ընտրելոց իմոց, երդուայ Դաւթի ծառայի իմոյ.

Յաւիտեան հաստատեցից զգաւակ քո, եւ շինեցից յազգէ յազգ զաթոռ քո:

Խոստովան եղիցին երկինք սքանչելեաց քոց, Տէր, եւ ճշմարտութիւն քո յեկեղեցիս սրբոց:

Ո՞վ է յամպս, որ հաւասարէ քեզ, կամ ո՞վ նմանիցէ Տեառն յՈրդիս Աստուծոյ:

Վիս. Դարձուցեր զօգնութիւն ի սրբոյ նորա, եւ ո՛չ ընկալար զնա ի պատերազմի. ալէլուիա, ալէլուիա:

Անարգեցեր զսրբութիւն նորա, եւ զաթոռ նորա յերկիր կործանեցեր:

Նուազ արարեր զաւուրս ժամանակաց նորա, եւ հեղեր զնովաւ զամօթ:

Մինչեւ յե՞րբ դարձուցանես զերեսս քո իսպառ, բորբոքեսցի՞ որպէս հուր բարկութիւն քո:

Իսկ արդ յիշեա՛ եւ տե՛ս թէ ո՛վ է իմ հանգիստ. միթէ ի զո՞ւր ինչ ստեղծեր զամենայն որդիս մարդկան:

Ո՞վ է մարդ որ կեցցէ եւ ո՛չ տեսցէ զմահ, կամ փրկեսցէ զանձն իւր ի ձեռաց դժոխոց:

Ո՞ւր են ողորմութիւնք քո, Տէր, առաջինք, զոր երդուար Դաւթի ճշմարտութեամբ քով:

Յիշեա՛ զնախատինս ծառայի քո, զոր ընկալայ ի ծոց իմ յազգաց բազմաց:

Ձոր նախատեցին թշնամիք քո, Տէր, նախատեցին փոխանակ օժելոյ քո:

Օրհնեալ Տէր Աստուած յաւիտեանս յաւիտենից: Եղիցի, եղիցի:

*Փառք Հօր եւ Որդւոյ եւ Հոգւոյն սրբոյ. Այժմ եւ միշտ եւ յաւիտեանս յաւիտենից. Ամէն:
Ալէլուիա, ալէլուիա:*

ԳԶ.

ՍԱՂՄՈՍ ԶԵ.

Խոստովան եղերուք Տեառն՝ զի քաղցր է. ալէլուիա:

Ձի յաւիտեան է ողորմութիւն նորա. ալէլուիա:

Ո՞ խօսեսցի զգօրութիւնս Տեառն, լսելի արասցէ զամենայն օրհնութիւնս նորա:

Երանի ոյք պահեն զիրաւունս, եւ առնեն զարդարութիւն յամենայն ժամ:

Յիշեա՛ զմեզ, Տէր, ընդ հաճոյս ժողովրդեան քո, եւ այց արա մեզ ի փրկութեան քում:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Տեսցո՛ւք մեր զբաղցրութիւն ընտրելոց քոց, ուրախ եղիցուք մեր յուրախութիւն ազգի քո, եւ գովեսցուք մեր ի ժառանգութեան քում:

Մեղաք մեր ընդ հարսն մեր, անօրինեցաք եւ յանցեաք:

Վիւ. Մատնեաց զնոսա ի ձեռս հեթանոսաց, տիրեցին նոցա ատելիք իւրեանց, եւ թշնամիք իւրեանց նեղեցին զնոսա, եւ խոնարհ եղեն ի ներքոյ ձեռաց նոցա. *ալէլուիա, ալէլուիա:*

Բազում անգամ փրկեաց զնոսա, եւ նոքա դառնացուցին զնա ի խորհուրդս իւրեանց, եւ կորացան յանօրէնութեան իւրեանց:

Հայեցաւ Տէր ի նեղութիւնս նոցա, ի լսել ձայնի աղօթից նոցա:

Յիշեաց զուխտ իւր եւ զղջացաւ ըստ բազում ողորմութեան իւրում. ետ զնոսա ի զթութիւնս առաջի ամենայն գերչաց նոցա:

Փրկեա՛ զմեզ, Տէր Աստուած մեր, եւ ժողովեա՛ զմեզ ի հեթանոսաց:

Խոստովան եղիցուք անուան քում սրբոյ, եւ պարծեցուք յօրհնութիւնս քո:

Օրհնեալ Տէր Աստուած Իսրայէլի յաւիտեանս յաւիտենից:

Եւ ասացէ ամենայն ժողովուրդն. Եղիցի, եղիցի:

Փառք Հօր եւ Որդւոյ եւ Հոգւոյն սրբոյ. Այժմ եւ միշտ եւ յաւիտեանս յաւիտենից. Ամէն:

Ալէլուիա, ալէլուիա:

ԳԿ.

ՍԱՂՄՈՍ ՃԺԸ.

Արարի իրաւունս եւ արդարութիւն. *ալէլուիա:*

Մի՛ մատնէր զիս ի ձեռս նեղչաց իմոց. *ալէլուիա:*

Ընկա՛լ զճառայս քո ի բարի, զի մի ամբարտաւանք զգուեսցեն զիս:

Մպասեցին աչք իմ փրկութեան քում, Տէ՛ր, եւ բանից արդարութեան քո:

Արա՛ ընդ ծառայի քում, Տէ՛ր, ըստ ողորմութեան քում. զարդարութիւնս քո ուսո՛ ինձ:

Ծառայ քո եմ ես, իմաստո՛ւն արա զիս, եւ ծանեայց զվկայութիւնս քո:

Ժամ է պաշտել զՏէր. իսափանեցին զօրէնս քո:

Վիւ. Մերձեսցին ինդրուածք իմ առաջի քո Տէ՛ր. ըստ բանի քում իմաստուն արա զիս. *ալէլուիա, ալէլուիա:*

Մտցեն աղօթք իմ առաջի քո, Տէ՛ր, եւ բանիւ քով փրկեա՛ զիս:

Բղիւեսցեն շրթունք իմ զօրհնութիւնս քո, յորժամ ուսուցես ինձ զարդարութիւնս քո:

Խօսեսցի լեզու իմ զբանս քո, զի ամենայն պատուիրանք քո արդարութեամբ են:

Եղիցի ձեռն քո ի կեցուցանել զիս, զի զպատուիրանս քո ընտրեցի:

Յանկացայ փրկութեան քում, Տէ՛ր. եւ օրէնք քո խօսք իմ էին:

Կեցցէ անձն իմ, օրհնեսցէ զքեզ, եւ իրաւունք քո օգնեսցեն ինձ:

Մոլորեցայ ես որպէս զոչխար կորուսեալ. ինդրեա՛ զճառայս քո, զի զպատուիրանս քո ես ո՛չ մոռացայ:

Փառք Հօր եւ Որդւոյ եւ՝. Այժմ եւ միշտ եւ՝:

Ալէլուիա, ալէլուիա:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ԴԶ.

ՍԱՂՄՈՍ ՃԽԺԵ.

Օրհնեա՛, անձն իմ, զՏէր. օրհնեցից զՏէր ի կեանս իմ. ալելուիա:

Սաղմոս ասացից Աստուծոյ իմոյ՝ մինչեւ եմ ես. ալելուիա:

Մի՛ յուսայք յիշխանս՝ եւ մի՛ յորդիս մարդկան, զի ո՛չ գոյ փրկութիւն ի նոսա:

Ելցէ հոգի ի նոցանէ եւ դարձցին անդրէն ի հող. եւ յայնմ աւուր կորիցեն ամենայն խորհուրդք նոցա:

Երանի ազգի՝ որոյ Տէր Աստուած Յակովբայ օգնական է նմա, եւ յոյս նորա ի Տէր Աստուած է:

Ո՞ արար զերկինս եւ զերկիր, զծով, եւ զամենայն որ է ի նոսա:

Ո՞ պահէ զճշմարտութիւն յաւիտեան, եւ առնէ իրաւունս զկրելոց:

Փիլի. Գովեա Երուսաղէմ զՏէր. ալելուիա:

Եւ օրնեա՛ զԱստուած քո Սիովն:

Զի զօրացոյց զնիզս դրանց քոց, եւ օրհնեաց զորդիս քո ի քեզ:

Ո՞ եղ զսահմանս քո ի խաղաղութիւն, պարարտութեամբ ցորենոյ լցոյց զքեզ:

Առաքէ զԲան իւր յերկիր. վաղ-վաղ ընթանան պատգամք նորա:

Դնէ զձիւն որպէս զասր, եւ զմէզ որպէս փռոյն ցանեաց:

Արկանէ զսառն որպէս պատառս. առաջի ցրտոյ նորա ո՞ կարէ կեալ:

Առաքէ զԲան իւր, եւ հալէ զնոսա. շնչեսցեն հողմք, եւ գնասցեն ջուրք:

Պատմէ զբան իւր Յակովբայ, զարդարութիւն եւ զիրաւունս Իսրայէլի:

Ո՛չ այսպէս արար ամենայն ազգաց Տէր. եւ զդատաստանս իւր ո՛չ յայտնեաց նոցա:

Փառք Հօր եւ Որդւոյ եւ՝: Այժմ եւ միշտ եւ՝:

Ալելուիա, ալելուիա:

ԴԿ.

ՍԱՂՄՈՍ ԺԷ.

Միրեցից զքեզ, Տէր զօրութիւն իմ. ալելուիա:

Տէր հաստատիչ իմ, ապաւեն իմ եւ փրկիչ իմ. ալելուիա:

Աստուած օգնական իմ, եւ ես յուսամ ի նա. ապաւեն իմ, եղջիւր փրկութեան իմոյ՝ ընդունելի իմ է:

Օրհնելով կարդացից առ Տէր, եւ ի թշնամեաց իմոց ապրեցայց:

Շուրջ եղեն զինեւ երկունք մահու, եւ ուղիք անօրէնութեան խռովեցուցին զիս:

Վիշտք դժոխոց պաշարեցին զիս, ժամանեցին ինձ որոգայթք մահու:

Ի նեղութեան իմում ես առ Տէր կարդացի, եւ առ Աստուած իմ աղաղակեցի:

Փիլի. Զգեցուցեր ինձ զօրութիւն ի պատերազմի, եւ զյարուցեալսն ի վերայ իմ, ներքոյ իմ արարեր. ալելուիա, ալելուիա:

Զթշնամիս իմ հալածականս արարեր, եւ զատելիս իմ սատակեցեր:

Աղաղակեցին, եւ ոչ ո՛ք էր որ փրկէր զնոսա. կարդացին առ Տէր, եւ ո՛չ լուաւ նոցա:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Մանրեցից գնուսա որպէս փռչի առաջի հողմոյ. եւ որպէս կաւ գռեհաց կոխեցից գնուսա: Փրկեսցէ զիս Տէր ի հակառակութենէ ժողովրդոց, եւ կացուցէ զիս զլուխ հեթանոսաց: Ժողովուրդ զոր ո՛չ գիտէի, ծառայեաց ինձ, եւ ի լուր ականջաց լուաւ ինձ:

Որդիք օտարաց ստեցին ինձ. որդիք օտարաց մաշեցան, եւ կաղացան ի շաղաց իւրեանց:

Կենդանի է Տէր եւ օրհնեալ է Աստուած. եւ բարձր եղիցի Աստուած փրկութեան իմոյ: Աստուած է որ խնդրէ զվրեժ իմ, եւ հնազանդ առնէ զժողովուրդս ընդ ինեւ:

Փրկիչ իմ ի թշնամեաց իմոց բարկացողաց, յայնցանէ որք յարուցեալ են ի վերայ իմ բարձր արարեր զիս, եւ յառնէ անիրաւէ փրկեցեր զիս:

Վասն այսորիկ խոստովան եղեց քեզ ի հեթանոսս, եւ անուան քում սաղմոս ասացից:

Մեծ արարեր զփրկութիւն թագաւորի նորա, առնել ողորմութիւն ընդ օծելոյ նորա Դաւթի, եւ ընդ զաւակի նորա յազգէ մինչեւ յազգ:

*Փառք Հօր եւ Որդւոյ եւ Հոգւոյն սրբոյ: Այժմ եւ միշտ եւ յաւիտեանս յաւիտենից. Ամէն:
Ալէլուիա, ալէլուիա:*

ԿԱՆՈՆԱԳԼՈՒԽՔ ԲՈՒՆ ԲԱՐԵԿԵՆԴԱՆԻՆ ԵՒ ՆՈՐ ԿԻՒՐԱԿԷԻՆ.

ՍԱՂՄՈՍ ՃԽԷ.

Օրհնեա՛, անձն իմ, զՏէր. օրհնեցից զՏէր ի կեանս իմ. սաղմոս ասացից Աստուծոյ իմոյ՝ մինչեւ եմ եւ:

Մի՛ յուսայք յիշխանս՝ եւ մի՛ յորդիս մարդկան, զի ո՛չ գոյ փրկութիւն ի նոսա:

Ելցէ հոգի ի նոցանէ՝ եւ դարձցին անդրէն ի հող, եւ յայնմ աւուր կորիցեն ամենայն խորհուրդք նոցա:

Երանի ազգի՝ որոյ Տէր Աստուած Յակովբայ օգնական է նմա, եւ յոյս նորա ի Տէր Աստուած է:

Ո՞ արար զերկինս եւ զերկիր, զծով, եւ զամենայն որ ի նոսա:

Ո՞ պահէ զճշմարտութիւն յաւիտեան, եւ առնէ իրաւունս զրկելոց:

Տայ հաց քաղցելոց, եւ արձակէ զկապեալս Տէր:

Տէր բանայ զաչս կուրաց, եւ կանգնէ զգլորեալս Տէր:

Տէր սիրէ զարդարս, Տէր պահէ զպանդուխտս. զորքս եւ զայրիս ընդունի Տէր, եւ զճանապարհս ամբարշտաց կորուսանէ:

Թագաւորեսցէ Տէր յաւիտեան, Աստուած քո, Սիովն՝ յազգէ մինչեւ յազգ:

Վիս. Օրհնեցից զքեզ գոհութեամբ ի կեանս իմ. սաղմոս ասացից քեզ, Քրիստոս թագաւոր, յաղթական նոր երգով օրհնութեամբ:

ՍԱՂՄՈՍ ՃԽԶ.

Օրհնեցէ՛ք զՏէր, զի բարի է սաղմոս. Աստուծոյ մերում քաղցր եղիցի օրհնութիւն:

Շինէ զԵրուսաղէմ Տէր, եւ զցրուեալսն Իսրայէլի ժողովէ:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Բժշկէ գրեկեալ սիրտս, եւ պատէ զամենայն վերս նոցա:

Ո թուէ զբազմութիւն աստեղաց, եւ զամենեսեան զնոսա յանուանէ կոչէ:

Մեծ է Տէր, եւ մեծ է զօրութիւն նորա. իմաստութեան նորա ո՛չ գոյ բաւ:

Ընդունի զհեզս Տէր, եւ խոնարհ առնէ զամբարտաւանս մինչեւ յերկիր:

Օրհնեցէք զԱստուած խոստովանութեամբ. սաղմոս ասացէք նմա օրհնութեամբ:

Ո՞ զզեցոյց զերկինս ամպովք, եւ պատրաստ արար զանձրեւ իւր յերկիր:

Բուսոյց զխոտ ի լերինս, եւ զգալարի ի ծառայութիւն մարդկան:

Ո՞ տայ անասնոց կերակուր, ձագուց ագռաւուց, ոյք կարդան առ նա:

Ո՛չ թէ ընդ զօրութիւնս ձիոյ կամեցաւ Տէր, եւ ո՛չ ընդ իրանս առն հսկայի հաճեցաւ:

Այլ հաճեցաւ Տէր ընդ երկիւղածս իւր, եւ ընդ այնոսիկ՝ ոյք յուսան յողորմութիւն նորա:

Վիւ. Քաղցրասցին քեզ, Քրիստոս, զոհութիւնք երկիւղածաց անուան քո, զոր յուսացուցեր ողորմութեամբ քով ի խորհուրդս կենսաբեր գալստեանդ քո:

ՍԱՂՄՈՍ ՃԽԷ.

Գովեա՛, Երուսաղէմ, զՏէր:

Եւ օրհնեա՛ զԱստուած քո, Սիոն:

Զի զօրացոյց զնիզս դրանց քոց, եւ օրհնեաց զորդիս քո ի քեզ:

Ո՞ եդ զսահմանս քո ի խաղաղութիւն, պարարտութեամբ ցորենոյ լցոյց զքեզ:

Առաքէ զբան իւր յերկիր, վաղ-վաղ ընթանան պատգամք նորա:

Դնէ զձիւն որպէս զսար, եւ զմէզ որպէս փռոյց ցանեաց:

Արկանէ զսառն որպէս պատառս, առաջի ցրտոյ նորա ո՞ կարէ կեալ:

Առաքէ զԲան իւր, եւ հալէ զնոսա. շնչեսցեն հողմք, եւ զնասցեն ջուրք:

Պատմէ զԲան իւր Յակովբայ, զարդարութիւն եւ իրաւունս Իսրայէլի:

Ո՛չ այսպէս արար ամենայն ազգաց Տէր, եւ զդատաստանս իւր ո՛չ յայտնեաց նոցա:

Վիւ. Զքեզ, Քրիստոս, զովէ Եկեղեցի փրկեալ քո սուրբ. ցնծալով տեսանէ զքեզ զփրկողդ եկեալ հայրական իշխանութեամբ ի պսակել զսուրբս քո:

ԿԱՆՈՆԱԳԼՈՒԽ ՄԵԾԻ ՈՒՐԲԱԹՈՒՆ.

ՍԱՂՄՈՍ ՃԺԸ.

Իշխանք հալածեցին զիս ի նանիր. ալելուիա:

Եւ ի բանից քոց երկեալ սիրտ իմ. ալելուիա:

Յնծացայ ես ի բանս քո, որպէս այն՝ որ գտանէ աւար բազում:

Զմեղս աստեցի եւ անարգեցի, եւ զօրէնս քո սիրեցի:

Եօթն անգամ յաւուր օրհնեցից զքեզ, վասն իրաւանց եւ արդարութեան քո:

Խաղաղութիւն բազում է այնոցիկ՝ ոյք սիրեն զօրէնս քո, եւ ո՛չ գոյ ի նոսա

գայթակղութիւն:

Սպասեցի փրկութեան քում, Տէր, եւ զպատուիրանս քո սիրեցի:

Պահեաց անձն իմ զվկայութիւնս քո, եւ սիրեաց զնոսա յոյժ:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Պահեցից զպատուիրանս եւ զվկայութիւնս քո, զի ամենայն ճանապարհք իմ առաջի քո են:

Վիս. Մերձեցին խնդրուածք իմ առաջի քո, Տէ՛ր, ըստ բանի քում իմաստուն արա՛ զիս. ալէլուիա, ալէլուիա:

Մտցեն աղօթք իմ առաջի քո, Տէ՛ր, եւ բանիւ քով փրկեա՛ զիս:

Բղիւեսցեն շրթունք իմ զօրհնութիւնս քո, յորժամ ուսուցես ինձ զարդարութիւնս քո:

Խօսեսցի լեզու իմ բանս քո, զի ամենայն պատուիրանք քո արդարութեամբ են:

Եղիցի ձեռն քո ի կեցուցանել զիս, զի զպատուիրանս քո ընտրեցի:

Ցանկացայ փրկութեան քում, Տէ՛ր, եւ օրէնք քո խօսք իմ էին:

Կեցցէ անձն իմ, օրհնեսցէ զքեզ եւ իրաւունք քո օգնեսցեն ինձ:

Մոլորեցայ ես, որպէս զոչխար կորուսեալ. խնդրեա՛ զճառայս քո, զի զպատուիրանս քո ես ոչ մոռացայ:

*Փառք Հօր եւ Որդւոյ եւ Հոգւոյն սրբոյ: Այժմ եւ միշտ եւ յաւիտեանս յաւիտենից. Ամէն:
Ալէլուիա, ալէլուիա:*

*Եւ զնէն զգրակալն, եւ զտուրք աւետարանն ի վերայ, եւ զսաղմոսարանն, եւ ասէն երկու քահանայք զսաղմոսն, գ. գ. փոխա: Ընդէ՞ր խոռովեցան հեթանոսք ...:
Տէր զի բազում եղեն...: Ի կարդալ իմում լուար...: Եւ այլքն եղանակեն ձայնիւ կցորդ. Իշխանք ժողովեցան: Երիցս անգամ ասա՛, եւ զյետինն բարձր:*

ԿԱՆՈՆԱԳԼՈՒԻՄ ՄԵԾԻ ՇԱԲԱԹՈՒՆ

Դատեա՛ Տէր զայնոսիկ: *Տես Կանոնազույլք ԱՃ/Սաղմոս Լդ./*

Բայց թէ կանոնազույլին ընդ սաղմոսի ասի՝ յետին գուրդայն, որ է այլոց մարգարէից, եւս ասի: Բսկ եթէ ոչ ասի ընդ սաղմոսին, որպէս է սովորութիւն ոմանց, զկնի կանոնազույլոյն ասի: Եւ եւս խաղաղութեան՝ Օրհնութիւն եւ փառք: Եւ ապա պաշտօն արեւի ըստ ձայնին, եւ զկնի հանգստեան աւետարան ընթերցեալ լինի: Բսկ եթէ հանգստ. օր լինի, կամ խաչվ. տօն լինի՝ Այսօր անձառ ասի, եւ խաչելութեան աւետարան ընթերցեալ լինի: Զկնի աւետարանին՝ Լորոզող տիեզերաց. Ապա Հոգւոցն հանգուցելոց: Բսկ ոմանք ընդ օրհնութեան կցորդեն զպաշտօնն, եւ զկնի օրհնութեան զաւետարանն ընթեռնուն եւ զկնի Հոգւոցն հանգուցելոց, եւ Քրիստոս որդի Աստուծոյ:

ԵՐԳ ՏԵԱՌՆ ՆԵՐՄԻՄԻ ՇՆՈՐՀԱԼԻՈՅ ՀԱՅՈՑ ԿԱԹՈՒՂԻԿՈՍԻ, ԱՍԱՑԵԱԼ ՅԱՂԱԳՍ ՄԵԾԻ ՈՒՐԲԱԹՈՒ ԳԻՇԵՐԻՆ ԱԻԵՏԱՐԱՆԱՅՆ:

ԴԿ. ԱՌԱՋԻՆ ՍԱՂՄՈՍ.

Սաղմոս՝ Գլ. Բ. Ընդէ՞ր խոռովեցան: Տէ՛ր, զի՞ բազում: Ի կարդալ իմում: Իշխանք ժողովրդոց ժողովեցան ի միասին, վասն Տէառն եւ վասն օծելոյ նորա: Երիցս կրկնեսցեն, բայց զյետինն բարձր ի վեց տեղիսն եւս.

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Այսօր անճառ լուսոյն ծագումն
Ի փրկութեան մեր կատարումն,
Խոնարհի ի վերնատունն՝
Ի ստուերական տօնից լըրումն:
Նախ քան զընթրիսըն խորհրդոյ,
Սփածաւ դենջակ արկողն լուսոյ,
Եւ ջուր առեալ ծառայաբար
Զոտըս լուանայր զաշակերտացն:

Բանին Հօր փառաց լուսոյ՝
Պետրոս մերձիլ յոտս ոչ ներէր
Այնմ ձեռաց, որոյ են գործք
Երկնից երկինք եւ երկրաւոր.
Որով կուրաց աչքք բացան
Խուլք եւ համերք արձակեցան,
Որ վերածեաց զինքն ի ծովէն
Սաստեաց ալեացն եւ լռեցին:

Գըլխոյն ընտրեալ հօտին փոքու
Սաստէր զխորհուրդն ոչ զիտելոյ.
Որով դառնայր եւ հնազանդէր
Զոտս եւ զգլուխս մաքրել մաղթեր:
Գըլխոյդ ասէ, չէ ինչ պիտոյ
Լուացումն ջրոյ, զի լուացեալ է,
Ոտիցըդ պէտք են մաքրութեան,
Յօղիլ ի գլուխս սրբութեամբ:

Դասուց իւրոց աշակերտաց,
Զոր նախ բանիւ վարդապետաց,
Այսօր գործով զծայրագոյնն
Եցոյց յինքեան զխոնարհութիւն.
Սպասաւորեալ հողեղինաց
Այն, որ անտեսն է հրեղինաց,
Տարեալ պաշտօն իւր ծառայիցն
Այն, որ պաշտին ի սրովբէից:

Եթէ Տէրս, ասէ, էից
Եւ վարդապետըս բոլորից,
Զաշակերտացդ եւ զծառայից

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ձոտըս լուացի ի հնոյ աղտից,
Միմեանց եւ դուք համաբնութեամբ
Ցուցէք զնոյն խոնարհութիւն.
Բարձրացելոյն ի կործանումն
Եւ անկելոյ բնութեանդ կանգնումն:

Ձոր մաքրեցեր յաւազանին
Մաքուր ձեռօք զոտըս նոցին
Եւ ուսուցեր խոնարհութեամբ
Յաղթող լինել չար հպարտին.
Եւ զիմ լուա՛ գտիղմըն մեղաց,
Աղաչանօք սրբոյ զընդին.
Եւ զզնացս ուղղեա՛ զոտին
Խոնարհութեամբ ելիք յերկինս:

Օրթի.

Աւետարան Յովհ. (Գլ. ԺԴ. հ. 16): Ամէն ամէն:
Վերջ (Գլ. ԺԸ. հ. 1) ինքն եւ աշակերտքն իւր:

ԵՐԿՐՈՐԴ ՄԱՂՍՈՍ.

Սաղմոս` Գլ. Խ. Երանի որ խորհի:
ԽԱ. Որպէս փափագի: ԽԲ. Դատ արա՛:
Բան անօրէնութեան եղին ի վերայ, Տէր, Տէր, մի՛ թողուր զիս:

Էլից զօրէնսըն Մովսիսի,
Ձոր խօսեցան ի Սինայի.
Էկեր զգառն օրինակին՝

Եւ զբաղարջն ընդ եղեգին,
Ձհինն ի նորս փոխելով,
Ձըստուերն ի լոյս ճշմարտելով.
Փոխան գառինն ինքն գոլով,
Գառն Աստուծոյ նուիրելով:

Ընդ բաղարջին հաց անխմոր՝
Ետ զմարմին իւր զերկնաւոր,
Ըզկուսածինն, անսերմնաւոր,
Ձանապականն եւ զհոգեւոր.
Ընդ ոչխարին արեան ուխտին՝

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ետ մեզ գարիւնն իւր ուխտ կրկին,
Եւ եղեգան դառնագունին՝
Փոխան զվարս աստուածային:

Թագաւորն արարածոց
Զհացըն կենաց ետ քաղցելոց,
Եւ զբաժակն ուրախարար,
Որք յԱդամայ տրտմեցելոց.
Այս նոր ուխտ է իմոյ արեան,
Փոխան հնոյ ուխտին արեանց.
Զոր յիշատակ իմ առնիցեք,
Մինչեւ եկից ես միւսանգամ:

Ժողովեալքս ի քէն հայցեմք,
Ընդ ժողովեալ մետասանին,
Որ զկենարարդ քո մարմին
Բաշխեալ ետուր ընդ բաժակին.
Շնորհեա՛ եւ մեզ, Տէ՛ր, ընդ նոսին,
Հաղորդ լինել քում սեղանին,
Կենաց հացիդ, յոր փափագիմք,
Եւ ըմպելոյդ ում ծարաւիմք:

Ի յընտրելոց աշակերտացն,
Հուդաս մեկնեալ ի սուրբ գառանցն,
Զբարձող մեղաց զԳառն Աստուծոյ՝
Մատնէր ի մահ ընդ արծաթոյ.
Ի յընթրիսն հոգեւոր,
Մերձի ժպիրին եւ նենգաւորն,
Ուտելով ընդ վարդապետն
Յաճախէ զխաբեութիւն:

Լոյսըն խօսէր աղերսալի,
Խաւարելոյն վասն դարձի.
Մի ոմն ի ձէնջ, ասէ, եղբա՛րք,
Զիս մատնելոց է առ ի մահ:
Պետրոս լուեալ զայն զարհուրէր,
Եւ ակնարկէր առ Հովհաննէս,
Հարցանել թէ ո՞վ իցէ՝
Դաւաճանող վարդապետին:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Օրթի.

Աւետարան Ղուկ. (Գլ. ԻԲ. հ. 1): Մերձեցաւ տօն բաղ.
Վերջ. հայհոյութեամբ խօսէին ի նա (հ. 65):

ԵՐՐՈՐԴ ՄԱՂՍՈՍ.

Սաղմոս Գլ. ԾԸ. Փրկեա զիս ի:

Աստուած մերժեցեր: Լուր Աստուած աղօթից:

Փրկեա զիս ի թշնամեաց իմոց, Աստուած իմ, եւ ի հալածչաց իմոց ապրեցո՛ զիս:

Խնամով սիրոյն յիւր սիրելեացն,
Ըզորտմութիւնն փարատեաց.
Թացեալ պատառ տայ Յուդայի,
Նըշաւակեալ զգողն մատնիչ.
Զոր առեալ եւ մերկացաւ,
Յաստուածային Հոգւոյն շնորհաց,
Մատնեցաւ նախաչարին,
Ընդ մատնութեան վարդապետին:

Ծայրագոյն լուսոյն զրկեալ,
Խաւարասէրն արտաքս ելեալ,
Տէրն յայտնէր լոյս եղելոցն,
Զգայթակղիլն ի գիշերին.
Պետրոս խօսէր խրախուսելի,
Եւ կշտամբիւր հաւախօսի.
Զիւրն յաշխարհէ զփոխիլն ասէր,
Եւ զգալուստ Հոգւոյն պատմէր:

Կեդրոնեան յայնկոյս ձորոյ,
Ի վերնաստունն ել խորհրդոյ,
Էմուտ պարտէզ ընդ պարտիզի,
Էմոյծ զԱդամ յադին դրախտին.
Մուծցես եւ զմեզ, Տէ՛ր, ընդ նմին,
Ուստի հաներ նախ զառաջինն.
Զի ժառանգել զհայրենին
Արժանասցուք մեք վերստին:

Հոգայր զկրիցըն տրտմաբար,
Երիքն եղեալ առանձնաբար.

ՈՐ ԿԱՏԱՐԻ Ի ՄԵՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փրկե՛ձլ գաշխարհս հոգիս յօժար,
Բայց է բնութիւն մարմնոյս տկար.
Ո՛չ ոմն ուժեղ եւ զօրաւոր,
Եւ ոմն անգօր, վտանգաւոր,
Այլ մի եւ նոյն գոլ միաւոր,
Կրէր զկիրսն կամաւոր:

Ձայնիւ մաղթէր աղօթական՝
Վասն իմ ա՛ն Հայր իւր էական.
Ծունր դնէր խոնարհական,
Որում կրկնի ծունր ամենայն.
Եթէ փրկիլ մարդկան հնար է
Առանց մահու իմ, որ գրեալ է,
Բաժակ մահուս յինէն անցցէ՝
Ո՛չ իմ, կամաւ, այլ քոյդ եսցէ:

Ղօղեալ յերկիւղ քրտանց հոսման,
Ոլոռնաձէւ կայլակ վիժման.
Ի զօրանալ հրեշտակ մերձեալ՝
Զօրինական գիրըն լցեալ,
Զի կատարեալ էառ զբնութիւն,
Աստուածըն Բան զմարդկութեան.
Պարտէր զերկիւղ եւ զտրտմութիւն՝
Յիրումն կրել տնօրէնութեան:

Օրթի.

Աւետարան Մարկ. (Գլ. ԺԴ. հ. 27): Եւ ասէ ցնոսա Յիսուս.
Վերջ. եւ սկսաւ լալ (հ. 72):

ՉՈՐՐՈՐԴ ՄԱՂՄՈՍ.

Մաղմոս՝ Գլ. ՀԸ: Աստուած, մտին:

ՀԵ. Որ հովուեսդ: Յնծացէք առ Աստուած:

Նոքա ի ձեռանէ քումմէ մերժեցան. մեք ժողովուրդք եւ խաշն արօտի քո:

Ճառագայթ փառաց Էին
Որ ըստ բութեանս մարդկային,
Տագնապեցար ի գիշերին,
Աղօթեցեր առ Հայր յերկինս.
Ծագեա՛ ի մեզ զլոյսդ երկնային

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Եւ փարատեա՛ զերկիւղ չարին.
Մասունք հոգւոց մեր եւ մարմին,
Յերկիւղ քո սուրբ բեւեռեցին:

Մերձեալ Հուդաս, որ մատնելոց
Հանդերձ դասուն փարիսեցւոց,
Անկան նման ստորանկելոցն,
Որք յաւիտեան չեն կանգնելոց.
Յուդաս նենգաւ համբուրելով,
Առիթ մահու նշան տալով,
Փոխան սիրոյ, զնա մատնելով,
Չար ընդ բարւոյ վճարելով:

Յայնժամ առ գութ սիրոյն Պետրոս,
Ըզճառային, անուն Մաղքոս,
Եհատ սուսերբ զականջն աջոյ,
Որ ոչ լուաւ Տեառըն իւրոյ.
Իսկ Տէրն մեր արագապէս
Յունկըն մերձեալ բժշկապէս,
Առողջացոյց աստուածապէս,
Զոր ո՛չ տեսին կուրացն հանդէս:

Նոր հօտին փոքու ցրուեալ,
Քանզի զհովին քաջ հարեալ.
Պետրոս միայն զհետ երթեալ.
Ի յաղջկանէ վիմին շարժեալ.
Նշանակեալ հաւըն խօսէր.
Առ ի Պետրոս Տէրն ակնարկէր,
Ըզբանն յիշէր, դառն արտասուէր,
Ի գլորմանէն դարձեալ կանգնէր:

Շնորհեալ վիմին եկեղեցւոյ,
Զոր պահեցեր ի հոսելոյ,
Եւ կանգնեցեր ի գլորելոյ
Վասն արտին արտասուելոյ.
Կանգնեա՛ եւ զիս, Տէր, ընդ նմին,
Ի գլորմանէ սայթաքողին,
Տալով աչացս յորդ արտասուս
Եւ ջուր նման ծովու գլխոյս:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ո՛վ, կամաւ զանկապելին,
Կապեալ զձեռնն արձակողին,
Ի յապարանսն տանէին
Կայիափայ եւ Աննային.
Ծառայն զերեսն այն ապտակէր,
Յորմէ սրովբէն թեւաքօղէր.
Թուք արձակեալ պիղծ բերանով
Յայն, որկուրին լոյս ծագեաց թքովն:

Օրթի.

Աւետարան Մատթ. (Գլ. ԻԶ. հ. 31): Յայնժամ ասէ ցնտաւ.
Վերջ. եւ փախեան: (հ. 56):

ՀԻՆԳԵՐՈՐԴ ՍԱՂՄՈՍ.

Մաղմոս՝ Գլ. ՃԸ: Աստուած օրհնութեան: Ասաց Տէր ցՏէր իմ:

Խոստովան եղէց քեզ:

Խօսեցան զհնէն լեզուաւ նենգաւորաւ եւ բանիւ ասեղութեան զիս պաշարեցին:

Չար կապանաց մարդկան լուծիչ,
Որ կապեցար ընդ կապելոյն,
Զիս արձակեա՛ յինքնակապէս,
Մեղաց կապից դժոխայնոյն.
Որ ընդ մեղօք պարտաւորին
Կացեր, անմեղդ ի յատենին,
Յորժամ փառօք գաս հայրենին,
Մի՛ դատեսցես զիս ընդ նոսին:

Պատկառանօք հինն Ադամայ,
Որ ձաղեցար վասն նորա,
Զնջեա՛ զամօթ մեղաց լրբին,
Որով զերեսս իմ ծածկեցին.
Որ ներեցեր չար ծառային,
Ածել ձեռօք քեզ ապտակին,
Հար ուժգնակի զդէմս չարին,
Որպէս եւ զիս եհար ուժգին:

Զահն լուսոյ յառաւօտին,
Ի յուրբաթու հնոյ զատկին,
Կայր առաջի դատաւորին,

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ծառայն նստէր ի յատենին.
Ի հարցանել Պիղատոսի
Տէրն ո՛չ առնէր պատասխանի,
Զի կանխասաց գիրն լցցի,
Եղէ ես մարդ, որ ոչ խօսի:

Ռամկական դասք զինուորացն
Արկին հանդերձ նախատանաց,
Այնմ, որոյ զգեստն է լոյս փառաց՝
Իբրեւ զօթոց զինքեամբ արկած.
Ի ծունր իջեալ կատակէին,
Զգլուխն եղեգամբ հարկանէին.
Պսակ ի փշոց բոլորէին
Զփուշ մեղացն բարձողին:

Սոսկալին քերովբէից
Բառնայր ինքեամբ զփայտ խաչին,
Մինչ ի տեղի Գողգոթային,
Յորում եղեալ մարդն առաջին.
Ետուն ըմպել զինի զմոսեալ
Եւ կերակուր լեղեալ խառնեալ.
Որով զպտոյն դառն ճաշակ
Փոխեաց մեզ քաղցր եւ ախորժակ:

Վերնականքն զարհուրեալ
Տեսին զՏէրն մերկացեալ,
Եւ զհանդերձսն բաժանեալ,
Պատմուճանին վիճակ արկեալ.
Զձեռնն եւ զոտսն ծածկեցին,
Ըստ յայտնապէս Դաւթեան ձայնին,
Ընդ փայտ խաչին բեւեռեցին
Զմատունսն, որ գրեաց ի տախտակին:

Օրթի.

Աւետարան Մատթ. (Գլ. ԻԶ. հ. 57): Իսկ նոցա կալեալ.
Վերջ. ելաց դառնապէս. (հ. 75):

ՎԵՑԵՐՈՐԴ ՍԱՂՄՈՍ

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

*Սաղմոս` Գլ. ՃԺԷ. Խոստովան եղերուք Տեառն զի բարի. մինչև ցայն տունն որ ասէ`
Բացէք ինձ զղրունս:*

Խոստովան եղերուք Տեառն, զի բարի է, զի յաւիտեան է ողորմութիւն նորա:

Տարածեալ ձեռք ընդ ձեռաց,
Ոտք ընդ ոտից ընթանալեաց,
Փայտ ընդ փայտի, դառն պտղոյն
Կեանք ընդ մահու փոխարկելով.
Ի մէջ երկուց անօրինաց
Կայր մերկացեալ տուողն օրինաց,
Ձոր ոչ տեսին ազգըն կուրաց,
Բայց ի միոյն յաւազակաց:

Բոպէից արեգականն
Ձտին արար զիշերանման,
Զստուերըն քօղ արկ մերկութեանն,
Զի մի՛ տեսցէ ակն անարժան.
Ի մէջօրեայն նսեմացաւ.
Յորժամ Ադամ մեղօք մառաւ,
Ի յիններորդն ի լոյս դարձաւ.
Յորժամ մահուամբ մահըն լուծաւ:

Յօղեր արտօսք ցաւագին
Մայր Տեառն, որ կայր մերձ առ խաչին.
Յորժամ լսէր զծարաւին,
Բարբառելոյ իւր Միածնին.
Ետուն քացախ, իսառնեալ լեղի
Այնմ, որ բղիւեաց գետ յադենի
Եւ ի վիմէն վտակ բարի,
Արբոյց տոհմին դառնացողի:

Ի իւծեալ յերրորդ ժամու օձին
Զմիտս նախնւոյ մօրն Եւային,
Ի վեցն անկեալ մարդն առաջին
Հաւանական բանիւ նորին,
Ի սոյն ժամու Տէրն ի խաչին,
Զի քաւեսցէ զմեղըս նոցին.
Եւ յորժամ ել Ադամըն հին,
Եղ զաւազակն ի մէջ դրախտին:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փարելի բարբառ ընդ իմ՝
Էլի Էլի առ Հայր գոչէր.
Ձեռքին կամաւ շօրն աւանդէր,
Ձեռքիս մարդկան նոյն ընծայէր.
Երկիր հիմամբք սասանեցաւ,
Եւ վարագոյրն ընդ մէջ հերձաւ.
Վէմք ի յինքեանց պատառեցան,
Եւ գերեզմանք մահու բացան:

Քարոզի ի սքանչելեացս,
Աստուած մարմնով վասն իմ խաչեալ.
Մերով բնութեամբքս մեռանի,
Աստուած անմահ խոստովանի.
Կրկնավըտակ կողին աղբերքք
Եկեղեցի իւր հաստատի,
Ջրովն մաքրի, զարիւնն ըմպէ,
ԶՈրդի ընդ Հօր փառաւորէ:

Օրթի:

Աւետարան Յօհանու՝ (Գլ. ԺԸ. հ. 2):
Գիտէր եւ Յուդա. Վերջ. հաւ խօսեցաւ (հ. 27):

ԵՐԳ ՏԵԱՌՆ ՆԵՐՄԻՄԻ ՇՆՈՐՀԱԼԻՈՅ ՀԱՅՈՑ ԿԱԹՈՒՂԻԿՈՍԻ ԱՍԱՑԵԱԼ ՅԱՂԱԳՍ ՄԵԾԻ ՈՒՐԲԱԹՈՒ ՑԵՐԵԿԻՆ ԱԻԵՏԱՐԱՆԱՑՆ:

ԲԿ. ԴԿ.

Նորոգող տիեզերաց,
Որ զգեցուցեր մեզ լոյս փառաց,
Արկար զքեւ ի զինուորաց
Քղամիտ կարմիր նախատանաց.
Մերկեա՛ յինէն ըզքուրձ մեղաց,
Ըզտրտմագին արեամբ ներկած,
Եւ զգեցո՛ զուրախալին՝
Զպատմուճանն իմ, զառաջին:

Երկնաւոր թագաւորիդ
Ի ծունր իջեալ խաղ առնէին.
Ծածկեալ զգլուխըդ կոփէին,

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Եւ եղեգամբ հարկանէին.
Եւ զիմ անկեալ մինչ ի գետին՝
Ի հնազանդիլ կամաց չարին,
Մի՛ թողուցուս խաղալ սովին,
Այլ կանգնեցես զիս վերստին:

Բամեալ բոլորըդ քո մարմնին,
Յետ վճռոյ դատաւորին,
Սաստիկ էառ զհարուած գանին
Վասըն գանից նախաստեղծին.
Զիս, որ յոտից մինչեւ ցզլուխ
Ցաւօք նեղիմ անհնարին,
Առողջացո՛ դարձեալ կրկին.
Որպէս շնորհօք յաւազանին:

Սրբափայլ պճնեալ զարդուն,
Զոր զգեցուցեր Ահարօնին,
Փոխան պսակ ի փշոց եղին՝
Մշակք այգւոյն Իսրայէլին.
Ըզփուշ մեղաց հանցես յինէն,
Զոր յիս եհար իմ թշնամին,
Եւ ողջացո՛ զխայթուած վիրին
Զի սպիք մեղացըն ջնջեսցին:

Օրթի:

Աւետարան Մատթ. (Գլ. ԻԷ. հ. 1):

Իբրեւ այգ եղել. Վերջ. եւ մայր որդւոցն Ձերեղեայ: (հ. 56):

ԲԶ. ԴԶ.

Ետուն ըմպել քեզ զլեղին
Եւ զքացախն ի ծարաւին.
Արբեր կամաւ, զի քաղցրացին
Ճաշակք պտղոյն դառնագունին.
Զդառնութիւն թունաւորին,
Զոր ի մասունս հոգւոյս արկին,
Հերքեա՛ ի բաց հանդերձ սովին,
Եւ քաղցրացի սէր քո ի սմին:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ստեղնեալ ծառոյ մահաբերին՝
Այնմ որ բուսաւ ի մէջ դրախտին,
Փոխան բարձեր ըզփայտ խաչին՝
Ի Գողգոթայ հաներ տեղին.
Զիմ առ ի մեղս անկեալ զոգի,
Եւ ծանրագոյն բարձող բեռին,
Բարձ ի յուսոյդ ըստ ոչխարին,
Հան ի յերկինս յուխտեալ տեղին:

Ի յուրբաթու ժամ երրորդին
Բեւեռեցար, Տէր, ի խաչին,
Լուծեր զկապանս նախաստեղծին,
Եւ կապեցեր զթշնամին.
Զիս ամբացո՛ւ ընդ հովանեալ
Կենդանարար քո նշանին.
Եւ ի ծագելն յարեւելից
Լուսաւորեալ լուսով նորին:

Էրանեալ աւազակին
Բացեր զդուռն ադին դրախտին,
Ըստ հաւատոյ սրտի նորին
Կատարեցեր զխնդրելին.
Տուր եւ ինձ, Տէր, ընդ նմին
Լսել զնոյն պատասխանին.
Այսօր ընդ իս իցես յադին,
Ի հայրենիս քո առաջին:

Օրթի.

Աւետարան Մարկոսի (Գլ. ԺԵ. հ. 1):
Եւ վաղվաղակի. վերջ. եկեալ էին յԵրուսաղէմ (հ. 41):

ԱԿ. ԳԿ.

Բարբառելով զԷլի Էլին
Հիմունք երկրի տատանէին.
Եւ վարագոյր հին օրինին
Վերուստ ի վայր պատանէին.
Արդ ընդ վիմացն, որ շարժէին,
Շարեա՛ զանշարժ սիրտս ի բարին.
Ընդ պատանել վարագուրին,

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Զիմ պատանեա՛զգիր պարտին:

Արեգական լոյս քողարկեալ՝
Խաւարանայր միջօրէին,
Եւ գերեզմանըք բանային,
Մարմինք սրբոցըն յառնէին.
Ընդ խաւարիլ լուսաւորացն,
Մաքրեա՛ յինէն զգործ խաւարին.
Ընդ մեռելոցն, որք յառնէին,
Կանգնեա զմեղօք մեռեալ հոգիս:

Նոր սիրոյ պատուիրանին
Գործով լցող եղեր բանին.
Աղօթելովն առ Հայր յերկինս՝
Թողուլ զմեղս, որ ի խաչին,
Ինձ, որ հոգւովս հաւատացեալ
Երկրպագեմք քեզ Միածին,
Թո՛ղ զլուծումն հրամանին,
Մի՛ յիշեսցին մեղքն առաջին:

Սարսեցին սանդարամետք
Ի յաւանդելն առ Հայր զհոգիդ.
Որ ի դժոխս իջեր ներքին,
Ի բանտ մահու եւ խաւարին,
Կապեալ զիշխանըն մահաձին՝
Հաներ զհոգիսն, որ ի բանտին,
Եւ զիս հանցես, Տէ՛ր, ընդ նոսին
Բանտէ մեղաց աղջամղջին:

Օրթի.

Աւետարան Ղուկասու (Գլ. ԻԲ. հ. 69):

Եւ իբրեւ այգ եղել. վերջ. տեսանէին զայն (Գլ. ԻԳ. հ. 49):

ԱԶ. ԳԶ.

Աղբերացն անապական,
Որ յետ մահուն անմահարար՝
Բղիխեալ ի քէն վտակ կրկին
Ի նորոգումըն կողածնին.
Բա՛ց զբերան իմ յարբուցումըն

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Քո արեան կենարարին,
Լուա՛ դարձեալ յաւազանի,
Թէ՛ ո՛չ շնորհօք, այլ արտասուօք:

Յանմահիդ մեռանելոյ
Զմեռեալ հոգիս կենդանացո՛ւ.
Թաղմամբ ի նոր գերեզմանի՝
Զթաղեալս ի մեղքս վերածեա՛ւ,
Ի գբի ներքնումն իջանելով՝
Ի գբոյն մեղաց վերաբերեա՛ւ.
Ի ստուեր մահու քո բնակելով,
Լուսաւորեա եւ զիս հոգւով:

Միրտ իմ առ քեզ աղաղակե,
Բանդ որ ընդ Հօր ի սկըզբանէ,
Որ կամաւոր վասըն մարդկան
Կրեցեր մարմնով զայս ամենայն.
Ինձ լսելի արա զձայն
Յարքայութեանըդ քո կոչման,
Ընդ ժողովոցն անդ անդրանկացն
Օրհնել ըզքեզ միշտ յաւիտեան:

Օրթի.

Աւետարան Յովհաննու (Գլ. ԺԹ. հ. 17):
Եւ նորա առեալ. Վերջ. յոր խոցեցինն (հ. 37):

Ձկնի Այսօր անճառ-ին ասի սաղմոս կցորդ, Նշա. Փոխ. Ի կարդալ իմում: Եւ ապա ընթերցեալ լինի աւետարան խաչելութեան ըստ ձայնին. եւ զկնի ասի շարական՝ Լորոզող: Իսկ ոմանք զաւետարանի շարականն միայն ասեն, եւ ոմանք զԼորոզողն համայն ասեն, կամք քո է: Բայց յորժամ զպաշտաման շարականն հանգստեան ասես՝ զկնի շարականացն ասի սաղմոս ըստ ձայնին, եւ ընթերցեալ լինի աւետարան ըստ ձայնին եւ զկնի աւետարանին ասի յԱստուած անեղ-էն փոխ մի. զկնի Աստուած անեղ-ին Հոգւոցն հանգուցելոց: Եւ ոմանք ընդ Աստուած անեղ-ին, երբեմն, երբեմն կցորդեն Արարիչ եւ մարդասի-ի զսի տունն, եւ կամ Ես ասացի-էն զսի տուն. կամք քո է: Եւ ապա Հոգւոցն հանգուցելոց Քրիստոս Որդի Աստուծոյ: Հայր մեր որ յերկինս:

**ՍԱՂՄՈՍՔ ԸՍՏ ՈՒԹ ԶԱՅՆԻՑ ՆԱԽ ՔԱՆ ԶԱԻԵՏԱՐԱՆՆ Ի ՏԷՐՈՒՆԻ ԱԻՈՒՐՍ, ԵԹԷ ԱՁ. Է,
ԱՍԱ ԶԱՅՍ.**

ՍԱՂՄՈՍ ԺԴ.

(Աւագ) Տէ՛ր, ո՞վ կացցէ ի խորանի քում, կամ ո՞վ բնակեցէ ի լեառն սուրբ քո:
Որ գնայ անբիծ, գործէ զարդարութիւն, իսօսի զճշմարտութիւն ի սրտի իւրում:
Որ ո՛չ նենգաւորեաց լեզուաւ իւրով, եւ չար ընկերի իւրում ո՛չ արար:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Նախատինս ի մերձաւորաց նա ո՛չ առնու, արհամարհեալ է առաջի նորա չաճագործն:
Ջերկիրդաճ Տեառն փառաւոր առնէ, որ երդնու ընդ ընկերի իւրում եւ ո՛չ ստէ:
Զարծաթ իւր ի վարձու ոչ տայ, եւ կաշառս իրաւանց ո՛չ առնու, որ գայս արասցէ՝ նա մի՛
սասանեցի յաւիտեան:

ԱԶ.

ՍԱՂՄՈՍ Զ.

Տէ՛ր, մի սրտմտութեամբ քով յանդիմաներ զիս եւ մի բարկութեամբ քով խրատեր զիս:
Ողորմեա՛ց ինձ, Տէ՛ր, զի հիւանդ եմ ես. բժշկեա՛ զանձն իմ, զի խռովեցան ոսկորք իմ:
Անձն իմ յոյժ խռովեցաւ եւ դու, Տէ՛ր, մի՛նչեւ յե՞րբ:
Դա՛րձ, Տէ՛ր, եւ փրկեա՛ զանձն իմ. կեցո՛ զիս, Տէ՛ր, ըստ ողորմութեան քում:
Զի ո՛չ ոք է, որ ի մահու յիշէ զքեզ կամ ի դժոխս խոստովան առնիցի առ քեզ:
Վաստակեցայ եւ ի հեծութեան իմում, լուցի զամենայն գիշեր զմահիճս իմ եւ
արտասուօք իմովք զանկողինս իմ թացի:
Խռովեցաւ ի սրտմտութենէ՛ ակն իմ եւ մաշեցայ եւ ի վերայ ամենայն թշնամեաց իմոց:
Ի բա՛ց կացեք յինէն ամենեքեան, ոյք գործեք զանօրէնութիւն:
Լուաւ Տէր ձայնի լալոյ իմոյ, լուաւ Տէր աղօթից իմոց, եւ Տէր զինդրուածս իմ ընկալաւ:
Ամաչեացեն եւ խռովեցին յոյժ ամենայն թշնամիք իմ, դարձցին յետս եւ ամաչեացեն
յոյժ վաղվաղակի եւ խռովեցին:

ԱԿ.

ՍԱՂՄՈՍ ԻԹ.

Բարձր առնեմ զքեզ, Տէ՛ր, զի ընկալար զիս, եւ ո՛չ ուրախ արարեր զթշնամին իմ յիս:
Տէր Աստուած իմ, կարդացի առ քեզ եւ բժշկեցեր զիս. Տէր՛, հաներ ի դժոխոց զանձն իմ
եւ փրկեցեր զիս յայնցանէ՛ ոյք իջանեն ի գուր:
Սաղմոս ասացէ՛ք Տեառն, սուրբք նորա եւ խոստովան եղերո՛ւք յիշատակի սրբութեան
նորա:
Սրտմտութիւն է ի բարկութեան նորա, եւ կեանք են ի կամաց նորա:
Ընդ երեկոյս հանգիցեն լալիք. առաւօտու եղիցի ուրախութիւն:
Ես ասացի ի բարեկենդանութեան իմում թէ ո՛չ սասանեցայց յաւիտեան:
Տէ՛ր, ի կամս քո ետուր գեղոյ իմոյ զօրութիւն. դարձուցեր զերեսս քո յինէն եւ ես եղէ
խռովեալ:
Առ քեզ, Տէ՛ր, կարդացի, եւ առ Աստուած իմ աղաղակեցի, զի՞նչ օգուտ է քեզ յարենէ
իմմէ, թէ իջանեն ես յապականութիւն:
Մի՞թէ հող խոստովան առնիցի առ քեզ կամ պատմեցէ զճշմարտութիւնս քո:
Լուաւ ինձ Տէր եւ ողորմեցաւ, եւ եղև ինձ օգնական:
Դարձոյց զսուգ իմ յուրախութիւն. զերծ յինէն զքուրձ եւ ինձ զզեցոյց զուրախութիւն:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Որպէս սաղմոս ասացենք քեզ փառք իմ եւ այլ մի՛ եւս զղջացայց. Տէր Աստուած իմ, յաւիտեան խոստովան եղէց քեզ:

ԲԶ.

ՄԱՂՍՈՍ ԾԳ.

Աստուած, յանուան քում կեցո՛ղ զիս եւ ի զօրութեան քում իրաւ արա՛ ինձ:

Աստուած, լո՛ւր աղօթից իմոց, ո՛նկն դիր բանից բերանոյ իմոյ:

Օտարք յարեան ի վերայ իմ եւ հօրք խնդրեցին զանձն իմ եւ ո՛չ համարեցան զքեզ

Աստուած առաջի իրեանց:

Ահա՛ Աստուած օգնական իմ եւ Տէր ընդունող հոգւոյ իմոյ:

Ի դարձուցանել զչարն ի թշնամիս իմ, ճշմարտութեամբ քով սատակեա՛ զնոսա:

Ես կամօք իմովք պատարագս մատուցից քեզ եւ խոստովան եղէց անուան քում, Տէ՛ր, զի բարի է:

Յամենայն նեղութենէ իմմէ փրկեցեր զիս եւ ի թշնամիս իմ ետես ակն իմ:

ԲԿ.

ՄԱՂՍՈՍ ԿԶ.

Աստուած, ողորմեա՛ մեզ եւ օրհնեա՛ զմեզ, երևեցո՛ զերեսս քո ի մեզ եւ ողորմեա՛ մեզ:

Ճանաչել յերկրի զճանապարհս քո, յազինս ամենայն զփրկութիւնս քո:

Խոստովան եղիցին առ քեզ ժողովուրդք, Աստուած, խոստովան եղիցին առ քեզ ժողովուրդք ամենայն:

Ուրախ եղիցին եւ ցնծացեն ազիւնք, զի դու դատես զժողովուրդս եւ ազգաց երկրի դու առաջնորդես:

Խոստովան եղիցին առ քեզ ժողովուրդք, Աստուած, գոհասցին զքէն ժողովուրդք ամենայն:

Երկիր ետ զպտուղ իւր եւ օրհնեաց զմեզ Աստուած՝ Աստուած մեր:

Աստուած մեր օրհնեցէ զմեզ եւ ի նմանէ երկիցեն ամենայն ծագք երկրի:

ԳԶ.

ՄԱՂՍՈՍ ԶԴ.

Հաճեցար, Տէ՛ր, ընդ երկիր քո, եւ դարձուցիր զգերութիւն Յակոբայ:

Թողեր զանիրաւութիւն ժողովրդեան քո եւ ծածկեցեր զամենայն մեղս նոցա:

Լռեցուցեր զամենայն սրտմտութիւնս քո եւ դարձար ի բարկութենէ սրտմտութեան քո:

Դարձ առ մեզ, Աստուած փրկիչ մեր, եւ դարձո՛ զսրտմտութիւնս քո ի մէնջ:

Մի՛ յաւիտեան բարկանար մեզ, Տէ՛ր, եւ մի՛ ձգեր զբարկութիւն քո յազգէ մինչեւ յազգ:

Աստուած, դու դարձեալ կեցուցես զմեզ եւ ժողովուրդ քո ուրախ եղիցի ի քեզ:

Յոյց մեզ, Տէ՛ր զողորմութիւնս քո եւ զփրկութիւնս քո տո՛ւր մեզ:

Լուա՛ք զինչ խօսի Տէր Աստուած մեր. խօսեցի զխաղաղութիւն ժողովրդեան իւրոյ առ սուրբս իւր, եւ ասէ այնոսիկ ոյք դարձեալ են առ նա սրտիւք:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Մակայն մերձ է առ երկիւղածս իւր փրկութիւն նորա. բնակիլ փառաց նորա յերկրի մերում:

Ողորմութիւն եւ ճշմարտութիւն պատահեցին. արդարութիւն եւ խաղաղութիւն համբուրեցին:

Ճշմարտութիւն յերկրէ բուսաւ. արդարութիւն յերկնից երեւեցաւ:

Տէր տացէ զքաղցրութիւն, եւ երկիր մեր տացէ զպտուղ իւր. արդարութիւն նորա առաջին նորա գնացէ, դիցէ ի ճանապարհի զգնացս իւր:

ԳԿ.

ՄԱՂՄՈՍ ՃԱ.

Տէ՛ր, լո՛ւր աղօթից իմոց. աղաղակ իմ առ քեզ եկեացէ, եւ մի՛ դարձուցաներ զերեսս քո յինէն:

Յաւուրս նեղութեան իմոյ խոնարհեցո՛ւ առ իս զունկն քո. յորում աւուր կարդամ առ քեզ՝ վաղվաղակի լո՛ւր ինձ:

Մպառեցան որպէս ծուխ աւուրք իմ եւ ոսկերք իմ որպէս խոիւ չորացան:

Հարայ եւ որպէս խոտ եւ ցամաքեցաւ սիրտ իմ. մոռացայ ուտել զհաց իմ ի ձայնէ հեծութեան իմոյ:

Կցեցաւ ոսկր իմ ի մարմին իմ. նմանեցայ եւ հաւալսան անապատի:

Եղէ եւ որպէս բու յաւերակի. տքնեցայ եւ եղէ եւ որպէս ճնճղուկ միայն ի տանիս:

Նախատեցին զիս թշնամիք իմ զօրհնապագ, եւ գովիչք իմ ինեւ երդուին:

Զմոխիր որպէս զհաց կերայ եւ զըմպելին իմ արտասուօք խառնեցի:

Յերեսաց բարկութեան սրտմտութեան քո, զի դու բարձրացուցեր, եւ խոնարհեցուցեր զիս:

Աւուրք իմ որպէս հովանի անցին, եւ եւ որպէս խոտ ցամաքեցայ:

Դու, Տէ՛ր, յաւիտեան կաս, եւ յիշատակ քո յազգէ մինչեւ յազգ:

Դու յարուցեալ գթասցիս ի վերայ Սիօնի, ժամանակ գթալոյ նորա, հասեալ է ժամ:

ԴԶ.

ՄԱՂՄՈՍ ՃԺԸ.

Մերձեցին խնդրուածք իմ առաջի քո, Տէ՛ր. ըստ բանի քում իմաստուն արա՛ զիս:

Մտցեն աղօէք իմ առաջի քո Տէ՛ր եւ բանիս քով փրկեա՛ զիս:

Բղիւսեցեն զշրթունք իմ օրհնութիւնս քո, յորժամ ուսուցես ինձ զարդարութիւնս քո:

Խօսեցի լէզու իմ զբանս քո, զի ամենայն պատուիրանք քո արդարութեամբ են:

Եղիցի ձեռն քո ի կեցուցանել զիս, զի զպատուիրանս քո ընտրեցի:

Յանկացայ փրկութեան քում, Տէ՛ր, եւ օրէնք քո խօսք իմ էին:

Կեցցէ անձ իմ օրհնեցէ զքեզ, եւ իրաւունք քո օգնեցեն ինձ:

Մոլորեցայ եւ որպէս զոչխար կորուսեալ. խնդրեա՛ զձառայս քո, զի զպատուիրանս քո եւ ոչ մոռացայ:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ի Տէրունի աւուրս. եթէ ձայնն ԴԿ. իցէ, սաս զայս.

ՍԱՂՄՈՍ ՃԻԹ.

Ի խորոց կարդացի առ քեզ, Տէր. Տէր, լո՛ւր ձայնի իմում:

Եղիցին ականջք քո ի լսել զձայն աղօթից իմոց:

Թէ զանօրէնութիւնս իմ քննես, Տէր, Տէր, իսկ ո՞ կարէ կալ առաջի քո, զի ի քէն է քաւութիւն:

Վասն անուան քո համբերի, Տէր, համբեր անձն իմ բանի քում, յուսացաւ անձն իմ ի Տէր:

Ի պահէ առաւօտու մինչեւ յերեկոյ, ի պահէ առաւօտու յուսացաւ Իսրայէլ ի Տէր:

Ի Տեառնէ է ողորմութիւն բազում, եւ ի նմանէ է փրկութիւն. եւ նա փրկեաց զԻսրայէլ յամենայն նեղութեանց նորա:

ԴԿ.

ՍԱՂՄՈՍ ՃԽԲ.

Տէր, լո՛ւր աղօթից իմոց, ունկն դիր խնդրուածաց իմոց ճշմարտութեամբ քով:

Լո՛ւր ինձ արդարութեամբ քով, եւ մի՛ մտաներ ի դատաստան ընդ ծառայի քում, զի ո՛չ արդարանայ առաջի քո ամենայն կենդանի:

Հալածեաց թշնամին զանձն իմ, խոնարհ արար յերկիր զկեանքս իմ եւ նստոյց զիս ի խաւարի որպէս մեռեալ յաւիտենից:

Չանձրացաւ յիս հոգի իմ, եւ սիրտ իմ խռովեցաւ յիս:

Յիշեցի զաւուրսն զառաջինս, խորհեցայ յամենայն գործս քո. յարարածս ձեռաց քոց խորհեցայ, եւ համբարձի առ քեզ զձեռս իմ:

Անձն իմ որպէս երկիր ծարաւի է առ քեզ. վաղվաղակի լո՛ւր ինձ, Տէր, զի նուաղեցաւ յինէն հոգի իմ:

Մի՛ դարձուցաներ զերեսս քո յինէն, նմանիցիմ այնոցիկ, ոյք իջանեն ի գուբ:

Լսելի արա՛ ինձ առաւօտու զողորմութիւնս քո, զի ես ի քեզ, Տէր, յուսացայ:

Յո՛յց ինձ ճանապարհ՝ յոր եւ գնացից. զի առ քեզ, Տէր, համբարձի զանձն իմ:

Փրկեա՛ զիս ի թշնամեաց իմոց, Տէր, զի զքեզ ապաւեն ինձ արարի:

Ուսո՛ ինձ առնել զկամս քո, զի դո՛ւ ես Աստուած իմ:

Հոգի քո բարի առաջնորդեսցէ ինձ ի յերկիր ուղիղ:

Վասն անուան քո, Տէր, կեցուցես զիս. արդարութեամբ քով հանցես ի նեղութենէ զանձն իմ:

Ողորմութեամբ քով սատակեա՛, Աստուած, զթշնամիս իմ, եւ կորո՛ զամենայն նեղիչս անձին իմոյ՝ զի ես ծառայ քո եմ:

Զկնի սաղմոսացս ընթերցեալ լինին աւետարանք ըստ ձայնին, եւ ըստ պատշաճի աւուրց, այսինքն է՝ Հանգստեան, Տաճարի եւ Խաչելութեան:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ԱԻԵՏԱՐԱՆՔ ՀԱՆԳՍԵԱՆ ԸՍՏ ՈՒԹ ՁԱՅՆԻՑ

ԲԿ. ԴԿ

Աւետարան ըստ Մատթեոսի (Գլ. ԺԳ. հ. 36-52):

Տեառն մերոյ Յիսուսի Քրիստոսի.

(Աւագ) Յայնժամ թողեալ Յիսուսի զժողովուրդսն, եկն ի տուն. մատեան առ նա աշակերտքն նորա եւ ասեն. մեկնեա՛ մեզ զառակ որումանցն ազարակի: Նա պատասխանի ետ եւ ասէ ցնոսա. որ սերմանէ զսերմն բարի՝ է Որդի մարդոյ. եւ ազարակն աշխարհս է. սերմն բարի նոքա են, որ որդիքն արքայութեան են, իսկ որումն որդիք չարին են. եւ թշնամին, որ վարեաց զայն, սատանայ է, եւ հունձքն կատարած աշխարհիս է, եւ հնձողքն հրեշտակք են: Որպէս ժողովի որումնն եւ ի հուր այրի, այնպէս եղիցի ի կատարածի աշխարհիս: Առաքեացէ Որդի մարդոյ զհրեշտակս իւր, եւ ժողովեացեն յարքայութենէ նորա զամենայն գայթակղութիւնս, եւ զայնոսիկ ոյք գործեն զանօրէնութիւն: Եւ արկցեն զնոսա ի հնոց հրոյ. անդ եղիցի լալ եւ կրճել ատամանց: Յայնժամ արդարքն ծագեցին իբրեւ զարեգակն յարքայութեան երկնից. որ ունիցի ականջս լսելոյ լուիցէ: Դարձեալ նման է արքայութիւն երկնից զանձի ծածկելոյ յազարակի, զոր գտեալ մարդոյ թագոյց. եւ ի խնդութենէ անտի երթայ վաճառէ զամենայն ինչ զոր ունի եւ զնէ զազարակն զայս: Դարձեալ նման է արքայութիւն երկնից առն վաճառականի, որ խնդրիցէ մարգարիտս գեղեցիկս. եւ գտեալ մի պատուական մարգարիտ, երթեալ վաճառեաց զամենայն զոր ինչ ունէր եւ զնեաց զայն մարգարիտ: Դարձեալ նման է արքայութիւն երկնից ուռկանի արկելոյ ի ծով եւ յամենայն ազգաց ժողովելոյ. զոր իբրեւ լցաւ, հանեալ ի ցամաք եւ նստեալ՝ ժողովեցին զբարի բարին յամանս, եւ զխոտանն ի բաց ընկեցին: Այնպէս եղիցի ի կատարածի աշխարհիս. ելցեն հրեշտակք եւ մեկնեացեն զչարս ի միջոյ արդարոց, եւ արկցեն զնոսա ի հնոց հրոյն. անդ եղիցի լալ եւ կրճել ատամանց: Ասէ ցնոսա Յիսուս. իմացարո՞ւք զայս ամենայն. ասեն ցնա, այո, Տէր: Եւ նա ասէ ցնոսա. Վասն այսորիկ ամենայն դպիր աշակերտեալ արքայութեան երկնից նման է առն տանուտեառն, որ հանէ ի գանձէ իւրմէ զնոր եւ զհին:

ԲԶ. ԴԶ.

Աւետարան ըստ Մարկոսի (Գլ. Դ. հ. 16-34):

Տէրն մեր Յիսուս Քրիստոս.

Եւ ասէր. Այսպէս է արքայութիւն Աստուծոյ, որպէս զի այր մի արկանիցէ զսերմանիս յերկիր. եւ ննջիցէ եւ յառնիցէ զցայց եւ զցերեկ, եւ սերմանիքն բուսանիցին եւ աճիցին. եւ նա ո՛չ զիտէ թէ երկիրն ինքնին բերէ զպտուղ. նախ զխոտն եւ ապա զհասկն, ապա զցորեանն ատոք ի հասկին: Եւ յորժամ տայցէ զպտուղն, վաղվաղակի առաքի մանգաղ, զի հասեալ են հունձք: Եւ ասէր. Ո՞ւմ նմանեցուցուք զարքայութիւնն Աստուծոյ, կամ որո՞վ առակաւ առակեցուք զնա: Որպէս հասն մանանխոյ, որ յորժամ սերմանիցի յերկրի փոքրագոյն է քան զամենայն սերմանիս որք են յերկրի, եւ յորժամ սերմանիցի, բուսանի եւ լինի մեծ քան զամենայն բանջար, եւ արձակէ ոսոս մեծամեծս, մինչեւ բաւական լինիլ ընդ հովանեաւ նորա թռչնոց երկնից բնակել: Եւ այնպիսի առակօք խօսէր ընդ նոսա զբանն, որպէս կարող լինէին

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

լսել. եւ առանց առակի ոչինչ խօսէր ընդ նոսա, բայց առանձինն աշակերտացն իւրոց մեկնէր զամենայն:

ԱԿ. ԴԿ.

Աւետարան ըստ Դուկասու (Գլ. ԺԲ. հ. 32-48):

Տէրն մեր Յիսուս Քրիստոս ասէ.

Մի՛ երկնչիր, հօտ փոքրիկ, զի հաճեցաւ Հայր ձեր տալ ձեզ զարքայութիւն: Վաճառեցէ՛ք զինչս ձեր, եւ տո՛ւք զողորմութիւն, եւ արարէ՛ք ձեզ քսակս առանց հնանալոյ, զանձ անպակաս յերկինս, ուր ո՛չ գող մերձենայ եւ ո՛չ ցեց ապականէ: Ձի ուր զանձն ձեր է, անդ եւ սիրտք ձեր եղիցին: Եղիցին գօտիք ձեր պնդեալ ընդ մէջս եւ ճրագունք լուցեալք: Եւ դուք նմանողք մարդկան, որք ակն ունիցին տեառն իւրեանց՝ թէ ե՞րբ դառնայցէ ի հասանեայց. զի յորժամ գայցէ եւ բաղխիցէ, վաղվաղակի բանայցեն նմա: Երանի իցէ ծառայիցն այնոցիկ, զորս եկեալ տէրն գտցէ արթունս. ամէն ասեմ ձեզ, զի գօտի ընդ մէջ աճցէ եւ բազմեցուցէ զնոսա: Եւ եթէ յերկրորդ կամ յերրորդ պահու եկեսցէ եւ գտցէ այնպէս, երանելի են ծառայքն այնոքիկ: Բայց զայն գիտասցիք՝ եթէ գիտէր տանուտէրն յորում ժամու գող գայ՝ հսկէր եւ չտար թոյլ ական հատանել ի տան իւրում: Եւ դուք եղերուք պատրաստք, զի յորում ժամու ո՛չ կարծիցէք, գայ Որդի մարդոյ: Ասէ Պետրոս. Տէր, առ մե՞զ ասացեր զառակոյ զայդ թէ առ ամենեսեան: Եւ ասէ Տէր. Ո՞վ իցէ հաւատարիմ տնտես եւ իմաստուն, զոր կացոյց տէր իւր ի վերայ գերդաստանի իւրոյ տալ ի ժամու զկերակուրս: Երանի իցէ ծառային այնմիկ, զոր եկեալ տէր իւր գտանիցէ արարեալ այնպէս: Արդարեւ ասեմ ձեզ, զի ի վերայ ամենայն ընչից իւրոց կացուցէ զնա: Ապա եթէ ասիցէ ծառայն այն ի սրտի իւրում, յամէ տէր իմ ի գալ, եւ սկսանիցի հարկանել զծառայսն եւ զաղախնայսն ուտել եւ ըմպել եւ արբենալ, եկեսցէ տէր ծառային այնորիկ յաւուր յորում ակն ոչ ունիցի եւ ի ժամու յորում ոչ գիտիցէ. ընդ մէջ կտրեսցէ զնա, զմասն նորա ընդ անհաւատս դիցէ: Եւ ծառայ, որ գիտիցէ զկամս տեառն իւրոյ եւ ոչ պատրաստեսցէ ըստ կամաց նորա, արբցէ զան բազում: Եւ որ ոչն գիտիցէ, եւ արժանի գտնի ինչ գործիցէ, արբցէ զան սակաւ: Ամենայնի որում շատ տուաւ, շատ խնդրեսցի ի նմանէ, եւ որում բազում աւանդեցաւ, առաւել եւս պահանջեսցեն ի նմանէ:

ԱԶ. ԳԶ.

Աւետարան ըստ Յովհաննու (Գլ. Ե. հ. 9-30):

Տեառն մերոյ Յիսուսի Քրիստոսի.

Պատասխանի ետ Յիսուս եւ ասէ ցնոսա. Ամէն, ամէն ասեմ ձեզ, ո՛չ կարէ Որդի մարդոյ առնել յանձնէ եւ ոչինչ, եթէ ոչ տեսանիցէ զՀայրն զի առնէ. զի զոր նայն առնէ, զնոյն եւ Որդի նմին նման գործէ: Ձի Հայր սիրէ զՈրդի, եւ զամենայն ինչ ցուցանէ նմա զոր ինքն առնէ, եւ մեծամեծս եւս քան զսոյնս ցուցանէ նմա զգործս, ընդ որ դուքդ զարմանայք: Ձի որպէս Հայր յարուցանէ զմեռեալս եւ կենդանի առնէ, նոյնպէս եւ Որդի զորս կամի կենդանի առնէ: Եւ ո՛չ եթէ Հայր դատի զոք, այլ զամենայն դատաստան ետ Որդւոյ իւրոյ. զի ամենեքեան

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

պատուեցեն զՈրդին, որպէս պատուեն զՀայրն. որ ո՛չ պատուէ զՈրդին, ո՛չ պատուէ զՀայր, զառաքիչն նորա: Ամէն, ամէն ասեմ ձեզ, զի որ զբանն իմ լսէ եւ հաւատայ այնմ, որ առաքեացն զիս, ընդունի զկեանսն յաւիտենականս, եւ ի դատաստան ո՛չ մտանէ, այլ փոխեցաւ ի մահուանէ ի կեանս: Ամէն, ամէն ասեմ ձեզ, զի գայ ժամանակ, եւ արդէն իսկ է, յորժամ մեռեալք լսիցեն ձայնի Որդւոյն Աստուծոյ, եւ որք լսիցենն, կեցցեն: Զի որպէս Հայր ունի կեանս յանձին իւրում, նոյնպէս ետ եւ Որդւոյ ունել կեանս յանձին իւրում, եւ իշխանութիւն ետ նմա դատաստան առնել, եւ զի Որդի մարդոյ է: Ընդ այն զի՞ զարմանայք զի եկեացէ ժանամակ, յորում ամենեքին, որք ի գերեզմանս կայցեն, լուիցեն ձայնի նորա եւ եկեացեն արտաքս. որոց զբարիս գործեալ իցէ ի յարութիւն կենաց եւ որոց զչար արարեալ ի յարութիւն դատաստանաց: Ոչ կարեմ ես յանձնէ առնել եւ ոչ ինչ, այլ որպէս լսեմ, դատիմ, եւ դատաստան իմ արդար է. զի ո՛չ ինդրեմ զկամս իմ, այլ զկամս այնորիկ, որ առաքեացն զիս:

ԵՐԳ ՏԵԱՌՆ ՆԵՐՄԻՄԻ ԱՍԱՑԵԱԼ ՎԱՄՆ ԱՌ Ի ՔՐԻՍՏՈՍ ՆՆՁԵՑԵԼՈՅ

ԲԿ. ԴԿ.

(Աւագ) Աստուած անեղ անժամանակ,
Հայր անսկիզբն եւ անքանակ.
Որդւոյ պատճառ ծննդեամբ անճառ.
Հոգւոյն բղիւմամբ անքննարար.
Աղաչեմք զքեզ, գթած,
Երկայնամիտ եւ ողորմած,
Ողորմեա՛ քո ստեղծուածոյս՝
Ի քեզ յուսով ննջեցելոյս:

Բանդ որ ի ծոց Հօր Միածին
Եւ կերպարան սկզբնատպին,
Որով երկինքը գոյացան.
Աշխարհ լրիս հաստատցաւ.
Հայցեմք ի քէն, Տէր եւ Փրկիչ,
Ամենողորմ եւ կեցուցիչ. Ողորմ:

Գերագոյն շնորհաց բաշխող
Երկնաւորաց եւ երկնայնոց.
Կեանք եւ կենաց տուող Հոգի՝
Հօր եւ Որդւոյ արարչակից,
Խնդրեմք ի քէն, աղբիւր բարեաց,
Արբուցանողդ ծարաւեաց. Ողորմ:

Դաւանիմք ընդ սրովբէից

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Զկենարարդ համայնից,
Երեքսրբեան մի տերութիւն՝
ԶՀայր եւ զՈրդի եւ սուրբ զՀոգի
Յոր հանգուցեալս մկրտեալ
Եւ հաւատով խոստովանեալ. Ողորմ:

Երրակի թիւ կատարեալ
Յերիս անձինս բաժանեալ.
Երրորդութեամբ միաւորեալ,
Միով բնութեամբ հաւասարեալ.
Յորմէ կապեալք եւ արձակիմք
Եւ վերստին անլոյծ կապիմք. Ողորմ:

Զէակիցդ Հօր զՈրդի
Փառաւորեմք անլռելի,
Որ իջեր յարգանդ կուսին,
ԶԱղամային առեր մարմին,
Աղաչանօք Աստուածածնին
Անապական քում ծնողին. Ողորմ:

Էրեւեցար մարմնով յերկիր,
Որ ի Հօրէ անմեկնելի.
Ընդ հողեղէնս բնակեցար,
Ի հրեղինաց երկրպագեալդ,
Պաղատանօք երկնաւորաց,
Փառաբանչաց քոց հրեշտակաց. Ողորմ:

Ըստ օրինացն Մովսիսի
Ընծայեցար ի տաճարին,
Զի զբնութիւնս մարդկային
Ընծայեսցես Հօրն ի յերկինս,
Խնդրուածովք սուրբ ծերունւոյն,
Քեւ ի կապից արձակելոյն. Ողորմ:

Թագաւորդ հրեղինաց,
Որ ընդ մարդկան հողեղինաց
Շրջեցար տնօրինաբար,
Կրեցեր զկիրս մարդկաբար,
Որ վասն մեր զայս ամենայն
Ի յանձն առեր խոնարհութեամբ. Ողորմ:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ԲՁ. ԴՁ.

Ժողովեալքս ի հրաժարումն
Ծառայի քո յաշխարհէ
Հայցեմք ի քէն արտասուելով
Եւ պաղատիմք զայս ասելով.
Ճանապարհ ընդ քեզ ելից
Ննջեցելոյս լեր ուղեկից,
Ի յօթեանս Հօր քո լուսոյ
Զնընջեցեալս մեր հանգո՛:

Ի փրկութեան մերոյ սկըզբան
Մկրտեցար ի Յորդանան,
Զոր շնորհեցեր նոր աւագան
Ի մաքրութիւն մեղաց մարդկան.
Հայցմամբ կրկին Կարապետին
Մեծին ի ծնունդս Մկրտչին. Ի յօթ:

Լուսաւոր ձայնիւ յերկնից
Զքեզ դաւանեաց Հայր էակից.
Ադանակերպ Հոգին իջեալ
Առ համագոյդ իւր հանգուցեալ.
Զմկրտեալս նովին հոգւով
Յորդեգրութիւն Հօր հաւատով. Ի յօթ:

Խաւար մեղաց հալածեցաւ.
Լոյս գիտութեան քեւ ծագեցաւ.
Խայթուած օձին բժշկեցաւ,
Հիւանդութիւն մեր ողջացաւ,
Կենդանարարը մեռելոց.
Եւ լուսատու իսաւրելոց. Ի յօթ:

Ծագումն անուն առ ի Հօրէ,
Որ ընտրեցեր ի յաշխարհէ
Լուսաւորիչ տիեզերաց
Զդասս ընտրեալ աշակերտաց,
Աղաչանօք առաքելոց
Փող յարութեան մեր մեռելոց. Ի յօթ:

Կեանք ի կենաց, լոյս ի լուսոյ,

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Որ ըստեղծեր զմեզ ի հողոյ,
Նորոգեցեր դարձեալ կրկին
Ծննդեամբ սրբոյ աւագանին,
Ձոր կեցուցեր շնորհիվ քոյին
Ի մահուանէ այն առաջին. Ի յօթ:

Հոգւով լցեր զմարդն առաջին,
Ձոր կորուսեալ խաբմամբ չարին,
Զնոյն հոգի բանիւ քոյին
Հեղեր յոգիս մեր վերստին.
Նովին հոգւով սուրբ եւ բարի
Առաջնորդեա՛ հոգւոյ սորին. Ի յօթ:

Զայնեցեր առ Ղազարոս,
Որով ետուր մեռելոց յոյս.
Կենդանութեամբ չորեքօրեայն
Կենդանացան, որք յԱդամայն.
Կենաց ձայնիւ վերջին փողոյ
Կոչեա՛ ըզսա յայսմ հողոյ. Ի յօթ:

Ղօղեալ սարսեաց պահակ մահու
Ի կենարար ձայնիդ լրոյ.
Արագապէս գոյգ ընդ բանին
Ետ զմեռեալն ըստ հրամանին.
Իշխանք օղոյս այս սարսեացն
Զհոգի սորա մի՛ արգելցեն. Ի յօթ:

ԱԿ. ԳԿ.

Ճանապարհ մոլորելոց
Եւ ճառագայթ խաւարելոց.
Հրաւիրեցեր զորդիս լուսոյ
Ի յերկնային հարսանիս քո.
Ընդ զուարճալից անդ ժողովոց
Արժանացո՛ զսա դասուց.
Լի՛ լապտերօք մոյծ յառագաստ
Ընդ իմաստուն սուրբ կուսանացն:

Մերով բնութեամբ զոր ըզգեցար
Ի փայտ խաչին բեւեռեցար.
Լուծանելով զմեզ ի մեղաց

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ի նախահորըն կապանաց.
Լոյծ եւ զսա ի կապանաց
Վասն քո սուրբ չարչարանաց. Լի լապ:

Յետ կամաւոր մահու իսաչի,
Եդար ի նոր գերեզմանի.
Երեքօրեայ թաղմամբ յերկրի,
Նոր ըստեղծեր զմեզ կենդանի.
Զիջեալս ընդ քեզ ի հող մահու
Վերակոչեա՛ ձայնիւ փողոյ. Լի լապ:

Նըստեալ կանանցն իւղաբերից
Եւ ողբային արտասուալից.
Իբր զմեռեալ անյուսալից
Ըզկենդանիդ յաւիտենից,
Վասն նոցին սուրբ արտասուաց,
Մաքրեա՛ զսա ի յանցանաց. Լի լապ:

Շարժեալ հիմնանցն դըժոխոց.
Ի տեսանել զքեզ ներքնոց.
Հաներ զհոգիսն որք ի բանտին,
Կապեալ զիշխանն մահաձին.
Ընդ հանգուցեալ հոգիս սրբոց
Հանգո՛ զհոգիս ննջեցելոց. Լի լապ:

Ուրախութեամբ զօրք երկնային
Յերկնից յերկիր իջանէին.
Յորժամ յարեար ի մեռելոց
Լոյս ծագեցար արարածոց.
Սուրբ յարութեամբ քո կենարար,
Յարո՛ զսա ի կեանս անմահ. Լի լապ:

Չըհանդուրժեալ պահապանացն
Ի յերկիւղէ երկնաւորացն.
Որք աւետիս տային կանանց,
Թէ մահ լուծաւ մահկանացուաց.
Սա որ մահու քո տնկակից,
Լիցի կենացդ հաղորդակից. Լի լապ:

Պարակցեալ անմարմնականքն

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Առ կենսատու սուրբ գերեզմանն.
Տան անտիս ազգի մարդկան,
Վասն կենացն յաւերժական.
Դասաւորեա՛ պարուց նոցին
Ձնընջեցեալս յօրն վերջին. Լի լապ:

Ձահաւորեալ նշան խաչին.
Յարեւելից փայլեալ ծագին.
Հաւատացեալքն ի քեզ բերկրին
Եւ ուրացողքն կոծեսցին.
Ձերկրպագուս սրբոյ խաչին
Պայծառացո՛ լուսով նորին. Լի լապ:

ԱԶ. ԴԶ.

Ռահ գործեալ երկնաւորաց,
Գան առաջի քո նախընթաց.
Ձընտրեալս քո ժողովելով
Քեզ ընդ առաջ բերեն ամպով.
Ընդ աղանեաց օղապարից,
Խառնեա՛ ըզսա սուրբ երամից.
Դասաւորեա՛ զսա վերնոցն,
Երգել քեզ փառս ընդ գուարթնոցն:

Սարսափին տարերք երկրի,
Յորժամ փառօք զսա հայրենի.
Արեգական լոյս խաւարի,
Լուսինն աստեղքն նուաղին.
Ձսա յաւուրն աներեկի
Լուսաւորեա՛ լուսով քոյին. Դաս:

Վերնական զօրացն պետ,
Փողէ զբարբառ անտաբեր.
Արի՛ք մեռեալք որք յԱդամայ,
Քանզի ահա եկն փեսայ,
Ընդ հարսնացեալ մաքուր հոգւոց
Կարգեա՛ ըզսա ի թիւ սրբոց. Դաս:

Տիրական յաթոռ նստիս,
Յարարածոց երկրպագիս,
Արդարութեամբ զաշխարհ դատես,

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Վարձս ըստ գործոց հատուցանես.
Յայնժամ շնորհեա՛ որորմութիւն,
Նընջեցելոյս մեր թողութիւն. Դաս:

Բամեալ մարդկան դասք ժողովին,
Որք յԱդամայ ծնեալք լինին.
Եւ հրեղինաց դասք երկնային
Համանգամայն վայրաբերին.
Ի յայսմ ահեղ հրապարակին
Յիշեա՛ զսա յօրն ահագին. Դաս:
Յուցանին գաղտնիք մարդկան
Իւրաքանչիւրք, որք գործեցան.
Բարեաց գործողքն պսակին,
Չարեացն ի հուրն անշէջ մատնին.
Յայնժամ յիշեա՛ զտրա բարին,
Գործըք մեղացն ջնջեսցին. Դաս:

Իհուսին պսակք զանագանեալք,
Եւ պատմուճանք լուսափայլեալք.
Սուրբ վկայիցն ի գլուխ եղեալ
Եւ արդարոցն զարդարեալ,
Հաղորդս արա հայցմամբ նոցին
Զսա լուսոյ փառաց նոցին. Դաս:

Փառաց ի փառս բարձրանան,
Աջակողմեանքն վերանան.
Յորժամ լսեն զերանական
Ձայն օրհնութեան ի քէն կոչման.
Ննջեցելոյս մեր լսեցո՛
Զաստուածային բարբառս քո. Դաս:

Քահանայք եւ ժողովուրդք
Հայցեմք ի քէն, Տէ՛ր, բարեգութ,
Ընդ ննջեցեալսն հաւատով
Ընկալ զսա նովին յուսով.
ՅԵրուսաղէմ քաղաք վերին,
Յորում արդարքն ժողովին.
Փառս վեր երգել միշտ ընդ նոսին
Երրորդութեանդ երրեակ անձին:

ԵՐԳ

ԴԶ.

Ի տօնի Սրբոց Առաքելոց.

Արարիչ եւ մարդասէր,
Անոխակալ եւ բարեգութ,
Որ գովիսդ ի սրտեից,
Տէր, դատաւոր արդարութեան.
Ընդ սրբոց առաքելոց,
Տէր, պսակեա՛ զմեր ննջեցեալսն.
Ողորմած Տէր ողորմեա՛
Հոգւոցն մեր նընջեցելոց:

Ի տօնի Ս. Մարգարեից.
Յորժամ գրեալքն կատարին,
Որ զայնմ աւուր մեզ պատմեցին.
Մարգարեից բանքն յարգին,
Առաքելոցն վճարին. Ողորմած:

Ի տօնի Վարդավառի եւ վասն ննջեցելոց.

Ի վերին Երուսաղէմ
Ի բնակարանըս հրեշտակաց.
Ուր Ենովք եւ Եղիաս
Կան ձերացեալք աղանակերպ,
Ի դրախտին եղեմական
Պայծառացեալ արժանապէս. Ողորմած:

Ի տօնի Ծաղկագարդի եւ Համբարձմանն Քրիստոսի.

Թագաւոր փառաց Քրիստոս,
Որ ժամանեալ զաս ի յերկնից.
Ի վերայ թեւոց հողմոց
Քո հայրենի կերպարանօք
Եւ առնես հրափորձութեամբ
Զքնընութիւն որդւոց մարդկան. Ողորմ:

Վասն ննջեցելոց.

Ի դնել բեմին բազմի փեսայն

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Եւ առագաստն զարդարի.
Գաբրիէլեան փողըն գոչէ,
Սուրբք ամենայն անդ հաւաքին.
Արդարոց դասքն բերկրին,
Իսկ մեղսասէրքըն թախանձին. Ողորմ:

Յորժամ հնչին փողոյն լինի
Եւ Ղեւտական գիրըն յայտնի,
Ճառագայթ սրբոյ խաչին
Յարեւելից փայլեալ ծագի,
Հրեշտակաց գունդք ծաւալին,
Հրեշտակապետք պարունակին. Ողորմ:

Ահեղ խորհուրդ քահանային
Բազկատարած կայ ի բեմին,
Առաջի սուրբ սեղանոյն.
Հուր շիջանի, խաւար մերժի,
Տըրտմեալ հոգիքն ուրախանան,
Զի թողութիւն մեղաց լինի. Ողորմ:

Մովսէս աստուածախօս
Եւ Ահարօն Ղեւտացին,
Մարգարէքն Իսրայէլի
Եւ քահանայք հին օրինին,
Յառաջագոյն մեզ ծանուցին
Ըզգալուստ սուրբ Միածնին.
Ի փրկութիւն մեզ յայտնեցին
Յանապատի կերակրէին. Ողորմ:

Սուրբ Խաչի

Տըրտմահադորդ չարչարանօք,
Ի յանձն առեր զմահ խաչին.
Եւ փայտին բարձող եղեր
Վասն Ադամայ նախաստեղծին. Ողորմ:

Զարհուրեցան զօրք երկնային,
Յորժամ տեսին զՏէրդ ի խաչին.
Արեգական լոյս քողարկեալ
Եւ լոյս լուսնին նըւաղեցաւ.

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Յահեղ փառաց Աստուածորդւոյ
Խաւար եղեւ ընդ տիեզերս. Ողորմ:

Սուրբ Յարութեան.

Ուրախացան ազգքք մարդկան,
Յորժամ լուան զքո յարութիւնդ.
Նորափետուր զարդարեցան
Ի յարութեան սուրբ Միածնիդ. Ողորմ:

Ի տօնի Հայրապետաց եւ համօրէն Մարտիրոսաց.

Աղաչանօք սրբոյ խաչին
Եւ անբարբառ բարեխօսին.
Եւ սրբոյ Աստուածածնին
Եւ Յովհաննու Կարապետին
Եւ սրբոյն Ստեփաննոսի
Եւ առաջին մարտիրոսին.
Եւ սրբոյ Լուսաւորչին
Հայաստանեայց հայրապետին.
Եւ սրբոց առաքելոց.
Եւ համօրէն մարտիրոսաց. Ողորմ:

Ես ասացի ի վերանալ յինէն աւուրց իմոց. յո՛վ երթայցեմ եւ ես այսօր. յառաջին
օթեւանին, զոր ո՛չ գիտէի՝ օգնեա՛ եւ ինձ Քրիստոս այսօր. յառաջին ճանապարհին եւ ի
միւսանգամ գալստեանդ քո օգնեա՛ ինձ:

Եկն եհաս օր վախճանին իմոյ, լալումն, ողբումն եւ աշխարհումն. սիրտ իմ խոռվեցաւ
յիս եւ ոսկերք իմ ցամաքեցան. օգնեա՛:

Ի մահիճս իմ զարթոցին զիս, պահանջողք հոգւոյ իմոյ. տանէին զիս ճանապարհ
հեռագոյն, զոր ո՛չ գիտէի. օգնեա՛:

Նայեցայ, եւ ո՛չ ոք էր որ օգնէր ինձ. ապաւինեցայ յԱստուած փրկութեան իմոյ. ցնձացե՛
հոգի իմ յարքայութեան քում. օգնեա՛:

Գրեցայ ես ի գիր կենդանութեան. եւ մեկնեցայ երթալ առ արարիչն երկնի եւ երկրի.
օգնեա՛:

Յանըստուէր եւ յանեղ լուսոյն հեռացայ. իսարմամբ խաւարային, ճաշակեցի զմահառիթ
պըտուղն. հողանայ պատկեր բարերար ստեղծողիդ. օգնեա՛:

Յանջատման հոգւոյս ի մարմնոյս, ի քակտիլ գեղեցիկ շինուածոյս, զարհուրիմ ի
սպանալեաց թագաւորին. թէ պահանջէ յինէն զտաղանդ պատուիրանին. օգնեա՛:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ի տօնի Ա. Ծննդեանն Քրիստոսի.

Կուսածին մարդացեալ Աստուած իմ, Յիսուս, յայնմ աւուր ահեղ ատենին. զգինս արեան քո մի՛ դատապարտեր. օգնեա՛:

Մոսկալի է օր վախճանին եւ ահեղ է օր քո դատաստանին. յայնմ աւուր ատենին զգինս արեան քո մի՛ անտես առներ, զի պատկեր եմ բարերար ստեղծողիդ. օգնեա՛:

Ջահաւոր դատաստան դատաւորին տեսի եւ զարհուրեցայ, զի անպատրաստ եգիտ զիս ի հրամանաց քոց թագաւոր յաւիտենից. օգնեա՛:

Ի տօնի Վերափոխման Ա. Աստուածածնի.

Աստուածածին անարատ մայր Տեառն եւ կոյս սուրբ. բարեխօսեա՛ առ Որդիդ քո Միածին, զի փրկեցէ՛ զմեզ ի սպառնալեաց գեհեոյն եւ պարգեւեցէ՛ մեզ զերկնից զարքայութիւնն եւ հանգուցէ՛ զհոգիս մեր ննջեցելոցն. օգնեա՛:

ՄԱՂԹԱՆՔ

Հոգւոցն հանգուցելոց Քրիստոս Աստուած, արա՛ հանգիստ եւ ողորմութիւն եւ մեզ մեղաւորաց շնորհեա՛ զթողութիւն յանցանաց:

ՔԱՐՈՋ

Եւ եւս խաղաղութեան զՏէր աղաչեցուք:

Վասն հանգուցեալ հոգւոցն աղաչեցուք զփրկիչն մեր Քրիստոս, զի գնոսա ընդ արդարսն դասեցէ՛ եւ զմեզ կեցուցէ՛ շնորհիւ ողորմութեան իւրոյ: Ամենակալ Տէր Աստուած մեր, կեցո՛ եւ ողորմեա՛:

Տէր ողորմեա՛, Տէր ողորմեա, Տէր ողորմեա:

Քրիստոս, որդի Աստուծոյ, անոխակալ եւ բարեգութ, գթա՛ քո արարչական սիրովդ ի հոգիս հանգուցեալ ծառայից քո: Յիշեա՛ յաւուր մեծի գալստեան արքայութեան քո: Արա՛ արժանի ողորմութեան, քաւութեան եւ թողութեան մեղաց: Դասաւորեալ պայծառացո՛ ընդ սուրբս քո յաջակողման դասուն, զի դու ես Տէր եւ արարիչ ամենեցուն, դատաւոր կենդանեաց եւ մեռելոց: Եւ քեզ վայելէ փառք, իշխանութիւն եւ պատիւ. Այժմ:

Եւ ապա ասեն՝ Հայր մեր՝ զկնի մաղթանք:

Տէ՛ր, Յիսուս Քրիստոս քո սուրբ հրաշափառ *Յարութեանդ* (կամ *Տէրութեանդ*) շնորհիւ, լուսաւորեալ պարծառացո՛ զհոգիս համօրէն հաւատացելոց, յուսով ի քեզ ննջեցելոցն եւ մանաւանդ այնոցիկ, որք ընդ հովանեաւ սրբոյ Տաճարիս են հանգուցեալ:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Եւ ապա ապի օրհնութիւն ըստ պատշաճի աւուրն կամ ի ձայնէն եւ զկնի մաղթանքն, քարոզն եւ աղօթքն զկնի օրհնութեան:

ՄԱՂԹԱՆՔ ՏԷՐՈՒՆԱԿԱՆ ՏՕՆԻՑ

Փառք հրաշափառ **ծննդեան** քո, Տէր, զօրհնեալ եւ զփառաւորեալ զհրաշալի եւ զյաղթող **զծնունդ** քո սուրբ օրհնեմք եւ փառաւորեմք: Մարդասէր Տէր, վասն սրբուհոյ անարատի մօր քո եւ կուսի, եւ վասն խաչի քո պատուականի, ընկալ՛ զաղաչանս մեր եւ կոցո՛ զմեզ:

Սոյնպէս ասա՛ եւ ամենից տօնից տէրունականաց ըստ պատշաճի աւուրն, թէ յայտնութեան, թէ զալստեան, թէ պայծառակերպութեան, թէ տնօրէնութեան, թէ մատնութեան, թէ խաչելութեան, թէ թաղման, թէ յարութեան, թէ համբարձման, թէ զալստեան Հոգւոյն սրբոյ եւ թէ ի տօնս սրբոյ խաչին եւ եկեղեցւոյ: Բայց ի զալստեան Հոգւոյն սրբոյ՝ զմարդասէր Տէրն այսպէս ասա՛. Մարդասէր Տէր, վասն սրբուհոյ անարատի մօրն եւ կուսի, եւ վասն խաչին պատուականի. ընկալ՛ զաղաչա՛: Ձի սխալին որք ասեն առ Հոգին սուրբ՝ թէ մօր քո կամ խաչի քո: Եւ ի տօնս եկեղեցւոյ ասա. Փառք տէրութեան քո Տէր. եւ այլն որպէս ի վերոյ:

ՄԱՂԹԱՆՔ Ի ՏՕՆԻ ՄՐԲՈՑ

Բարեխօսութեամբ սրբուհոյ Աստուածածնի եւ Ս. Յովհաննու Մկրտչին, սրբոյն Ստեփաննոսի նախավկային եւ սրբոյն Գրիգորի մերոյ Լուսաւորչին: Յիշատակաւ եւ աղօթիւք սրբոցն (**այս անուն**) որոց այսօր է յիշատակ: Եւ վասն խաչի քո պատուականի, Տէր, ընկալ՛ զաղաչանս մեր եւ կեցո՛ զմեզ:

ՄԱՂԹԱՆՔ ՊԱՀՈՑ

Երանեալ կանոնի.

ԴԿ.

Քրիստոս է ին Աստուած եւ փառաւոր առնեմ զսա. Աստուած Հօր իմոյ եւ բարձր արարից զսա: Մարդասէր Տէր, վասն սրբուհ:

Երկինք պատմեն կանոնի.

ԱԶ.

Տո՛ւք փառս Աստուծոյ, տո՛ւք զօրհնութիւն մարդասիրին թագաւորին յաւիտենից, որ փրկէ զձառայս իւր եւ կեցուցանէ: Մարդասէր:

Մի՛ նախանձիր կանոնի.

ԱԿ.

Դո՛ւ ես Տէր մեր, դո՛ւ ես Քրիստոս փրկիչ մեր. զքեզ օրհնեն անձինք մեր: Մարդասէր:

Ողորմեա՛ կանոնի.

ԲԶ.

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Բարձրացաւ եղջիր իմ յԱստուած փրկիչ իմ. հաստատեցաւ սիրտ իմ ի Տէր, Տերամբ եւ հաւատով: Մարդասէր:

Իբրեւ կանոնի

ԲԿ.

Խաղաղութեանց տուող Քրիստոս, զխաղաղութիւն եւ զերկնային ողորմութիւն քո պարգեւեա՛ յարարածս քո: Մարդասէր:

Տէր ապաւէն կանոնի.

ԳԶ.

Յոյս կենդանութեան, յոյս եւ ապաւէն փրկութեան, Տէր, Յիսուս փրկիչ. փրկեա՛ եւ ապրեցո՛ զցաւս անձին իմոյ: Մարդասէր:

ԳԿ.

Եկեացեն աղօթք մեր ի տաճար սուրբ քո. խոնարհեցի ունկն քո ի խնդրուածս մեր: Մարդասէր:

Ի նեղութեան կանոնի.

ԴԶ.

Լո՛ւր մեզ, Տէ՛ր, լո՛ւր մոզ. աստուածային ողորմութեամբ եւ գթութեամբդ քո խնայեա՛ յարարածս քո: Մարդասէր:

ՔԱՐՈԶ

Երանեալ եւ իբրեւ կանոնացն. (Տե՛ս ի սաղմոսին Գլ. Ա. եւ Գլ. ՀԲ.)

ԲԿ. ԴԿ.

Վասն ի վերուստ խաղաղութեան եւ փրկութեան անձանց մերոց, զՏէր աղաչեսցուք:
Վասն լսելի լինելոյ Տեառն Աստուծոյ ձայնի աղաչանաց մերոց, զՏէր աղաչեսցուք:
Վասն քաւիչ եւ ներող լինելոյ Աստուծոյ ի վերայ մեղաց մերոց, զՏէր աղաչեսցուք:
Վասն թողլոյ մեզ զամենայն յանցանացս մեր՝ զկամայ եւ զակամայ, զՏէր աղաչեսցուք:
Վասն զի մի՛ ընդ խոտանս գտանիցիմք յաւուրն պատասխանատուութեան, զՏէր
աղաչեսցուք:

Վասն հոգւոցն հանգուցելոց, որք ճշմարիտ եւ ուղիղ հաւատով ի Քրիստոս ննջեցին.
զՏէր աղաչ:

Եւ եւս միաբան վասն ճշմարիտ եւ սուրբ հաւատոյս մերոյ, զՏէր աղաչ:

Չանձինս մեր եւ զմիմեանս Տեառն Աստուծոյ ամենակալին յանձն արասցուք:

Ողորմեաց մեզ, Տէր Աստուած մեր, ըստ մեծի ողորմութեան քում, ասասցուք
ամենեքեան միաբանութեամբ:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ԱՂՕԹՔ

ԲԿ. ԴԿ.

Տէր տուրնջեան եւ գոյացուցիչ զիշերոյ, որ արարեր զտիւ ի զքօսանս բարեգործութեան ի փրկութիւն անձանց մերոց, եւ զգիշեր ի հանգիստ քնոյ՝ տկարացեալ բնութեանս մերոյ: Իսկ այժմ զարթուցեալ բացեր զբերանս մեր յօրհնաբանութիւն ահաւոր եւ փառաւորեալ անուանոյ քում սրբոյ: Ընկալ եւ այժմ զաղաչանս մեր, եւ յաջողեա՛ մեզ ուղիղ հաւատով եւ առաքինասէր վարութիւն նոյն պաշտօն քո կանխել միշտ, եւ նովին կանոնիւս անդադար փառավորել զՀայր եւ զՈրդի եւ զսուրբ Հոգիդ, այժմ եւ միշտ եւ յաւիտեանս յաւիտենից. ամէն:

Խաղաղութիւն ամենեցուն.

Աստուծոյ երկրպագեսցուք.

Ձքեզ, որ յամենայնի զթած եւ մարդասէր Տէրդ ես, աղաչեմք հանապազ, զի զօրացուցես զմեզ օրըստօրէ, կալ ի կարգի կրօնաւորութեան մերում: Թերեւացո՛, Տէ՛ր, զքաղցր լուծ քո, զոր եդեր ի վերայ մեր, զի կարասցուք կալ ի պատուիրանի քում եւ զհաճոյսն առնել առաջի քո յամենայն ժամ ի տուէ եւ ի զիշերի: Հրեշտակային երգակցութեամբ զքեզ օրհնել, զքեզ գովել եւ քեզ գոհութիւն եւ փառս մատուցանել ամենազօր տէրութեանդ. այժմ եւ միշտ եւ յաւիտեանս յաւիտենից. ամէն:

ՄԱՂԹԱՆՔ

ԲԿ. ԴԿ.

Սաղմոսիք եւ օրհնութեամբ եւ երգօք հոգեւորօք անդադար փառաւորեմք զՀայր եւ զՈրդի եւ զսուրբ Հոգիդ, այժմ եւ միշտ եւ յաւիտեանս յաւիտենից. ամէն:
Օրհնեալ Տէր մեր Յիսուս Քրիստոս. ամէն:
Հայր մեր որ յերկ:

ՔԱՐՈՋ

Երկինք պատմեն եւ Տէր ապաւեն կանոնացն. (Տէ՛ս ի սաղմոսին Գլ. ԺԸ եւ Գլ. ԶԹ):
ԱՁ. ԳՁ.

Վասն ի զիշերի եւ ի տուրնջեան եւ յամենայն ժամու խօսիլ մեզ զբան Տեառն, զՏէր աղաչեսցուք:

Վասն չանկանելոյ մեզ ի փորձութիւն, որում ո՛չ կարեմք հանդուրժել, զՏէր աղաչեսցուք:

Վասն անբիծ եւ անարատ կալ մեզ առաջի ահեղ ատենին Քրիստոսի, զՏէր աղաչեսցուք:

Վասն առաջնորդելոյ մեզ ի նաւահանգիստն կենաց անվախճանից, զՏէր աղաչեսցուք:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Վասն արժանի լինելոյ մեզ վերին կոչմանն եւ երկնից արքայութեանն, զՏէր աղաչեացուք:

Վասն հոգւոցն հանգուցելոց, որք ճշմարիտ եւ ուղիղ հաւատով ի Քրիստոս ննջեցին, զՏէր աղաչեացուք:

Եւ եւս միաբան վասն ճշմարիտ եւ սուրբ հաւատոյս մերոյ, զՏէր աղաչեացուք:

Զանձինս մեր եւ զմիմեանս Տեառն Աստուծոյ ամենակալին յանձն արասցուք:

Ողորմեաց մեզ, Տէր Աստուած մեր, ըստ մեծի ողորմութեան քում, ասացուք ամենեքեան միաբանութեամբ:

ԱՂՕԹՔ

ԱՁ. ԳՁ.

Ի գիշերի եւ ի տուրնջեան եւ յամենայն ժամու զքեզ աղաչեմք եւ ի քէն խնդրեմք, մարդասէր Տէր, լո՛ւր մեզ Աստուած փրկիչ մեր, խոնարհեցի ունկն քո ի խնդրուածս մեր, զի մի՛ ունայն լիցին վաստակք ծառայից քոց, այլ համարեա՛ զաշխատութիւնս մեր ի գործ արդարութեան եւ ի պտուղ աստուածպաշտութեան: Ընկա՛լ, Տէր, զաղօթս եւ զերկրպագութիւնս մեր, եւ հատո՛ մեզ զողորմութիւն քո առատապէս, ծածկեա՛ զմեզ ընդ հովանեաւ ամենագոր աջոյ քո, զօրացո՛ զմեզ, Տէր, զօրութեամբ սուրբ Հոգւոյդ. պահեա՛ զմեզ որպէս բիբ ական, եւ արա՛ առ մեզ նշան բարի ի գովեստ եւ ի փառաբանութիւն անուանդ քում սրբոյ: Զի ի քո փառս կատարի ամենայն արարածոց մշտնջենաւոր փառաբանութիւն ի բարձունս Հօր եւ Որդւոյ եւ Հոգւոյդ սրբոյ. այժմ եւ:

Խաղաղութիւն ամենեցուն.

Աստուծոյ երկրպագեացուք.

Հովիւ քաջ, հովիւ բարի եւ յաւիտենական, նայեա՛ց եւ ա՛յց արա բանաւոր հօտի քո, զոր ժողովեցեր առ քեզ գթութեամբ քով: Զի քո առաջի կամք, Տէր, եւ առ ի քէն ողորմութեանցդ եւ գթութեանցդ ակն ունիմք: Զամենեսեան օրհնեա՛, զամենեսեան ինաստնացո՛, զամենեսեան լուսաւորեա՛, եւ ամենեցուն պարգեւեա՛ զերկնից արքայութիւնդ: Վասն զի դու եւ Տէր կենաց եւ Աստուած ողորմութեանց եւ քեզ վայել է փառք, իշխանութիւն եւ պատիւ այժմ եւ:

ՄԱՂԹԱՆՔ

ԱՁ. ԳՁ.

Ի գիշերի եւ ի տուրնջեան եւ յամենայն ժամու անդադար փառաւորեմք զՀայր եւ զՈրդի:

ՔԱՐՈՁ

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

**Մի նախանձիր եւ խոստովան կանոնացն. (Տե՛ս ի սաղմոսին Գլ. ԼԶ եւ Գլ. ԸԶ)
ԱԿ. ԳԿ.**

Վասն ուղղելոյ զգնացս մեր ի ճանապարհս խաղաղութեան, զՏէր աղաչեացուք:
Վասն ցրելոյ ի մէնջ զամենայն խորհուրդս չարին, զՏէր աղաչեացուք:
Վասն պարգեւելոյ մեզ առողջ խորհուրդս եւ առաքինի վարս, զՏէր աղաչեացուք:
Վասն պահելոյ զմեզ ընդ հովանեաւ ամենագոր աջոյն իւրոյ, զՏէր աղաչեացուք:
Վասն խորտակելոյ հակառակորդն վաղվաղակի ընդ ոտիւք մերովք, զՏէր աղաչեացուք:
Վասն հոգւոցն հանգուցելոց, որք ճշմարիտ եւ ուղիղ հաւատով ի Քրիստոս ննջեցին,

զՏէր աղաչեացուք:

Եւ եւս միաբան վասն ճշմարիտ եւ սուրբ հաւատոյ մերոյ, զՏէր աղաչեացուք:

Զանձինս մեր եւ զմիմեանս Տեառն Աստուծոյ ամենակալին յանձն արասցուք:

Ողորմեաց մեզ, Տէր Աստուած մեր, ըստ մեծի ողորմութեան քում, ասասցուք
ամենեքեան միաբանութեամբ:

ԱՂՕԹՔ

ԱԿ. ԳԿ.

Տէր երկնի եւ երկրի, արարիչ ամենայն արարածոց, երեւելեաց եւ աներեւութից: Առ քեզ կարդամք յամենայն ժամ, զի ընդ ամենայն տեղիս է տէրութիւն քո եւ արքայութիւն քո ամենեցուն տիրէ: Շնորհեա՛ մեզ երկիւղիւ ի պաշտօն քո կանխել հանապազ. սիրել զքեզ ի բոլոր սրտէ եւ ի բովանդակ մտաց եւ յամենայն զօրութենէ մերմէ պահել զպատուիրան քո: Համբառնալ առ քեզ զձեռս մեր ի սրբութիւն առանց բարկութեան եւ երկմտութեան եւ գտանել ի քէն զշնորհս եւ զողորմութիւն եւ զառաքինասէր զործոցն յաջողութիւն: Վասն զի դու ես Տէր կենաց եւ Աստուած ողորմութեանց եւ քեզ վայելէ փառք իշխանութիւն եւ պատիւ. այժմ եւ միշտ եւ յաւիտեանս յաւիտենից. ամէն:

Խաղաղութիւն ամենեցուն.

Աստուծոյ երկրպագեացուք.

Քում ամենագոր եւ յաղթող տէրութեանդ կրկնի ամենայն ծունր յերկրպագութիւն եւ փառաւորի յամենեցունց թագաւորութիւն քո: Նայեա՛ յերկրպագութիւնս մեր եւ ուսո՛ մեզ առնել զարդարութիւն ճշմարտութեան: Վասն զի դու ես Աստուած խաղաղութեան. որ բարձեր զթշնամութիւն ի միջոյ եւ արարեր զխաղաղութիւն յերկինս եւ յերկրի. ե՛ւ հեռաւորաց եւ մերձաւորաց անտարանեցեր զնոր պարգեւս քոյին բարեացդ: Որում եւ զմեզ մեծի շնորհացդ արժանաւորս արասցես, դասելով ընդ ճշմարիտ երկրպագուս քո Աստուած մեր եւ Տէր եւ փրկիչ Յիսուս Քրիստոս, որ եւ օրհնեալ ընդ Հօր եւ ընդ սրբոյ Հօգւոյդ այժմ եւ:

ՄԱՂԹԱՆՔ

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ԱԿ. ԳԿ.

Յերգս օրհնութեան եւ ի ձայն սաղմոսաց անդադար փառաւորեմք զՀայր եւ զՈրդի եւ զսուրբ Հոգիդ. այժմ եւ:

ՔԱՐՈԶ

**Ողորմեա եւ ի նեղութեան կանոնացն. (Տէս ի սաղմոսին Գլ. ԾԵ եւ Գլ. ՃԺԹ):
ԲԶ. ԴԶ.**

Վասն գտանելոյ մեզ զշնորհս եւ ողորմութիւն ի բարերար Տեառնէ մերմէ, զՏէր աղաչեցուք:

Վասն փրկելոյ զմեզ ի զրպարտութենէ մարդկան եւ յորոգայթից սատանայի, զՏէր աղաչեցուք:

Վասն ամենայն անձանց քրիստոնէից եւ տանց հաւատացելոց, զՏէր աղաչեցուք:

Վասն որք ի լերինս, յայրս եւ ի փապարս բնակեալք են սուրբ հարքն մեր, զՏէր աղաչեցուք:

Վասն որք սաղմոսիք եւ օրհնութեամբ կատարեն զամենայն ժամանակս կենաց իրեանց, զՏէր աղաչեցուք:

Վասն հոգւոցն հանգուցելոց, որք ճշմարիտ եւ ուղիղ հաւատով ի Քրիստոս ննջեցին, զՏէր աղաչեցուք:

Եւ եւս միաբան վասն ճշմարիտ եւ սուրբ հաւատոյ մերոյ, զՏէր աղաչեցուք:

Զանձինս մեր եւ զմիմեանս Տեառն Աստուծոյ ամենակալին յանձն արասցուք:

Ողորմեաց մեզ, Տէր Աստուած մեր, ըստ մեծի ողորմութեան քում. ասացուք ամենեքեան միաբանութեամբ:

ԱՂՕԹՔ

ԲԶ. ԴԶ.

Գոհանամք զքէն, Տէր Աստուած մեր, որ զարթուցեր զմեզ ի հանգստենէ քնոյ շնորհիւ ողորմութեան քո: Զարթո՛ւ զմիտս մեր արդարութեամբ առ քեզ, Տէր Աստուած մեր, զի տեսցեն աչք մեր զփրկութիւն քո: Եկեսցէ եւ բնակեցի առ մեզ Աստուածութիւն քո եւ ողորմութիւն քո հովանի եւ պահապան լիցի ի վերայ պաշտօնէից քոց: Եւ զմեզ, զճառայքս քո, արժանի արա՛ ի տուէ եւ ի գիշերի եւ յամենայն ժամու միշտ խորհիլ ի սէր պատուիրանաց քոց, եւ զոհանալով փառաւորել զՀայր եւ զՈրդի եւ զսուրբ Հոգիդ, այժմ եւ միշտ եւ յաւիտեանս յաւիտենից. ամէն:

Խաղաղութիւն ամենեցուն.

Աստուծոյ երկրպագեցուք.

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Կենդանաբար զօրութիւն եւ աղբիւր անմահութեան, դու եւ Քրիստոս Աստուած փրկիչ մեր, որ շնորհեցեր մեզ ի մէջ գիշերի յառնել եւ խոստովան լինել առ քեզ վասն իրաւանց եւ արդարութեան քո: Եւ այժմ աղաչենք զքեզ, Տէր Աստուած մեր, արա՛ զմեզ արթունս եւ պատրաստս ի ժամ առաւօտու ընդ սուրբս քո: Եւ ընդ նոսին գոհանալով փառաւորեսցուք զքեզ ընդ Հօր եւ ընդ Հոգւոյդ սրբոյ այժմ եւ:

ՄԱՂԹԱՆՔ

ԲՁ. ԴՁ.

Գոհութեամբ եւ ճշմարիտ խոստովանութեամբ անդադար փառաւորենք զՀայր եւ զՈրդի եւ զսուրբ Հոգիդ. այժմ եւ միշտ եւ յաւիտեանս յաւիտենից. ամէն:

ԹԱԳԱԻՈՐՔ

ԱՊԱՇԽԱՐՈՒԹԵԱՆ

Երկուշաբթի.

Թագաւոր յաւիտեան:

Լուր մեզ Աստուած փրկիչ մեր եւ կեցո՛ զմեզ, որ յամենայնի կարողդ եւ:

Մաղ. Լուր մեզ Աստուած փրկիչ մեր յոյս ամենայն ծագաց երկրի եւ որ ի ծով հեռի:

Ո՞ պատրաստէ զլերինս զօրութեամբ իւրով. եւ զգեցեալ է զօրութիւն եւ կեցո՛ զմեզ, Տէ՛ր, որ յամենայնի:

Փոխ. Լո՛ւր աղաչանաց մերոց, Տէ՛ր մարդասէր եւ գթա՛ ի մեզ:

Թ. Մի՛ զիս անտես առնէր, այլ օգնեա՛ ինձ մարդասէր:

Մաղ. Մի՛ ընկենուր զիս, Տէ՛ր, յերեսաց քոց եւ զՀոգի քո սուրբ, մի՛ հաներ յինէն:

Այլ տուր ինձ զցնծութիւն փրկութեան եւ հոգւով պետութեան քո հաստատեա՛ զիս. այլ օգնեա ինձ մարդասէր:

Փոխ. Մի՛ անտես առնէր զիս Տէր Աստուած փրկիչ իմ, այլ շնորհեա՛ ինձ թողութիւն, բազմագութ մարդասէր եւ կեցո՛:

Թ. Երկինք եւ երկիր գոհանան զքէն, Տէր. արարածք ամենայն քեզ երկիր պագանեն եւ հրեշտակք ի բարձունս աղաղակեն եւ ասեն, ողորմեա՛, դու ստեղծեր, մի՛ կորուսաներ:

Մաղ. Երկինք երկնից եւ ջուրք, որ ի վերոյ քան զերկինս, օրհնեցէ՛ք զանուն Տեառն:

Զի՛ նա ասաց եւ եղեն, հրամայեաց եւ հաստատեցան. եւ հրեշտակք ի բարձունս:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փոխ. Երկինք եւ երկիր հանապազ գրեզ գովեն թագաւոր փառաց. սերովբէք եւ քերովբէք ի խոնարհ ունենալով զդէմս իւրեանց եւ միաձայն բարբառովն աղաղակեն եւ ասեն. սուրբ, սուրբ, Տէր զօրութեանց:

Երեքշաբթի

Երկայնամիտ ես, Տէր, առ ամենեսեան եւ գթա Տէր ի վերայ մեր, որպէս եւ յաւազակին փրկիչ եւ կեցո:

Մաղ. Երկայնամիտ, բազումողորմ եւ ճշմարիտ նայեաց առ իս եւ ողորմեաց ինձ:

Տո՛ւր զօրութիւն ծառայի քո, կեցո՛ զորդի աղախնոյ քո եւ արա՛ առ իս նշան բարութեան. եւ գթա՛, Տէր, ի վերայ մեր:

Փոխ. Տէր, որ գթացար յաւազակն խաչակից լինել քեզ եւ մաքրեցեր զաղտեղութիւն յանցանաց նորա յաղբերէ կողի քո, գթա՛ եւ յիս ի մեղաւորս, որ ծարաւիս եմ առ քեզ, եւ փափագիմ ի գաւիթս քո. որպէս զմի ի յեղջերուաց ի յաղբերս ջուրց:

Մարտեաւ ընդ իս թշնամին, հանապազ զիս կամի կորուսանել. այլ դու, Տէր իմ, այց արա մոլորեալ ոչխարիս եւ կեցո:

Մաղ. Մարտեան ընդ իս ի տարապարտուց. փոխանակ սիրոյ իմոյ, այլ դու, Տէր իմ, այց արա՛ մոլորեալ ոչխարիս եւ կեցո:

Փոխ. Որ հովիւդ ես հօտից բանաւոր կենդանեաց տո՛ւր ինձ յոյս կենաց ապաշխարութեան եւ դարձո՛ զմոլորեալս ի հօտ քո, Քրիստոս եւ կեցո:

Թագ. Մեղայ եւ աղաչեմ զքեզ, թողութիւն շնորհեա՛ մեղաց իմոց. քաւիչ իմ լե՛ր քո գթութեամբդ որ միայնդ ես փրկիչ եւ կեցո՛:

Մաղ. Մեղայ Տէր, մեղայ եւ զանօրէնութիւնս իմ ես ինձէն գիտեմ: Աղաչեմ եւ խնդրեմ ի քէն. թո՛ղ ինձ, Տէր, թո՛ղ ինձ եւ մի՛ կորուսաներ զիս ըստ անօրէնութեան իմոյ. քաւիչ իմ լե՛ր քո գթութեամբդ, որ միայնդ ես փրկիչ կեցո՛:

Փոխ. Մեղայ քեզ, Տէր, մեղայ քեզ, Տէր, մեղայ եւ քան զաւազ ծովու բազում են յանցանք իմ. պատրանք աշխարհիս խաբեցին զիս եւ եղէ անպտուղ ի կենաց յուսոյդ այլ դու անոխակալ եւ անյիշաչար փրկիչ ինայեա՛ ի մեղուցեալ ծառայս եւ կեցո՛:

Չորեքշաբթի.

Տէր իմ, բազում են անօրէնութիւնք անձին իմոյ. ոչ յիշեցի զահեղ զդատաստանս քո. արդ անկեալ զքեզ աղաչեմ, շնորհեա՛ ինձ ապաշխարութիւն, Տէր, եւ ողորմեա՛:

Մաղ. Անօրէնութիւնք իմ բարձրացան քան զզլուիս իմ եւ որպէս բեռն ծանր ծանրացան ի վերայ իմ: Նեխեցան վերք իմ յերեսաց անզգամութեան իմոյ. ոչ յիշեցի զահեղ զդատաստանս քո, արդ անկեալ զքեզ աղաչեմ. շնորհեա՛:

Փոխ. Պաղատանս մատուցանեմք քեզ, Հայր երկնաւոր. մի՛ անտես առնէր զաղաչանս մեր, այլ անցո՛ զցատումն քո ի մէջ եւ յիշեա՛, զի պատկեր եմք բարերարութեանդ:

Թագ. Տէր իմ, գթութիւնք քո բազում են յոյժ. առ իս արա զբարերարութիւնս քո, որպէս եւ մաքսաւորին եւ ինձ ողորմեա՛:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Սաղ. Գթութիւնք քո բազում են, Տէր, եւ ըստ իբաւանց քոց կեցո՛ղիս: Բազումք են, որք հալածեն եւ նեղեն զիս. ի վկայութեանց քոց ես ո՛չ խոտորեցայ. առ իս արա՛ զբարերարութիւնս քո, որպէս եւ մաքսաւորին եւ ինձ ողորմեա՛:

Փոխ. Անոխակալ եւ անյիշաչար, Տէր, որ գթալով ի մեղաւորս շնորհեցեր ապաշխարութիւն. արդ գթա՛ եւ յիս, Տէր, ի մեղուցեալ եւ յանօրինեալ քո ծառայս եւ փոխարկեա՛ զգործողս չարեաց ի զոջումն ապաշխարութեան եւ կեցո՛:

Թագ. Ի տաճարի քում սրբութեան փառաւորելով ըզքեզ, դու ունիս իշխանութիւն, ողորմեա՛ մեզ:

Սաղ. Այլ ես ըստ բազում ողորմութեան քում մտից ի տուն քո եւ երկրպագից ի տաճար սուրբ քո երկիւղի քով:

Տէր, առաջնորդեա՛ ինձ յարդարութեան քում, վասն թշնամեաց իմոց եւ ուղիղ արա՛ առաջի իմ զճանապարհս քո, դու ունիս:

Փոխ. Ի տաճարի քում սրբութեան հանապազ ըզքեզ գովիմք, թագաւոր փառաց, որ ունիս իշխանութիւն կենաց եւ փրկութեան, ողորմեա՛ մեզ:

Հինգշաբթի.

Ապաշխարութեան արտասուս աւազան լինի, եւ լրւանայ զբազմութիւն մեղաց. սովաւ շնորհեա՛ յառաջ քան զվախճան քաւութիւն եւ զմեծ քո զողորմութիւն:

Սաղ. Ծարաւի է անձն իմ առ քեզ, Աստուած հօր եւ կենդանի. ե՞րբ եկից երեւեցայց երեսացոյ Աստուծոյ: Եղեն ինձ արտասուք իմ կերակուր ի տուէ եւ ի գիշերի եւ այն զի ասէին ցիս զօրհանապազ, թէ ո՞ր է Աստուած քո. սովաւ շնորհեա՛ յառաջ:

Փոխ. Յորժամ գաս փառօք Հօր յահագին աւուրն ի դատել զերկիր եւ դողան սարսափմամբ երկրածինքս ամենայն ի յահէ քումմէ, ի նստիլ քո յատենի դատաւոր ահեղ եւ յակնարկել քո յարարածս, յիշեա՛ եւ զիս զբազմամեղս, որ ընկղմեալս եմ յանցանօք բանսարկուին խաբմամբ եւ հայցեմ զաւազակին, Տէր, եւ զիս յիշեա՛, որ միայնդ ես փրկիչ:

Թ. Զիս, որ ի նաւի աշխարհի ալեկոծեն մեղք իմ. նաւահանգիստ ապաշխարութեան շնորհեա՛ ինձ բազումողորմ եւ կեցո՛:

Սաղ. Կեցո՛ զիս Աստուած, զի հասին ջուրք յանձն իմ. ընկլայ ես ի խորս անդնդոց ուր ոչ գոյ ինձ հանգիստ. նաւահանգիստ ապաշխարութեան:

Փոխ. Նաւապետ բարեգութ, առ քեզ ապաւինիմ. տուր ինձ ձեռն որպէս երբեմն Պետրոսին ի վերայ ալեացն, որ ծփիմս ալեկոծեալ յանցանօք մեղաց եւ կեցո՛:

Թ. Դու ես, Քրիստոս, աղբիւր կենաց, բոխումն ողորմութեան, շնորհեա՛ փրկիչ անձանց մերոց զթողութիւն մեղաց մերոց:

Սաղ. Ի քէն է, Տէր, աղբիւր կենաց եւ լուսով երեսաց քոց տեսանեմք զլոյս:

Ծագեա՛ զողորմութիւնս քո, որք ճանաչեն զքեզ. զարդարութիւն քո, ոյք ուղիղ են սրտիւք, շնորհեա՛ փրկիչ անձանց:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փոխ. Որ աղբիւրդ եւ ծարաւեաց եւ հանգիստ աշխատելոց, ճանապարհ մոլորելոց եւ հովի հոգեւոր բանաւոր հօտի. փափագողացս առ քեզ, Քրիստոս, լէ՛ր նաւահանգիստ եւ արբո՛ մեզ ծարաւեացս զբաժակ քո քաղցրութեան յանսպառ յաղբերէդ:

Ուրբաթ.

Ի տաճարի սրբութեան քում լուր Տէր ձայնի իմում. եւ աղաչանք իմ ժամանեցեն ի յականջըս քո, Տէ՛ր:

Սաղ. Լուաւ ինձ ի տաճարէ սրբոյ իւրմէ՛ ձայնի աղօթից իմոց եւ աղաղակ իմ առաջի նորա, մտցէ յականջըս նորա. եւ աղաչանօք:

Աղուհացի

Միայն աղուհացին ասա

Որ լուսատու եւ տիեզերաց Քրիստոս Աստուած. լուսաւորեա՛ զիմ զխաւարային խորհուրդս եւ կեցո՛:

Ննջեցելոց

Բաց յաղուհացէն ամենայն ուրբաթի ասա՛.

Օրհնեալ եւ, Տէ՛ր, եւ փառաւորեալ է քո անբաւ մարդասիրութիւնդ, զաղաչանքս մեր քեզ մատուցանեմք, որ թագաւորդ եւ յաւիտենից, զննջեցեալս մեր արժանի արա, Տէ՛ր, ընդունիլ ի կեանսդ յաւիտենից:

Թ. Արտասուս ինձ շնորհեա՛ ի յապաշխարութիւն Տէր, զի լուացից զմեղս անձին իմոյ որպէս պռոնիկն, աղաչեմ եւ կոցո՛:

Սաղ. Վաստակեցայ եւ ի հեծութեան իմում, լուացի զամենայն զիշեր զմահիճս իմ եւ արտասուօք իմովք զանկողինս իմ թացի, զի լուացից զմեղս:

Փոխ. Որ աղբիւրդ եւ անապական, Քրիստոս Աստուած, զվիրաւորեալ անձն իմ ի մեղաց բժշկեա՛, Տէ՛ր, բղիմամբ արտասուաց եւ կեցո՛:

Թ. Զմոլորեալ ծառայս ինդրեա՛, Տէ՛ր, եւ մի՛ դատապարտեր զիս ի յաւուրն այցելութեան քո մարդասէր:

Սաղ. Կեցցէ անձն իմ, օրհնեցէ քեզ եւ իրաւունք քո օգնեցեն ինձ: Մոլորեցայ եւ որպէս զոչխար կորուսեալ. ինդրեա՛ զծառայս քո, զի զպատուիրանս քո եւ ոչ մոռացայ, եւ մի՛ դատապարտեր:

Փոխ. Որ մոլորեցայ ի հօտէ քումմէ, հովիւ բարի, ինդրեա՛ զիս զմոլորեալս եւ արժանաւորեա՛ խառնիլ ի հօտ քո, Քրիստոս եւ կեցո՛:

ՄԱՐՏԻՐՈՍԱՑ ԸՍՏ ՈՒԹ ՁԱՅՆԻՑ

ԱԶ.

Թագաւոր յաիտեան.

Բարեխօսութեամբ սրբոց (*այս անուն*), աղաչեմք ըզքեզ. թողութիւն շնորհեա՛ յանցանաց մերոց. բարերար Քրիստոս:

Մաղ. Մերձ է Տէր առ այնոսիկ, որք մաշեալ են սրտիք, եւ զխոնարհս հոգւով կեցուցանէ: Բազում նեղութիւնք եւ արդարոց, յամենայնէ փրկէ զնոսա Տէր եւ պահէ զամենայն ոսկերս նոցա, եւ մի ի նոցանէ ոչ կորիցէ. թողութիւն:

Փոխ. Որ յաղթող զօրութեամբ ի հանդէս ճրգնաւորական անարատ պահեցեր զխոստովանող վկայս քո, Քրիստոս Աստուած, տո՛ր մեզ զօգնութիւն ի նեղութեան մերում՝ բարեխօսութեամբ սրբոց մարտիրոսաց եւ կեցո՛:

ԱԿ.

Թագաւոր յաիտեան.

Չողորմութիւն քո, Տէ՛ր, արա՛ ի մեզ. եւ բարեխօսութեամբ սրբոց (*այս անուն*) մի՛ կորուսաներ զմեզ. Երրորդութիւն սուրբ, ողորմեա՛ մեզ:

Մաղ. Փրկութիւն արդարոց ի Տեառնէ է. վերակացու է նոցա ի ժամանակս նեղութեան: Օգնեսցէ նոցա Տէր եւ փրկեսցէ զնոսա, ապրեցուցէ ի մեղաւորաց, եւ կեցուցէ զնոսա, զի յուսացան ի նա. եւ բարոխօսութեամբ:

Փոխ. Որք ըզտանջանս եւ զմահ վասն քո յանձն առին, եւ հեղին զարինսս իւրեանց վասն անուանըդ քո սրբոյ. բարեխօսութեամբ սոցա մի՛ կորուսաներ զմեզ, Երրորդ.:

ԲԶ.

Թագաւոր յաիտեան.

Բարեխօսութեամբ սրբոց (*այս անուն*) պարգեւեա՛ մեզ. Տէ՛ր, առնուլ մասն եւ բաժին ընդ հրաւիրեալսն ի կոչումն արքայութեան երկնից:

Մաղ. Սքանչելի է Աստուած ի վերայ սրբոց իւրոց՝ Աստուած Իսրայէլի: Նա տացէ զօրութիւն հաստատութեան ժողովրդեան իւրոյ, օրհնեալ է Աստուած. առնուլ մասն:

Փոխ. Մարտիրոսք երանեալք եւ փառաւորեալք, որք բազում տանջանացն համբերեցիք, դուք զլոյսն կենաց զգեցեալ ունիք եւ առ Քրիստոս վասն մեր բարեխօսեցէք:

ԲԿ.

Թագաւոր յաիտեան.

Դու ես Քրիստոս աղբիւր կենաց, բղխումն ողորմութեան. շնորհեցեր սրբոց (*այս անուն*), յաղթող ըզնահատակութիւն. հալածել ըզխաւարն եւ լուսաւորել զանձինս մեր:

Մաղ. Աստուած փառաւորեալ է ի խորհուրդս սրբոց իւրոց մեծ եւ ահաւոր ի վերայ այնոցիկ, որք շուրջ են զնովա:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Տէր Աստուած զօրութեանց. ո՞ նմանի քեզ. հրգօր ես դու, Տէ՛ր, եւ ճշմարտութիւն քո շուրջ է զքեւ: Շնորհեցեր սրբոց (այս անուն) յաղթող գնահատակութիւն հալածել զխաւարն եւ լուսա:

Փոխ. Որ շնորհօք սուրբ Հոգւոյն յաղթեցիք թըշնամոյն, երանեալ սուրբ վկայք Քրիստոսի. վասն ձեր տօնողացս հայցեցէք յԱստուծոյ զթողութիւն մեղաց:

Փոխ. Որ պսակիչդ էք պարծանաց ամենայն առաքինեաց. նախաշաւիղ եւ առաջնորդ կենացն յաւիտենից. ո՛վ սուրբ վրկայք՝ առ պսակիչըն սրբոց եւ վասն մեր բարեխօսեցէք. շնորհելով ողորմութիւն յանսպառ աղբերէն կենացն յաւիտենից:

ԳԶ.

Թագաւոր յաւիտեան.

Զճգնութիւն սրբոց (*այս անուն*) մարտիրոսացն բարեխօս ունիմք առ քեզ Քրիստոս, եւ աղաչեմք սոքօք շնորհեա՛ զթողութիւն յանցանաց, եւ ի կեանսըդ յաւիտենից նորոգեա՛ եւ կեցո՛:

Մաղ. Լոյս ծագեաց՝ ուղղոց սրտից եղև ուրախութիւն: Ուրախ եղերուք արդարք ի Տէր, եւ խոստովան եղերուք յիշատակի սրբութեան նորա. եւ աղաչեմք սոքօք շնորհեա՛ զթող:

Փոխ. Հանդիսացեալք ի մարտս պատերազմի՝ յաղթող գտայք սուրբ վկայք, քանզի ճանապարհի հորդեցիք մեզ յերկնային քաղաքն յԵրուսաղէմ. ընդ անմարմնոցն դասս փառաւորելով սուրբ զԵրրորդութիւնն:

ԳԿ.

Թագաւոր յաւիտեան.

Զճգնութիւն սրբոց (*այս անուն*) մարտիրոսացն բարեխօս ունիմք առ քեզ Քրիստոս, եւ աղաչեմք սոքօք շնորհեա՛ զթողութիւն յանցանաց մերոց, եւ ի կեանսըդ յաւիտենից նորոգեա՛ եւ կեցո՛:

Մաղ. Պատուական է առաջի Տեառն մահ սրբոց իւրոց. ո՛, Տէ՛ր, եւ ծառայ քո եմ, ծառայ եւ որդի աղախնոյ քո: Հատեր զկապանս իմ, քեզ մատուցից պատարագ օրհնութեան եւ զանուն Տեառն կարդացից, եւ աղաչեմք սոքօք շնոր:

Փոխ. Հանդիսացեալք ի մարտըս պատերազմի՝ յաղթող գտայք սուրբ վկայք, քանզի ճանապարհի հորդեցիք մեզ յերկնային քաղաքն յԵրուսաղէմ. ընդ անմարմնոցն դասս փառաւորելով սուրբ զԵրրորդութիւնն:

ԴԶ.

Թագաւոր յաւիտեան.

Որք ի խորանս սրբութեան եմք ժողովեալ օրհնել զքեզ Քրիստոս, աղաչանօք սրբոց (*այս անուն*) մարտիրոսաց զպաղատանս մեր մի՛ անտես առնէր. որ միայնդ եւ բազումողորմ թագաւոր փառաց Քրիստոս:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Մաղ. Մերձ է Տէր առ ամենեսեան, որք կարդան առ նա. առ ամենեսեան, որք կարդան առ նա ճշմարտութեամբ: Զկամս երկիւղածաց իւրոց առնէ Տէր. աղօթից նոցա լսէ եւ կեցուցանէ զնոսա. աղաչանօք սրբոցն (այս անուն) մարտիրոսացն զպաղատանս մեր մի՛ ան:

Մաղմուս Առաքելոց եւ Մարգարէից այս է:

Յորժամ առաքելոց եւ մարգարէից տօն լինի՝ նախ աւուր ձայնի թագաւոր յաւիտեանի առաջին տունն ասա՛ եւ ապա Ոչ են բանք եւ նահատակք եւ վկայք:

Մաղմ. Ոչ են բանք եւ ո՛չ են խօսք, որոց ո՛չ լսին ձայնք նոցա: Ընդ ամենայն երկիր ել բարբառ նոցա եւ մինչեւ ի ծագս աշխարհի են խօսք նոցա, աղաչանօք սրբոց:

Փոխ. Նահատակք եւ վկայք Քրիստոսի Աստուծոյ, ընդհանուր տիեզերաց քարոզք փրկութեան, որք զանձինս ձեր մատուցիք պատարագ եւ զենումն Աստուծոյ Հօր ի հոտ անուշից, ժողովելոցս ի կատարել գլխատակ անուան ձերոյ, բարեխօսեցէք առ Տէր վասն քաւութեան մեղաց մերոց:

ԴԿ.

Թագաւոր յաւիտեան.

Զերեքսրբեան տէրութիւնդ քո միաբան աղաչեմք լուր Տէր. աղաչանօք սրբոց (**այս անուն**) մարտիրոսաց ինայեա՛ ի մեզ եւ կեցո:

Մաղ. Ուրախ լիցին ամենեքեան, որք յուսացեալք են ի քեզ. յաւիտեան ցնծացեն եւ բնակեցիս դու ի նոսա: Պարծեսցին ի քեզ սիրելիք անուան քո. զի օրհնեսցես դու զարդարն, Տէ՛ր, որպէս զինու հաճութեամբ քով պսակեցեր զնոսա. աղաչանօք սրբոցն (այս անուն) մարտիրոսացն. ինայեա՛ ի մեզ եւ կեցո:

Փոխ. Տօնէ այսօր եկեղեցի սուրբ գլխատակս ձեր, սուրբ վկայք, որք զօրութեամբ սուրբ Հոգւոյն վանեցիք զպատերազմն չարին եւ ի կամարս լուսեղէնս թագաւորեալք օրհնել սուրբ զԵրրորդութիւնն:

Սրբոյն Ստեփաննոսի

Թագաւոր յաւիտեան.

Այսօր դասք հրեշտակաց ուրախանան ընդ ճրգնութիւն սրբոյն Ստեփաննոսի նախավկային. քանզի գոչէ եկեղեցի քո Քրիստոս՝ զյաղթանակ մարտ հեղման արեան սորա ի վերայ մեծի անուան քո Տէր:

Բազում համարձակութիւն է սորա առաջի Աստուծոյ ի ձեռն հեղման սուրբ արեանն իւրոյ. քանզի յօժարութեամբն մատնեաց զանձն իւր չարաչար եւ դառն տանջանաց, վասն մեծի անուանն Տեառն: Քանզի արհամարհելով անարգեաց զանցաւոր զկեանս աշխարհիս եւ փափագեաց յաւիտենական կենացն, եւ միշտ եւ հանապազ ուրախանայ ընդ Տեառն իւրոյ՝ յանքսպառ յուրախութիւնսն:

Քանզի գոչէ եկեղեցի քո Քրիստոս զյաղթանակ մարտ հեղման արեան սորա, ի վերայ մեծի անուան քո Տէր:

Փառքք Հօրն Էականի, Որդւոյն միածնի եւ ազատիչ սուրբ Հոգւոյն վայելէ:

Փառք պատիւ եւ իշխանութիւն, այժմ եւ միշտ եւ յաւիտեանս յաւիտենից ամէն:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Եւ յորժամ շարժին երկինք եւ երկիր ի յահէ փառաց Բանին Տեառն Աստուծոյ:
Յայնժամ նստուցանէ ընդ աջմէ իւրմէ զսիրելիս անուան իւրոյ ի լուսեղէն խորանսն
զուգաւորելով:

Ժամօրհնողն կամ Աւագերէցն ասացէ թիւ Այսօր դասք Հրեշտակաց ի յերկինս ուրախանան (մի տուն):

**ԱԼԷԼՈՒՔ
ԳԻՇԵՐԱՅԻՆՔ ՏԷՐՈՒՆԱԿԱՆ ՏՕՆԻՑ ԿԱՐԳԱԻ**

Ալելուք ճրագալուցի Ծննդեան.

Ալելուիա, ալելուիա, ալելուիա:

Առաքեաց զբանն իւր, եւ բժշկեաց զնոսա, եւ փրկեաց զնոսա յապականութենէ
իւրեանց: Խոստովան եղիցին Տեառն՝ ողորմութեանց նորա, եւ սքանչելեաց նորա որդիք
մարդկան. ալելուիա, ալելուիա, ալելուիա:

Փոխ. Իջցէ որպէս զանձրեւ ի վերայ գեղման. որպէս ցօղ, զի ցօղէ յերկիր: Ծագեցի յաւուրս
նորա արդարութիւն, բազում խաղաղութիւն, մինչեւ կատարեցի լուսինն:

Փառք եւ երկրպագութիւն Հօր եւ Որդոյ եւ Հոգւոյն սրբոյ. այժմ եւ միշտ եւ յաւիտեանս
յաւիտենից ալէ:

**ԱԼԷԼՈՒՔ
ԾՆՆԴԵԱՆ ՏԵԱՌՆ ՅԻՍՈՒՄԻ
ԸՍՏ ՈՒԹ ՁԱՅՆԻՑ**

ԱԶ.

Ալելուիա, ալելուիա, ալելուիա:

Տէր հովուեսցէ զիս եւ ինձ ինչ ո՛չ պակասեսցի: Ի վայրի դալարւոջ անդ բնակեցոյց զիս
եւ առ ջուրս հանգստեան սրնոյց զիս:

Փոխ. Ալէ: Իջցէ որպէս զանձրեւ ի վերայ գեղման, որպէս ցօղ զի ցօղէ յերկիր:

Ծագեցի յաւուրս նորա արդարութիւն. բազում խաղաղութիւն, մինչեւ կատարեցի
լուսինն:

Փառք եւ երկրպագութիւն Հօր եւ Որդոյ եւ Հոգւոյն սրբոյ. այժմ եւ միշտ եւ յաւիտեանս
յաւիտ:

Զկնի փառք եւ երկրպագութեան ամենայն տէրունական տօնի որ ԱԶ. յինի գրասք հրաշտակացն ասա:

Դասք հրեշտակաց օրհնեն զքեզ Քրիստոս, ալելուիա. մարդկան ազգ սաղմոսեն քեզ,
ալելուիա:

ԱԿ.

Ալելուիա, ալելուիա, ալելուիա:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Լուր դուստր եւ տէ՛ս, խոնարհեցո՛ գունկն քո. մոռա զժողովուրդ քո եւ գտուն հօր քո, զի ցանկացաւ թագաւոր գեղոյ քոյ: Սա ինքն է Տէր քո. երկրպագցես սմա, եւ դուստր Ծուրայ երկրպագցէ սմա, եւ պատարագօք զերեսս սորա պաշտեսցեն մեծամեծք ի ժողովրդոց:

Փոխ. Ալէ: Նա կարդասցէ առ իս՝ հայր իմ եւ դու. Աստուած ընդունող փրկութեան իմոյ: Ես անդրանիկ արարից զնա եւ բարձր քան զամենայն թագաւորս երկրի: Փառք եւ երկր. այժմ եւ. ալէ:

ԲԶ.

Ալէլուիա, ալէլուիա, ալէլուիա:

Իջցէ որպէս զանձրեւ ի վերայ գեղման, որպէս ցօղ զի ցօղէ յերկիր: Ծագեսցի յաւուրս նորա արդարութիւն իւր. առաջի ազգաց յայտնեաց զարդարութիւն իւր:

Փոխ. Ալէ: Յիշեաց ողորմութեամբ իւրով զՅակոբ, ճշմարտութեամբ իւրով գտունն Իսրայէլի, եւ տեսին ամենայն ծագք երկրի զփրկութիւն Աստուծոյ մերոյ: Փառք եւ երկր, այժմ եւ միշտ եւ յաւիտեանս յաւիտ:

ԲԿ.

Ալէլուիա, ալէլուիա, ալէլուիա:

Նա կարդասցէ առ իս՝ հայր իմ եւ դու, Աստուած ընդունող փրկութեան իմոյ: Ես անդրանիկ արարից զնա եւ բարձր քան զամենայն թագաւորս երկրի:

Փոխ. Ալէ: Ընդ քեզ է սկիզբն աւուրն զօրութեան, ի վայելչութիւն սրբոց քոց յարգանդէ յառաջ քան զարուսեակ ծնայ զքեզ: Երդուաւ Տէր եւ ո՛չ եւս զղջացի. թէ դու եւ քահանայ յաւիտեան ըստ կարգին Մելքիսեդեկի եւ Տէր ընդ աջմէ քումմէ: Փառք եւ երկր. այժմ եւ. ալէլուիա:

ԳԶ.

Ալէլուիա, ալէլուիա, ալէլուիա:

Եցոյց Տէր զփրկութիւն իւր. առաջի ազգաց յայտնեաց զարդարութիւն իւր: Յիշեաց ողորմութեամբ իւրով զՅակովբ. ճշմարտութեամբ իւրով գտունն Իսրայէլի, եւ տեսին ամենայն ծագք երկրի զփրկութիւն Աստուծոյ մերոյ:

Փոխ. Ալէ: Յիշեա, Տէր, զԴաւիթ եւ զամենայն հեգութիւն նորա: Որպէս երդուաւ Տեառն եւ ուխտս եղ Աստուծոյ Յակոբայ: Փառք եւ երկր. այժմ եւ ալէլուիա:

ԳԿ.

Ալէլուիա, ալէլուիա, ալէլուիա:

Ընդ քեզ է սկիզբն աւուրն զօրութեան, ի վայելչութիւն սրբոց քոց յարգանդէ յառաջ քան զարուսեակ ծնայ զքեզ:

Երդուաւ Տէր եւ ո՛չ եւս զղջացի, թէ դու եւ քահանայ յաւիտեան ըստ կարգին Մելքիսեդեկի, եւ Տէր ընդ աջմէ քումմէ:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փոխ. Ալէ: Տէր ասաց զիս. որդի իմ ես դու եւ ես այսօր ծնայ զքեզ: Խնդրեայ յինէն եւ տաց քեզ զհեթանոսս ի ժառանգութիւն եւ իշխանութիւն քեզ ընդ ամենայն ծագս երկրի: Փառք եւ երկր. այժմ եւ ակելուիս:

ԴԶ.

Ալէլուիա, ալէլուիա, ալէլուիա:

Յիշեալ, Տէր, զԴաւիթ եւ զամենայն հեգութիւն նորա: Որպէս երդուաւ Տեառն եւ ուխտս եղ Աստուծոյ Յակովբայ:

Փոխ. Ալէ: Տէր հովուեսցէ զիս եւ ինձ ինչ ո՛չ պակասեսցի: Ի վայրի դալարոց անդ բնակեցոյց զիս, եւ առ ջուրս հանգստեան սնոյց զիս:

Փառք եւ երկր. այժմ եւ. ակելուիս:

ԴԿ.

Ալէլուիա, ալէլուիա, ալէլուիա:

Տէր ասաց ցիս, որդի իմ ես դու եւ ես այսօր ծնայ զքեզ: Խնդրեայ յինէն եւ տաց քեզ զհեթանոսս ի ժառանգութիւն. եւ իշխանութիւն քեզ ընդ ամենայն ծագս երկրի:

Փոխ. Ալէ: Լուր դուստր եւ տե՛ս. խոնարհեցո՛ զունկն քո, մոռա՛ զժողովուրդ քո եւ զտունն հօր քո, զի ցանկացաւ թագաւոր գեղոյ քո: Սա ինքն է Տէր քո, երկրպագցես սմա, եւ դուստր Ծուրայ երկրպագցէ սմա, եւ պատարագօր զերեսս սորա պաշտեսցեն մեծամեծք ի ժողովրդոց:

Փառք եւ երկր. այժմ եւ ակելուիս:

ԱԼԷԼՈՒԻԱ Ի ՏՕՆԻ ՔԱՌԱՄԼՕՐԵԱՅ ԳԱԼՍԵԱՆ ՔՐԻՍՏՈՍԻ ԱՍՏՈՒԾՈՅ ՄԵՐՈՅ Ի ՏԱՃԱՐՆ

Ալէլուիա, ալէլուիա, ալէլուիա:

Օրհնեալ եկեալ յանուն Տեառն. օրհնեալ որ գալոց ես: Տէր Աստուած մեր երեւցաւ մեզ. արարէք տօնս ուրախութեան կանխաւ մինչեւ յանկիւնս սեղանոյ:

Փոխ. Ալէ: Տէր ի տաճար սուրբ իւրում, Տէր յերկինս յաթոռ իւրում: Աչք նորա ի տնանկս հային. արտեւանունք նորա քննեն զորդիս մարդկան:

Փառք եւ երկր. այժմ եւ. ակելուիս:

ԱԼԷԼՈՒՔ ՅԱՐՈՒԹԵԱՆ ՔՐԻՍՏՈՍԻ

ԸՍՏ ՈՒԹ ՁԱՅՆԻՑ

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ԱԶ.

Ալելուիա, ալելուիա, ալելուիա:

Ողորմութեամբ Տեառն լի եղև երկիր, եւ բանիւ Տեառն երկինք հաստատեցան: Եւ հոգւով բերանոյ նորա ամենայն զօրութիւնք նոցա:

Փոխ. Ալէ: Յարեաւ Աստուած եւ ցրուեցան ամենայն թշնամիք նորա: Փախեան ատելիք նորա յերեսաց նորա:

Փառք եւ երկր. այժմ եւ. ալելուիա:

ԱԿ.

Ալելուիա, ալելուիա, ալելուիա:

Ծափս հարէք ամենայն հեթանոսք, աղաղակեցէ՛ք առ Աստուած ի ձայն ցընծութեան:

Տէր բարձրեալ եւ ահարկու. թագաւոր մեծ ի վերայ ամենայն երկրի:

Փոխ. Ալէ: Հաճեցար Տէր ընդ երկիր քո եւ դարձուցեր զգերութիւն Յակովբայ:

Թողեր զանիրաւութիւն ժողովրդեան քո եւ ծածկեցեր զամէ նայն մեղս նոցա:

Փառք եւ երկր. այժմ եւ. ալելուիա:

ԲԶ.

Ալելուիա, ալելուիա, ալելուիա:

Յարեաւ Աստուած եւ ցրուեցան ամենայն թշնամիք նորա: Փախեան ատելիք նորա յերեսաց նորա:

Փոխ. Ալէ: Տէր թագաւորեաց զվայելչութիւն զգեցաւ. զգեցաւ Տէր զօրութիւն ընդ մէջ իւր էած:

Փառք եւ երկր. այժմ եւ. ալելուիա:

ԲԿ.

Ալելուիա, ալելուիա, ալելուիա:

Տէր թագաւորաց զվայելչութիւն զգեցաւ. զգեցաւ Տէր զօրութիւն ընդ մէջ իւր էած:

Փոխ. Ալէ: Գովեա՛, Երուսաղէմ՛, զՏէր, եւ օրհնեա՛ զԱստուած քո Սիօն: Զի զօրացոյց զնիզս դրանց քոց, եւ օրհնեաց զորդիս քո ի քեզ:

Փառք եւ երկր. այժմ եւ. ալելուիա:

ԳԿ.

Ալելուիա, ալելուիա, ալելուիա:

Օրհնեցէ՛ք մանկունք զՏէր եւ օրհնեցէ՛ք զանուն Տեառն: Եղիցի անուն Տեառն օրհնեալ յայսմհետէ մինչեւ յաւիտեան:

Փոխ. Ալէ: Կենդանի է Տէր եւ օրհնեալ է Աստուած. եւ բարձր եղիցի Աստուած փրկութեան իմոյ: Աստուած է, որ խնդրէ զվրէժ իմ, եւ հնազանդ առնէ զժողովուրդս ընդ ինեւ:

Փառք եւ երկր. այժմ եւ. ալելուիա:

ԴԶ.

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ալելուիա, ալելուիա, ալելուիա:

Գովեա՛, Երուսաղեմ, զՏէր, եւ օրհնեա՛ զԱստուած քո, Սիօն: Զի զօրացոյց զնիզս դրանց քոց, եւ օրհնեաց զորդիս քո ի քեզ:

Փոխ. Ալէ: Ողորմութեամբ Տեառն լի եղեւ երկիր եւ բանիւ Տեառն երկինք հաստատեցան: Եւ հոգւով բերանոյ նորա ամենայն զօրութիւնք նոցա:

Փառք եւ երկր. այժմ եւ. ալելուիա:

ԴԿ.

Ալելուիա, ալելուիա, ալելուիա:

Կենդանի է Տէր եւ օրհնեալ է Աստուած, եւ բարձր եղիցի Աստուած փրկութեան իմոյ:

Աստուած է, որ խնդրէ զվրեժ իմ եւ հնազանդ առնէ զժողովուրդս ընդ ինեւ:

Փոխ. Ալէ: Ծափս հարէք, ամենայն հեթանոսք. աղաղակեցէ՛ք առ Աստուած ի ձայն ցնծութեան: Տէր բարձրեալ եւ ահարկու. թագաւոր մեծ ի վերայ ամենայն երկրի:

Փառք եւ երկր. այժմ եւ. ալելուիա:

ԱԼԷԼՈՒՔ

ՀԱՄԲԱՐՁՄԱՆՆ ՔՐԻՍՏՈՍԻ ՏԵԱՌՆ ՄԵՐՈՅ

ԱԶ.

Ալելուիա, ալելուիա, ալելուիա:

Համբարձէ՛ք, իշխանք, զորունս ձեր ի վեր. համբարձցին դրունք յաւիտենից եւ մտցէ թագաւոր փառաց: Ո՞վ է սա թագաւոր փառաց. Տէր հզօր զօրութեամբ իւրով, Տէր կարող ի պատերազմի:

Փոխ. Ալէ: Կառք Աստուծոյ բիրապատիկք, հազարք ուղղիչք եւ Տէր ի նոսա ի Սինէ սրբութեան իւրոյ: Ել ի բարձունս եւ զերեաց զգերութիւն. էառ աւար, բաշխեաց պարգէւս եւ ետ որդւոց մարդկան:

Փառք եւ երկր. այժմ եւ. ալելուիա:

ԱԿ.

Ալելուիա, ալելուիա, ալելուիա:

Համբարձաւ Աստուած օրհնութեամբ եւ Տէր մեր ձայնիւ փողոյ:

Սաղմոս ասացէք Աստուծոյ մերում, սաղմոս ասացէք թագաւորին մերում. սաղմոս ասացէք:

ՈՐ ԿԱՏԱՐԻ Ի ՄԷՁ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փոխ. Ալէ: Որ հովուեաղ Իսրայելի՝ նայեաց որ առաջնորդես որպէս խաշին Յովսէփու:
Որ նստիսդ ի քրօքէս՝ յայտնեաց առաջի Եփրեմի, Բենիամինի եւ Մանասէի:
Փառք եւ երկր. այժմ եւ. ալէլուիա:

ԲԶ.

Ալէլուիա, ալէլուիա, ալէլուիա:

Կառք Աստուծոյ բիրապատիկք, հազարք ուղղիչք եւ Տէր ի նոսա ի Սինէ սրբութեան
իւրոյ: Ել ի բարձունս եւ գերեաց զգերութիւն. էառ աւար, բաշխեաց պարգևս եւ ետ որդւոց
մարդկան:

Փոխ. Ալէ: Ո՛ղնէ յամպս զգնացս իւր, եւ շրջի նա ի վերայ թեւոց հողմոց:

Խոստովանութիւն եւ մեծ վայելչութիւն զգեցար. արկեր զլոյս որպէս զօթոց. ձգեցեր
գերկինս որպէս զխորան, եւ արկեր ի վերայ ջուրց զվերնայարկս նորա:

Փառք եւ երկր. այժմ եւ միշտ եւ:

ԲԿ.

Ալէլուիա, ալէլուիա, ալէլուիա:

Որ հովուեաղ Իսրայելի՝ նայեաց որ առաջնորդես որպէս խաշին Յովսէփու: Որ նստիսդ
ի քրօքէս՝ յայտնեաց առաջի Եփրեմի, Բենիամինի եւ Մանասէին:

Փոխ. Ալէ: Մեծ եղև մինչև յերկինս ողորմութիւն քո. մինչև յամպս ճշմարտութիւն քո:

Բարձրեալ ես դու յերկինս Աստուած, եւ յամենայն երկրի են փառք քո:

Փառք եւ երկր. այժմ եւ միշտ եւ:

ԳԶ.

Ալէլուիա, ալէլուիա, ալէլուիա:

Ո՛ղնէ յամպս զգնացս իւր, եւ շրջի նա ի վերայ թեւոց հողմոց: Խոստովանութիւն եւ մեծ
վայելչութիւն զգեցար. արկեր զլոյս որպէս զօթոց. ձգեցեր գերկինս որպէս զխորան, եւ արկեր
ի վերայ ջուրց զվերնայարկս նորա:

Փոխ. Ալէ: Տէր, խոնարհեցո՛ղ գերկինս եւ էջ. մերձեա՛ ի լերինս եւ ծխեսցին: Փայլեա՛
փայլատակունս քո եւ խոռվեա՛ զնոսա. առաքեա՛ զնետս քո եւ ցրուեա՛ զնոսա:

Փառք եւ երկր. այժմ եւ միշտ եւ:

ԳԿ.

Ալէլուիա, ալէլուիա, ալէլուիա:

Մեծ եղև մինչև յերկինս ողորմութիւն քո. մինչև յամպս ճշմարտութիւն քո:

Բարձրեալ ես դու յերկինս, Աստուած, եւ յամենայն երկրի են փառք քո:

Փոխ. Ալէ: Խոնարհեցոյց գերկինս եւ էջ, եւ մեզ ի ներքոյ ոտից նորա: Ել ի քրօքէս եւ
թռեաւ. սլացաւ նա ի թելքս հողմոց:

Փառք եւ երկր. այժմ եւ միշտ եւ:

ԴԶ.

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ալելուիա, ալելուիա, ալելուիա:

Յերեսաց նորա ելցեն հարուածք եւ զհետ շաղաց նորա երթիցեն մեծամեծք ի թոչնոց:

Լերինք հալեացին եւ անտառք վատնեցին. ճանապարհք, որք ի սկզբանէ էին

կուրասցին, եւ ի նմանէ դողացին ամենայն երկիր:

Փոխ. Ալէ: Համբարձէք, իշխանք, զդրունս ձեր ի վեր. համբարձցին դրունք յաւիտենից եւ մտցէ թագաւոր փառաց: Ո՞վ է սա թագաւոր փառաց. Տէր հզօր զօրութեամբ իւրով, Տէր կարող ի պատերազմի:

Փառք եւ երկր. այժմ եւ միշտ եւ:

ԴԿ.

Ալելուիա, ալելուիա, ալելուիա:

Խոնարհեցոյց զերկինս եւ էջ, եւ մէզ ի ներքոյ ոտից նորա: Ել ի քրօբէս եւ թռեալ.

սլացաւ նա ի թելըս հողմոց:

Փոխ. Ալէ: Համբարձաւ Աստուած օրհնութեամբ եւ Տէր մեր ձայնիւ փողոյ: Սաղմոս ասացէք Աստուծոյ մերում, սաղմոս ասացէք թագաւորին մերում. սաղմոս ասացէք:

Փառք եւ երկր. այժմ եւ միշտ եւ:

ԱԼԷԼՈՒՔ

ՀՈԳԻՈՅՆ ՍՐԲՈՅ ԳԱԼՍԵԱՆՆ

ԸՍՏ ՈՒԹ ՁԱՅՆԻՑ

ԱԶ.

Ալելուիա, ալելուիա, ալելուիա:

Յանկալի է նա քան զոսկի եւ քան զականս պատուականս բազումս. քաղցր է նա քան զմեղու խորիսիս: Քանզի ծառայ քո պահեցէ զայս. ի պահել նմա զհատուցումն բազում:

Փոխ. Ալէ: Թեւք աղանոյ արծաթապատ, եւ թիկնամէջ նորա ի գոյն ոսկւոյ: Ի գումարել երկնաւորին զթագաւորս ի վերայ նորա ձինասցին ի Սաղմօն:

Փառք եւ երկր. այժմ եւ միշտ եւ:

ԱԿ.

Ալելուիա, ալելուիա, ալելուիա:

Զսիրտ սուրբ հաստատեա՛ յիս, Աստուած, եւ զհոգի ուղիղ նորոգեա՛ ի փորի իմում:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Մի՛ ընկենուր զիս, Տէ՛ր, յերեսաց քոց, եւ զհոգի քո սուրբ մի՛ հաներ յինէն:

Փոխ. Ալէ: Գտի զԴաւիթ ծառայ իմ եւ իւղով սրբով իմով օծի զնա:

Ձեռն իմ ընկալցի զնա եւ բազուկ իմ զօրացուցէ զնա:

Փառք եւ երկր. այժմ եւ միշտ եւ:

ԲԶ.

Ալէլուիա, ալէլուիա, ալէլուիա:

Թեւք աղանոյ արծաթապատ, եւ թիկնամէջ նորա ի գոյն ոսկւոյ:

Ի գումարել երկնաւորին զթագաւորս ի վերայ նորա, ձիւնացին ի Սաղմօն:

Փոխ. Ալէ: Առաքես զոգի քո եւ ստանաս զնոսա, նորոգես զերեսս երկրի: Եղիցին փառք

Տեառն յաւիտեան, եւ Տէր ուրախ եղիցի յարարածս իւր:

Փառք եւ երկր. այժմ եւ միշտ եւ:

ԲԿ.

Ալէլուիա, ալէլուիա, ալէլուիա:

Գտի զԴաւիթ ծառայ իմ, եւ իւղով սրբով իմով օծի զնա:

Ձեռն իմ ընկալցի զնա եւ բազուկ իմ զօրացուցէ զնա:

Փոխ. Ալէ: Յայտնութիւն բանից քոց լուսաւոր է, եւ իմաստուն առնէ զտղայս: Ջրերան իմ բացի եւ առի զհոգի. ի պատուիրանս քո փափագեաց անձն իմ:

Փառք եւ երկր. այժմ եւ միշտ եւ:

ԳԶ.

Ալէլուիա, ալէլուիա, ալէլուիա:

Առաքես զոգի քո եւ ստանաս զնոսա. եւ նորոգես զերեսս երկրի:

Եղիցին փառք Տեառն յաւիտեան եւ Տէր ուրախ եղիցի յարարածս իւր:

Փոխ. Ալէ: Հոգի քո սուրբ եւ բարի առաջնորդեսցի ինձ ի յերկիր ուղիղ: Վասն անուան քո, Տէր կեցուցես զիս. արդարութեամբ քո հանցես ի նեղութենէ զանձն իմ:

Փառք եւ երկր. այժմ եւ միշտ եւ:

ԳԿ.

Ալէլուիա, ալէլուիա, ալէլուիա:

Ջրերան իմ բացի եւ առի զհոգի. ի պատուիրանս քո փափագեաց անձն իմ:

Նայեաց առ իս եւ ողորմեա՛ ինձ, ըստ իրաւունս սիրողաց անուան քո:

Փոխ. Ալէ: Ի սաստէ քումմէ Տէր եւ ի շընչել հոգւոյ բարկութեան քո: Առաքեաց ի բարձանց եւ ընկալաւ զիս. ընկալաւ զիս ի ջուրց բազմաց:

Փառք եւ երկր, այժմ եւ միշտ եւ:

ԴԶ.

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ալելուիա, ալելուիա, ալելուիա:

Որպէս իւղ, զի իջանէ ի գլուխ եւ ի մօրուսն Ահարօնի եւ ի մօրուացն իջանէ ի գրպանս զգեստու նոքա: Որպէս ցօղ ի ցօղի ի Հերմօնէ ի վերայ լերին Սիօնի:

Փոխ. Ալէ: Ի վայրի դալարուջ անդ բնակեցոյց զիս եւ առ ջուրս հանգստեան սնոյց զիս:

Դարձոյց զանձն առ իս, եւ առաջնորդեաց ինձ ի ճանապարհս արդարութեան վասն անուան իւրոյ:

Փառք եւ երկր. այժմ եւ միշտ եւ:

ԴԿ.

Ալելուիա, ալելուիա, ալելուիա:

Ի սաստէ քումմէ Տէր, եւ ի շրնչել հոգոյ բարկութեան քո: Առաքեաց ի բարձանց եւ ընկալաւ զիս. ընկալան զիս ի ջուրց բազմաց:

Փոխ. Ալէ: Չսիրտ սուրբ հաստատեա՛ յիս, Աստուած, եւ զհոգի ուղիղ նորոգեա՛ ի փորի իմում: Մի ընկենուր զիս, Տէր, յերեսաց քոց եւ զհոգի քո սուրբ մի՛ հաներ յինէն:

Փառք եւ երկր. այժմ եւ միշտ եւ:

**ԱԼԷԼՈՒՔ
ՍՐԲՈՅ ԽԱՉԻ**

ԸՍՏ ՈՒԹ ՉԱՅՆԻՑ

ԱԶ.

Ալելուիա, ալելուիա, ալելուիա:

Ցուպ քո եւ զաւագան՝ նոքա մխիթարեցեն զիս: Պատրաստ արարեր առաջի իմ զսեղան ակն յանդիման նեղաց իմոց:

Փոխ. Ալէ: Ետուր երկիւղածաց քոց նշան, զի ապրեցին յերեսաց աղեղան: Որպէս փրկեցան սիրելիք քո, կեցո՛ աջով քով եւ լո՛ւր մեզ:

Փառք եւ երկր. այժմ եւ միշտ եւ:

ԱԿ.

Ալելուիա, ալելուիա, ալելուիա:

Նետք քո սրեալ են հօր, եւ ժողովուրդք ի ներքոյ քո անկցին ի՛ սիրտս թըշնամեաց թագաւորի: Աթոռ քո, Աստուած, յաւիտեանս յաւիտենից, զաւագան ուղղութեան զաւագան արքայութեան քո:

Փոխ. Ալէ: Տո՛ւր զօրութիւն ծառայի քոյ. կեցո՛ զորդի աղախնոյ քոյ. եւ արա սո իս նշան բարութեան: Տեսցեն ատելիք իմ եւ ամաչեցեն. զի դու, Տէ՛ր, օգնեցեր ինձ եւ մխիթարեցեր զիս:

Փառք եւ երկր. այժմ եւ միշտ եւ:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

ԲԶ.

Ալելուիա, ալելուիա, ալելուիա:

Ետուր երկիւղածաց քոց նշան, զի ապրեցին յերեսաց աղեղան: Որպէս փրկեցան սիրելիք քո. կեցո՛ւ աջով քով եւ լո՛ւր մեզ:

Փոխ. Ալէ: Դու պատրաստեցեր զուղղութիւն, զիրաւունս եւ զարդարութիւն Յակովբայ դու արարեր: Բարձր արարէք զՏէր Աստուած մեր. երկիրպագէք պատուանդանի ոտից նորա, զի սուրբ է:

Փառք եւ երկր. այժմ եւ միշտ եւ:

ԲԿ.

Ալելուիա, ալելուիա, ալելուիա:

Տո՛ւր զօրութիւն ծառայի քո, կեցո՛ւ զորդի աղախնոյ քո, եւ արա՛ւ առ իս նշան բարութեան: Տեսցեն ասելիք իմ եւ ամաչեսցեն, զի դու, Տէ՛ր, օգնեցեր ինձ եւ մխիթարեցեր զիս:

Փոխ. Ալէ: Ասաց Տէր ցՏէր իմ. նիստ ընդ աջմէ իմմէ, միչեւ եղից զթշնամիս քո պատուանդան ոտից քոց: Գաւազան զօրութեան առաքեսցէ քեզ Տէր ի Սիօնէ եւ տիրեսցես դու ի մէջ թշնամեաց քոց:

Փառք եւ երկր. այժմ եւ միշտ եւ:

ԳԶ.

Ալելուիա, ալելուիա, ալելուիա:

Դու պատրաստեցեր զուղղութիւն. զիրաւունս եւ զարդարութիւն Յակովբայ դու արարեր: Բարձր արարէք զՏէր Աստուած մեր. երկրպագէք պատուանդանի ոտից նորա, զի սուրբ է:

Փոխ. Ալէ: Յայտնեսցեն երկինք զվայելչութիւն փառաց նորա, եւ օրհնութեամբ նորա լցան տիեզերք:

Ճառագայթ որպէս ի լուսոյ հատան ի նմանէ եւ եղջիրք ի ձեռին նորա գտան, եւ անդ հաստատեցաւ զօրութիւն փառաց նորա:

Փառք եւ երկր. այժմ եւ միշտ եւ:

ԳԿ.

Ալելուիա, ալելուիա, ալելուիա:

Ասաց Տէր ցՏէր իմ նիստ ընդ աջմէ իմմէ, միչեւ եղից զթշնամիս քո պատուանդան ոտից քոց: Գաւազան զօրութեան առաքեսցէ քեզ ի Սիօնէ, եւ տիրեսցես դու ի մէջ թշնամեաց քոց:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փոխ. Ալէ: Նշանեցաւ առ մեզ լոյս երեսաց քոց. եւ ետուր ուրախութիւն սրտից մերոց: Ի պտղոյ ցորենոյ, գինոյ եւ ձիթոյ իւրեանց լցուցեր զնոսա:

Փառք եւ երկր. այժմ եւ միշտ եւ:

ԴԶ.

Ալէլուիա, ալէլուիա, ալէլուիա:

Յայտնեցեր երկինք զվայելչութիւն փառաց նորա, եւ օրհնութեամբ նորա լցան տիեզերք:

Ճառագայթ որպէս ի լուսոյ հատան ի նմանէ, եւ եղջիրք ի ձեռին նորա գտան, եւ անդ հաստատեցաւ զօրութիւն փառաց նորա:

Փոխ. Ալէ: Տուպ քո եւ գաւազան՝ նոքա մխիթարեցեն զիս: Պատրաստ արարեր առաջի իմ զսեղան ակն յանդիման նեղչաց իմոց:

Փառք եւ երկր. այժմ եւ միշտ եւ:

ԴԿ.

Ալէլուիա, ալէլուիա, ալէլուիա:

Նշանեցաւ առ մեզ լոյս երեսաց քոց, եւ ետուր ուրախութիւն սրտից մերոց:

Ի պտղոյ ցորենոյ, գինոյ եւ ձիթոյ իւրեանց լցուցեր զնոսա:

Փոխ. Ալէ: Նետք քո սրեալ են հզօր եւ ժողովուրդք ի ներքոյ քոյ անկցին ի սիրտս թըշնամեաց թագաւորի: Աթոռ քո, Աստուած, յաւիտեանս յաւիտենից. գաւազան ուղղութեան, գաւազան արքայութեան քո:

Փառք եւ երկր. այժմ եւ միշտ եւ:

**ԱԼԷԼՈՒՔ
ՄՐԲՈՅ ԵԿԵՂԵՑԻՈՅ**

ԸՍՏ ՈՒԹ ԶԱՅՆԻՑ

ԱԶ.

Ալէլուիա, ալէլուիա, ալէլուիա:

Լըսել ինձ զձայն օրհնութեան քո, եւ պատմել զամենայն սքանչելիս քո: Տէ՛ր, սիրեցի զվայելչութիւն տան քո, եւ զտեղի յարկի փառաց քոց:

Փոխ. Ալէ: Երանի գոր ընտրեցեր եւ ընկալար եւ բնակեցին ի գաւիթս քո: Լըցցուք մեք ի բարութենէ տան քո. սուրբ է տաճար քո սքանչելի արդարութեամբ:

Փառք եւ երկր. այժմ եւ միշտ եւ:

ԱԿ.

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ալելուիա, ալելուիա, ալելուիա:

Մեծ է Տէր եւ օրհնեալ է յոյժ. ի քաղաք Աստուծոյ մերոյ ի լեառն սուրբ նորա:

Հաստարմատ ցնծասցէ ցնծութեամբ ամենայն երկիր, լերինք Սիօնի կողմանք հիւսիսոյ քաղաք թագաւորի մեծի:

Փոխ. Ալէ: Հիմունք նորա ի լեառն սուրբ նորա, սիրէ Տէր զդրունս Սիօնի առաւել քան զամենայն յարկսն Յակովբայ: Փառաւորեալն խօսեցաւ վասն քոյ, ահաւաղիկ քաղաքդ Աստուծոյ:

Փառք եւ երկր. այժմ եւ միշտ եւ:

ԲԶ.

Ալելուիա, ալելուիա, ալելուիա:

Երանի զոր ընտրեցեր եւ ընկալար եւ բնակեցին ի գաւիթս քո: Լըցցուք մեք ի բարութենէ տան քո. սուրբ է տաճար քո սքանչելի արդարութեամբ:

Փոխ. Ալէ: Դո՛ւ, Տէր, յաւիտեան կաս, եւ յիշատակ քո յազգէ մինչեւ յազգ:

Դու յարուցեալ գթասցիս ի վերայ Սիօնի, ժամանակ գթալոյ նորա հասեալ է ժամ:

Փառք եւ երկր. այժմ եւ միշտ եւ:

ԲԿ.

Ալելուիա, ալելուիա, ալելուիա:

Հիմունք նորա ի լեառն սուրբ նորա. սիրէ Տէր զդրունս Սիօնի առաւել քան զամենայն յարկսն Յակովբայ: Փառաւորեալն խօսեցաւ վասն քո. ահաւաղիկ քաղաքդ Աստուծոյ:

Փոխ. Ալէ: Այսօր է արար Տէր, եկայք ցնծասցուք եւ ուրախ եղիցուք ի սմա:

Ի Տեառնէ եղեւ այս. եւ է սքանչելի առաջի աչաց մերոց:

Փառք եւ երկր. այժմ եւ միշտ եւ:

ԳԶ.

Ալելուիա, ալելուիա, ալելուիա:

Դու, Տէր, յաւիտեան կաս եւ յիշատակ քո յազգէ մինչեւ յազգ: Դու յարուցեալ գթասցիս ի վերայ Սիօնի. ժամանակ գթալոյ նորա հասեալ է ժամ:

Փոխ. Ալէ: Խոստովան եղէք քեզ, Տէր, բոլորով սրտիւ իմով. առաջի հրեշտակաց սաղմոս ասացից քեզ: Զի լուար զբանս բերանոյ իմոյ. երկրպագից ի տաճար սուրբ քո եւ խոստովան եղէք անուան քում, վասն ողորմութեան քո:

Փառք եւ երկր. այժմ եւ միշտ եւ:

ԳԿ.

Ալելուիա, ալելուիա, ալելուիա:

Այսօր է զոր արար Տէր. եկայք ցնծասցուք եւ ուրախ եղիցուք ի սմա:

Ի Տեառնէ եղեւ այս, եւ է սքանչելի առաջի աչաց մերոց:

Փոխ. Ալէ: Տէր, ո՞վ կացցէ ի խորանի քում. կամ ո՞վ բնակեցի ի լեառն սուրբ քո: Որ գնայ անբիծ, գործէ զարդարութիւն, խօսի զճշմարտութիւն ի սրտի իւրում:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փառք եւ երկր. այժմ եր միշտ եւ:

ԴԶ.

Ալելուիա, ալելուիա, ալելուիա:

Ուրախ եղէ եւ ոյք ասէին ցիս ի տուն Տեանն երթիցուք մեք: Հասեալ կային ոտք մեր առ դրունս քո Երուսաղէմ:

Փոխ. Ալէ: Լսել ինձ զձայն օրհնութեան քո եւ պատմել զամենայն սքանչելիս քո: Տէր, սիրեցի զվայելչութիւն տան քո, եւ զտեղի յարկի փառաց քոց:

Փառք եւ երկր. այժմ եւ միշտ եւ:

ԴԿ.

Ալելուիա, ալելուիա, ալելուիա:

Տէր, ո՞վ կաց է ի խորանի քում. կամ ո՞վ բնակեցի ի լեանն սուրբ քո: Որ գնայ անբիծ գործէ զարդարութիւն, խօսի զճշմարտութիւն ի սրտի իւրում:

Փոխ. Ալէ: Մեծ է Տէր եւ օրհնեալ է յոյժ. ի քաղաք Աստուծոյ մերոյ ի լեանն սուրբ նորա: Հաստարմատ ցնծասցէ ցնծութեամբ ամենայն երկիր. լերինք Սիօնի, կողմանք հիւսիսոյ ի քաղաք թագաւորին մեծի:

Փառք եւ երկր. այժմ եւ միշտ եւ:

ԱԼԷԼՈՒՔ

Ի ՏՕՆԻ ՀՐԵՇՏԱԿԱՊԵՏԱՅ

Ալելուիա, ալելուիա, ալելուիա:

Ո՞ւր արար զհրեշտակս իւր յոգիս, եւ զպաշտօնեայս իւր ի հուր կիզելոյ: Հաստատեաց զերկիր ի վերայ հաստատութեան իւրոյ, զի մի՛ սասանեցի յաւիտեան:

Փոխ. Ալէ: Օրհնեցէք զՏէր յերկինս. օրհնեցէք զնա ի բարձանց: Օրհնեցէք զնա ամենայն հրեշտակք նորա. օրհնեցէք զնա ամենայն զօրութիւնք նորա:

Փառք եւ երկր. այժմ եւ. ալէ:

Դասք հրեշտակաց օրհնեն զքեզ, Քրիստոս, ալելուիա. մարդկան ազգ սաղմոսն քեզ ալելուիա:

Կցորդ

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Թագաւոր յաւիտեան: Երկինք երկնից եւ ջուրք որ ի վերոյ քան զերկինս. օրհնեցէ՛ք զանուն Տեառն: Զի նա ասաց եւ եղեն, հրամայեաց եւ հաստատեցան եւ հրեշտակք ի:

Փոխ. Երկինք եւ երկիր հանապազ զքեզ գովեն, թագաւոր փառաց. սերովբէք ի խոնարհ ունիլով զդէմս իւրեանց եւ միաձայն բարբառովն աղաղակեն եւ ասեն. սուրբ, սուրբ, սուրբ, Տէր զօրութեանց:

**ԱԼԷԼՈՒԻԱ
ՂԱԶԱՐՈՒ ՅԱՐՈՒԹԵԱՆՆ**

ԱԶ.

Ալելուիա, ալելուիա, ալելուիա:

Բարձր առնեմ զքեզ, Տէր, զի ընկալար զիս եւ ո՛չ ուրախ արարեր զթշնամին իմ յիս: Տէր Աստուած իմ, կարդացի առ քեզ եւ բժշկեցեր զիս. Տէր, հաներ ի դժոխսց զանձն իմ. փրկեցեր զիս յայնցանէ, ոյք իջանեն ի գուր:

Փոխ. Ալէ: Էհան զիս ի գբոյ տառապանաց ի կաւոյ եւ ի տղմոյ: Հաստատեաց ի վերայ վիմի գոտս իմ եւ ուղղեաց զգնացս իմ:

Փառք եւ երկր. այժմ եւ. ալէ:

**ԱԼԷԼՈՒԻԱ
ԾԱՂԿԱԶԱՐԴԻՆ ՈՂՈԳՈՄԵԱՆ**

ԱԿ.

Ալելուիա, ալելուիա, ալելուիա:

Տէր Աստուած մեր երեւեցա՛ւ մեզ. արարէք տօնս ուրախութեան կանխաւ, մինչեւ յանկինս սեղանոյ: Աստուած իմ ես դու եւ խոստովան եղեց քեզ. Աստուած իմ ես դու եւ բարձր արարից զքեզ:

Փոխ. Ալէ: Լերինք ցնձացեն առաջի Տեառն, զի գայ եւ հասեալ է Տէր ի դատել զերկիր: Դատէ զաշխարհս արդարութեամբ եւ զժողովուրդս իւր ուղղութեամբ:

Փառք եւ երկր. այժմ եւ. ալէ:

**ԱԼԷԼՈՒԲ
ԱԻՈՒՐՑ ԱԻԱԳ ՇԱԲԱԹՈՒՆ**

Աւագ Երկուշաբթի

ԲԶ.

Ալելուիա, ալելուիա, ալելուիա:

Զի նա ասաց եւ եղեն, հրամայեաց եւ հաստատեցան: Կացոյց զնոսա յաւիտեանս յաւիտենից. սահման եղ եւ ո՛չ անցանեն:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փոխ. Ալէ: Ի սկզբանէ, Տէ՛ր, զհիմունս երկրի հաստատեցեր եւ գործք ձեռաց քոց երկինք են: Նոքա կորնչին եւ դու կաս եւ մնաս յաւիտեան:

Փառք եւ երկր. այժմ եւ. ալէ:

Աւագ Երեքշաբթի

ԱԿ.

Ալէլուիա, ալէլուիա, ալէլուիա:

Կացցէ ղշխոյ ընդ աջմէ քումմէ, ի հանդերձս ոսկեհուռս զարդարեալ եւ պաճուճեալ:

Լո՛ւր, դուստր, եւ տե՛ս. խոնարհեցո՛ զունկն քո. մոռա՛ զժողովուրդ քո եւ զտուն հօր քո, զի ցանկացաւ թագաւոր գեղոյ քո:

Փոխ. Ալէ: Տարցին թագաւորի կուսանք զհետ նորա եւ զընկերս նորա տարցին նմա:

Աձցին ցնծութեամբ եւ ուրախութեամբ, եւ տարցին ի տաճար թագաւորի եւ փոխանակ հարց քոց եղիցին որդիք քո:

Փառք եւ երկր. այժմ եւ. ալէ:

Աւագ Չորեքշաբթի

ԳԶ.

Ալէլուիա, ալէլուիա, ալէլուիա:

Որ ուտեր զհաց իմ, յաճախեաց առնել ինձ զխաբէութիւն: Այլ դու, Տէ՛ր, ողորմեա՛ ինձ եւ կանգնեա՛ զիս եւ ես հատուցից նոցա:

Փոխ. Ալէ: Խորհեցան եւ խօսեցան զչարութիւն, եւ զապիրատութիւն ի բարձունս խորհեցան: Եղին յերկինս զբերանս իւրեանց, եւ զլեզուս իւրեանց աձէին զերկրաւ:

Փառք եւ երկր. այժմ եւ. ալէ:

Աւագ Հինգշաբթի

ԳԿ.

Ալէլուիա, ալէլուիա, ալէլուիա:

Լուացից սրբութեամբ զձեռս իմ եւ շուրջ եղէց զսեղանով քով, Տէ՛ր: Տէ՛ր, սիրեցի զվայելչութիւն տան քո եւ զտեղի յարկի փառաց քոց:

Փոխ. Ալէ: Պատրաստ արարեր առաջի իմ զսեղան. ակն յանդիման նեղչաց իմոց:

Օծեր իւղով զգլուխ իմ. բաժակ քո որպէս անապակ արբեցոյց զիս:

Փառք եւ երկր. այժմ եւ. ալէ:

Աւագ Ուրբաթ

ԴԶ.

Ալէլուիա, ալէլուիա, ալէլուիա:

Զարթեաւ աղեղն քո ի նետս կապարճից քոց, արբեցուցեր զգետս, ցրուեցեր զերկիր եւ դողացուցեր ի սաստկութենէ անձրեւի որք անցանէն ընդ սա: Անդունողք աղաղակեցին մեծապէս. լոյս փայլման արեգականն արգելաւ եւ ծագումն լուսնին դադարեցաւ:

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Փոխ. Ալէ: Մատնեցայ եւ ոչ ելանէի. աչք իմ տկարացան յաղքատութենէ: Աղաղակեցի առ Տէր զօրհանապազ եւ համբարձի առ քեզ զձեռս իմ:

Փառք եւ երկր. այժմ եւ. ալէ:

Աւագ Շաբաթ

ԴԿ.

Ալէլուիա, ալէլուիա, ալէլուիա:

Եղին զիս ի գբի ներքնումն, ի խաւարի եւ ի ստուերս մահու: Յիս հաստատեցաւ սրտմտութիւն քո. զամենայն զբօսանս քո ածեր ի վերայ իմ:

Փոխ. Ալէ: Եղէ ես որպէս մարդ առանց օգնականի եւ ի մեռեալս ազատ: Որպէս վիրաւորս որք ննջեն ի գերեզմանի:

Փառք եւ երկր. այժմ եւ. ալէ:

Յայլ օրինակ է այս.

Ինքն ի գերեզմանի գնաց եւ ի տապանի տքնեցաւ: Քաղցրացան նմա խիճք հեղեղատի եւ զհետ նորա ամենայն մարդ գնացէ:

Փառք եւ երկր. այժմ եւ. ալէ:

ԱԼԷԼՈՒՔ

ՊԱՅԾԱՌԱԿԵՐՊՈՒԹԵԱՆՆ ՔՐԻՍՏՈՍԻ, ՈՐ ԱՍԻ ՎԱՐԴԱՎԱՌ ԿԻՒՐԱԿԷ

Ալէլուիա, ալէլուիա, ալէլուիա:

Քո են երկինք եւ քո է երկիր. զաշխարհ լրիս իւրով դու հաստատեցեր: Չհիւսիս եւ զհարաւ դու արարեր. Թաքօր եւ Հերմօն յանուն քո ցնծացեն:

Փոխ. Ալէ: Բարձրութիւնք լերանց նորա են. նորա է ծով եւ նա արար զնա եւ զցամաք ձեռք նորա ստեղծին: Եկայք երկրպագուք նմա. անկցուք եւ լացցուք առաջի Տեառն արարչին մերոյ:

Փառք եւ երկր. այժմ եւ. ալէ:

Երկուշաբթի

Ալէլուիա, ալէլուիա, ալէլուիա:

Բարձրութիւնք լերանց նորա են. նորա է ծով եւ նա արար զնա եւ զցամաք ձեռք նորա ստեղծին: Սովսէս եւ Ահարօն երիցուք նորա. Սամուէլ ընդ այնոսիկ, որք կարդան զանուն նորա:

Փոխ. Ալէ: Լերինք ցնծացեն առաջի Տեառն, զի գայ եւ հասեալ է Տէր ի դատել գերկիր: Դատէ զաշխարհս արդարութեամբ եւ զժողովուրդս իւր ուրախութեամբ:

Փառք եւ երկր. այժմ եւ. ալէ:

Երեքշաբթի

ՈՐ ԿԱՏԱՐԻ Ի ՄԷՋ ԳԻՇԵՐԻԻ ԴԷՄՍ ՀՕՐ ԱՍՏՈՒԾՈՅ

Ալելուիա, ալելուիա, ալելուիա:

Ի ձեռս նորա են ամենայն տիեզերք երկրի եւ բարձրութիւնք լերանց նորա են: Նորա է ծով եւ նա արար զնա եւ զցամաք ձեռք նորա ստեղծին:

Փոխ. Ալէ: Լերինք որպէս մում հալեացին յերեսաց Տեառն. յերեսաց Տեառն ամենայն երկիր: Պատմեացեն երկինք զարդարութիւն նորա եւ տեսցեն ամենայն ժողովուրդք զփառս նորա:

Փառք եւ երկր. այլամ եւ. ալէ:

Համակարգչային աշխատանքը՝

*Հոգեշնորհ Տ. Ջավեն արեղա Յագիչյանի
Մայր Աթոռ Սուրբ Էջմիածնի Միաբան*